

# San Lucas

Mamabuinore coyuiyebu Lucas bácu ùi toivaiye báquede Jesucristorā. Lucas bácu juoipõescu barejaquemavu. Apevu bueiþõeva ne dápiaru, ù mácu judío ãmenejaquemavu (Col 4:11-14). Cucunurejaquemavu Pablo bácuque (Hch 16:10). Áro ùi cuede ùi toivaiyede iye coyuiyede Jesucristorā caivu majibevu. Apevu ne dápiaru Roma ãmicurriimaroí, apevu ne dápiaru Cesarea ãmicurriimaroí, aru apevu ne dápiaru Acaya ãmicurrijoborõí curejaquemavu. Majidivú ne dápiayepe Lucas bácu toivarejaquemavu Marcos bácu ùi toivariburu yóboi ùi coyuiyede Jesucristorā, ãniujua báquede 60-65 d.C. baji. Que baru Lucas bácu Jesúque cubecu bácuvacari, majidejaquemavu Jesú borore, ùi jári boroteiye báque boje Marcos bácu ùi toivaiye báquede.

Lucas bácu jáðovarejaquemavu Jesúre, Jūmenijicu bajureca, yópe põescu. Coyurejaquemavu Jesús ùi jipocacavu bácuve pu Adán mácuta, aru Juan Bautista bácu ùi põeteiyede, aru Jesús ùi põeteiyede, aru Jesús juedocure. Coyurejaquemavu jēniayede Jūmenijicuque (3:2; 5:16; 6:12; 9:18, 29; 11:5-13; 18:1-8; 22:32; 23:40), nomivare (Juan Bautista bácu paco bácore aru Jesú paco bácore: 2:36; 7:11, 37; 8:2; 10:38-42; 13:11; 15:8; 18:1; 21:1; 23:27), aru apevu cõmaje árojarivure, inape juedovare, cuve cuvabevure, aru jabovare táutura ícaipõevare. Lucas bácu toivarejaquemavu Jesús ùi ðaiyede, mamabuinoque bárí pu buojainoque jebeni, cūináro, cūináro coapa. Toivarejaquemavu ñai ùmu Teófilo bácuve aru apevu judío va ãnevure, ne majinajiyepe ayu “jávencu iye coyuiye” ne jápiaiyede Jesúrá (1:4). Que baru toivarejaquemavu, ne majinajiyepe ayu Jesús caivu põevare meaðaipõescu, judío vore aru judío va ãnevure máre.

## Mamabuino

(Hch 1.1)

**1** <sup>1</sup>Mu, Teófilo, obedivú põeva toivari báquemavu caiye iye Jesú ðaiye báquede maje jēneboi coyuinore. <sup>2</sup>Yópe ina mamarumure jáivu bácu caiye Jesú ðaiye báquede aru Jūmenijicu yávaiyede ùi toivaicõjeiye báquede coyuinú bácu majare toivaquemavu. Návacari ùque curejaquemavu ùi mamabujaravú pu ùi jebejaravuita. <sup>3</sup>Aru yu máre jáve jári coreóvacacu joe báque caiye iye ðaiye báquede. Que baru dápiavu yu yópe, “Ji toivaru coyuinore iye teiye báquepe Teófilore, meajebu ùre”, arí dápiavu yu. <sup>4</sup>Que baru toivaivú mure, mi majiquiyepe ayu javencu iye coyuiye mi jápiaiyede báquede.

## Juan Bautista ùi põetequinore cūinácu ángele ùi coyuíno

<sup>5</sup>Ánijaravú báquei Herodes bácu Judea ãmicurrijoborõcavu ne jabocu

baede, curejameða cūinácu sacerdote, ùi ãmiá Zacarías. Abías ãmicurrijabocacu barejameða ù. Jímarepaco máre Aarón ãmicucu bácu sacerdote bácu párameco barejácuða, õi ãmiá Isabel. <sup>6</sup>Ina pucarā meara marejáimada Jūmenijicu jáinore. Aru ðarejaimada iye Jūmenijicu ðaicõjeiyede ùi coyuiye báquede Moisés bácuve. <sup>7</sup>Ubenita Isabel juedoeabedejacoda. Aru ina pucarā bucujina marejáimada. Que baru juedocuvabedejaimada na.

<sup>8</sup>Cūinájaravú Zacaríai yajubo, sacerdotevacavú yajubo, ne memejaravú Jūmenijicu cūrami jívni barejávüya. <sup>9</sup>Aru Zacaríare ne beoiye boje, ùi juacnūino marejávüya. Que baru sacerdoteva ne ðarí cõmajiyepedeca ðaiye jaurejavüya ùre. Mumijuede juacnecorejameða ù Jūmenijicu cūrami. <sup>10</sup>Que teni obedivú põeva jēnarejaimada Jūmenijicure ùi

cūrami jedevacobei diora, mumijuede juaiorai. <sup>11</sup>Zacarías mumijuede juayu bācu, úre cuetedejameđa cūinácu ángele, Jūmenijicui daroimu, núcu meapūravui ne juaino yebai. <sup>12</sup>Aru úre jári, cuicumarejameđa Zacarías. Jiducu barejámeđa ũ. <sup>13</sup>Ūbenita ñai ángele arejameđa úre:

—Mũ, Zacarías, jidubejacu mũ.

Jūmenijicu jápiaibi mi jēnaiye báquede. Aru caride Jūmenijicu cadatecuyume mure. Mimarepaco juedocuvacodome. Aru Juan amidojacu mũ ũ macuyúre. <sup>14</sup>Torojucuyumu mũ mímacu bacuyúre boje. Aru obedivũ pōeva torojurājarama ũi pōteiyede. <sup>15</sup>Mímacu bacuyú parucu bacuyúme Jūmenijicui jáinore. Jūmenijicui Espiritu Santo úque cucuyume jípacoi yapibu jívumiareca. Que baru vino úyaicoro boqueicorore úcumecuyume ũ. Aru apecoro boqueicorore máre úcumecuyume ũ. <sup>16</sup>Ñai mímacu bacuyú obedivũ pōeva Israel bācui pāramena mārājivure, ũi coyuyiyede náre Jūmenijicui yávaiye méne, chíore đarí ju arājarama ne jabocu Jūmenijicure.

<sup>17</sup>Jūmenijicu nópe đare đacuyume mímacu bacuyúre. Aru jipocateđe đacuyume mímacu bacuyúre maje jabocure ũi Espirituque, ũi paruéque. Nopedeca Jūmenijicu paruđe đarejaquemavu ũi yávaiyede coyucaipōecu bācure máre, ũi āmiá Elías, ũi Espirituque, ina bucva ne ju arí jipocatenajiyepere ayũ nēmarare ne cārījimene đarājiyepere ayũ náque, aru ina ju abevũ ne dāpiarājiyepere ayũ ju aivũ ne majiépedeca. Caiye iye đacuyume mímacu bacuyú pōevare meadarí, ne jacopurājiyepere ayũ maje jabocure, Jūmenijicui daroquimure, arejameđa ñai ángele Zacaríare.

<sup>18</sup>Ñai ángele ũi aríburu yóboi, Zacarías jēniari járejameđa úre:

—¿Aipe đarí coreóvaji yũ jimarepaco juedocuvacodore? Bucucubu yũ. Aru jimarepaco máre bucucobe ō, arejameđa Zacarías.

<sup>19</sup>Aru ñai ángele arejameđa úre:

—Yúbu Gabriel. Yũ núcubu cainumua Jūmenijicu yebai, memecayu úre.

Jūmenijicui daroimũmu yũ. Mũre coyucudayubu yũ iye yávaiye méne. <sup>20</sup>Ūbenita caride yávarí majibecubu mũ. Aru yávabecuyumu mũ mímacu bacuyú ũi pōteiyeta, mi ju abe boje ji coyuiyede. Caiye vaiquíyebu yópe ji coyuiyepere mure cari, arejameđa ñai ángele.

<sup>21</sup>Aru ina nópe coyuiyũ, caivũ ina obedivũ pōeva Zacaríai etaiyede coredejaimađa na. Ūrarō coreni úre, pare dāpiarejameđa, “¿Aipe teni Zacarías etabedi Jūmenijicui cūramine jocarí?” aivũ. <sup>22</sup>Buojarí, etarejameđa Zacarías Jūmenijicui cūramine jocarí. Etauũ bācu, yávarí majibedejameđa náre. Que baru ina pōeva coreóvarejaimađa Zacarías jáñũ mácure yópe decoboinope arucure diñami Jūmenijicui cūrami jívui. Zacaríacapuravu yaredejameđa ũi puruque náre. Ūbenita yávarí majibecu mautedejameđa ũ.

<sup>23</sup>No yóboi, apejāravũ ũi yajubo, sacerdotevacavui yajubo, ne Jūmenijicui cūrami memejāravua yóboi, Zacarías copainurejameđa ũi cūrami. <sup>24</sup>Aru dijāravua yóboi jímarepaco juedoearejacođa ō. Que teni cūinápurupe paiaviavare mautedejacođa ō cūrami jívui. Aru arejacođa:

<sup>25</sup>—Yopedeca đacaquemavu Jūmenijicu yũre. Cōmaje āroje jári yũre, íame ji cuyeno mácarōre. Aru đacaibi yũre pōeva ne cōenimenajiyepere ayũ, arejacođa ō, Isabel.

**Jesús ũi pōtequinore cūinácu ángele ũi coyuiño**  
(Mt 1.18, 21)

<sup>26</sup>Isabel ōi seis paiaviava micaco baedata, dinũmũta bediáva cojedeca ñai ángele Gabriede darorejameđa Jūmenijicu, Galilea āmicurōi, Nazaret āmicuríimaro. <sup>27</sup>Diimaro cūináco nomió curejacođa, María āmicuco. Ō marejácođa David bācui pāramecu Joséi márepaco bacođó. Ō ye cubedejacođa ũmũque cāreja. Ōi yebai darorejameđa Jūmenijicu ñai ángelede. <sup>28</sup>Ōi yebai earí, yópe arejameđa Maríare ñai ángele:

—¿Me sacorã mu? Mu Jümenijicui beoimomu. Múque cubi Jümenijicu, arejamedá Mariare.

<sup>29</sup>Übenita ñai ángele üi nópe aiyede cuecumari, “¿Aipe ayu bárica ü yure?” arí dápiarejacoda. <sup>30</sup>Aru ñai ángele arejamedá óre:

—Ji coyuiyede jidubejaco mu, María. Jümenijicu müre jecubi.

<sup>31</sup>Micatani, jueðocuvacodomu mu. Mi jueðocuvacojimu Jesús ámicucuyume ü macuyú. <sup>32</sup>Jabocu parucu bacuyúme mímacu bacuyú. Aru pöeva arájarama üi borore, “Jümenijicu parucui mácube ü”. Üi ñecu mácu, David bácupe, jabotede ðacuyume Jümenijicu mímacu bacuyúre. <sup>33</sup>Israel bácuí páramena ne jabocu bacuyúme. Mímacu bacuyú üi jaboteiye ye cüiméquiyebe, arejamedá Mariare.

<sup>34</sup>Mariacapüravu arejacoda úre:

—¿Aipe ayurü mu, nópe ayu? Yu ye ümúque cubecotamu yu, arejacoda ó.

<sup>35</sup>Ñai ángelecapüravu arejamedá óre:

—Müre dacuyume Jümenijicui Espiritu Santo. Aru Jümenijicu caivu püeno parucu üi parué cuquiyebe múque.

Que baru mi jueðocuvacojimu meacu baju bacuyúme ü. Jümenijicui mácu bacuyúme ü. <sup>36</sup>Aru miparimo Isabel, bucucovacari, micacobe ó máre. Caride “jueðoeabeco”, ne aimo máco javeta seis paiaviava micacotamedá. <sup>37</sup>Jümenijicu caiyede ðaiye majibi. Que baru ye cubevü üi ðabeno, arejamedá Mariare ñai ángele.

<sup>38</sup>Aru arejacoda Mariacapüravu:

—Jümenijicui yebacotamu yu. Mi aiyepe bajaróri yure, arejacoda ó.

Coyurí buojarí, nurejamedá ñai ángele óre jocarí.

### María õi jáconuino Isabede

<sup>39</sup>Dijārvavai María nurejacoda maumejie cüináimaroi, cūrācūai, Judea ámicurijoborõi. <sup>40</sup>Imaroi earí, Zacaríai cūrāmi ecorejacoda ó. Aru ecorí jacoyurejacoda Isabede.

<sup>41</sup>Õi jápiaiyede Maríai jacoyuiyede, õi mácu cújidejamedá õi yapibui. Aru

Espiritu Santo dápiaicõjenezamedá Isabede. <sup>42</sup>Que baru Isabel, yópe arí, coðoborejacoda Mariare:

—iJümenijicu müre me jári, mearo ðacaquemavu müre caivu nomiva püeno! iJümenijicu me jári, mearo ðacacuyume mímacu bacuyúre máre püeno baju! <sup>43</sup>Cuecumari dápiaivu yu ji jabocui paco ji yebai õi cucodaiyede. <sup>44</sup>Ji jápiaiyede mi jacoyuiyede, jímacu torojucu cújibi ji yapibui. <sup>45</sup>Mu ju arebu ángele üi coyuiye báquede müre. Mu dápiarebu Jümenijicu ðacuyure müre üi aipe báquedepeda. Que baru Jümenijicu me teyube müre. Torojuvü mu, arejacoda ó.

<sup>46</sup>Aru María arejacoda:

Ji ümei coreóvaivu ji jabocui

paruéde. <sup>47</sup>Aru ji decocui torojuvü Jümenijicare, yure meadaipöecure, boje. <sup>48</sup>Jümenijicu cõmaje ároje jáquemavu yure, üi yebacacore.

Que baru caivu ijārvavavu

“Jümenijicui torojure ðaimome

õ”, arájarama yure. <sup>49</sup>Ñai parucu baju ðayube yure mearo urarõre. Aru meacu bajube. Caivu apevu püeno meacube ü. <sup>50</sup>Cõmaje ároje jáñume caivu ina pueðaiyure úre, javede aru caride máre.

<sup>51</sup>Üi ðaiyeque jáðovañume üi paruéde. Ina pöeva ne baju me dápiaiyure, apevu püeno meara dápiaiyure, coavayube. <sup>52</sup>Ina

jabova parurivure ne paruéde ñume náre jocarí. Aru ina cõmaje árojarivure mearo ðacayube ü.

<sup>53</sup>Ina áuyaiyure yapide ðayube me áiyeque. Aru ina cuve cuvavivure jaroyube cuve cuvavuvü.

<sup>54</sup>Cadateyube üi pöevare, maja Israecavure, üi cõmaje ároje jári árúe boje. <sup>55</sup>Cüináturu yávarejaquemavu majeñecuva mácvure, Abraham mácvure aru üi páramenare máre, cainumua, arejacoda María.

<sup>56</sup>Carejacoda Isabeque yóbecurá aviáva. Aru no yóboi copainñejacoda õi cūrāmi.

**Juan Bautista ùi pōeteino**

<sup>57</sup> Dinũmũai Isabel juedocũvarejacoda ùmu juedojĩcũre. <sup>58</sup> Aru òi cadaĩjēcavũ, ò jivũ mãre, ne jãpiaiyede òi borore Jũmenijicu cõmaje ãroje jãñũre òre, torojũreajaimada òque.

<sup>59</sup> Ocho pajjãravũ pōeteniburu yõboi, sacerdoteva òi mãcũi cajede buraicõjeni judĩova ne ðarĩ cõmajiyepe, ðarãearejaimada na. Aru ãmidorãjivũ barĩdũreajaimada ùre Zacarías, jĩpacũre.

<sup>60</sup> Ùbenita jĩpaco arejacoda:  
—Bi, Zacarías ãmemi. Ù ãmicũcũyũme Juan, arejacoda ò.

<sup>61</sup> Que teni ina põeva arejaimada òre:  
—Cũbebi apesũ mĩvũ jẽnebore Juan ãmicũcũ, arejaimada na.

<sup>62</sup> Aru ina põeva yaredejaimada ne pũũque jĩpacũre, jẽniari jãivũ ùre, “¿Yẽcũ ãmidocũyũũ ùre?” <sup>63</sup> Que teni Zacarías jabiõvarĩ jẽniarejameða toivaivede. Aru toivarejameða yõpe: “Juan ãmicũbi ù”. Que baru caivũ pare dãpiarejaimada caiye iyede. <sup>64</sup> Aru cũinã yãvari bũrĩ, torojũrĩ, mearore jĩdejameða Jũmenijicũre Zacarías. <sup>65</sup> Que baru caivũ ina põeva, ùi cadaĩjēcavũ, cũcumarejaimada na. Caiye iye borore borotedejaimada caivũ caino dijõborõi, Judea ãmicũrijõborõcacũa cũrcũai.

<sup>66</sup> Aru caivũ ina jãpiaivũ, me dãpiarĩ arejaimada:

—¿Yẽcũ baquidĩca ñai juedocũ? arejaimada na.

Aru Jũmenijicu cadatedejaquemavũ ùre.

**Zacarías ùi yãvaino Jũmenijicũre**

<sup>67</sup> Dinũmũre Espĩritu Santo dãpiaicõjẽnejameða Zacarĩare. Que baru Jũmenijicũi yãvaiyede coyũrejameða:

<sup>68</sup> Torojũvũ yũ Jũmenijicũque. Que baru mearore jĩvũ yũ maje jabocũre, Israecavũ maje mearore jĩmũre. Cõmaje ãroje jãrĩ ùi põevare, meadaibi majare abujuvai jabocũi parũede jarũvarĩ.

<sup>69</sup> Jũmenijicu daroyũbe majare cũinãcũ meadaipõecũre, ùi

põesũ David bãcũi pãramecũre.

<sup>70</sup> Javede Jũmenijicũi yãvaiyede coyũcaipõeva mãcavũ, yõpe arĩ, coyũreajaimada: “Jũmenijicu darocũyũme meadaipõecũre, ùi põevare meadaquiyepe ayũ”. <sup>71</sup> Majare meadaipõesũ meadacũyũme majare maucũvarivũ ne parũede jarũvarĩ.

<sup>72</sup> Que ðacũyũme ùi cõmaje ãroje jãiyẽ baque boje maje jipocacavũ bãcavũre aru ùi ãrumetebe boje “Yõpe ðarãjarevũ”, ùi aino mãcarõpedeca na mãcavũre.

<sup>73</sup> Jãve ðacacũyũme majare yõpe ùi aiyẽ baquepedeca majeñesũ mãcũ Abraham mãcũre.

<sup>74-75</sup> Meadacũyũme majare maucũvarivũre jarũvarĩ, maje memecarãjiyepe ayũ Jũmenijicũi jaboteinore jidũbevũva maja, mearore dãpiarĩ aru mearore ðarĩ Jũmenijicũi jãiyede cainũmũa, caride pũ maje yainũmũita, arejameða Jũmenijicũre.

<sup>76</sup> Aru mamacũre mãre arejameða Zacarías:

Mũ, jĩmacũ, coreõvarãjarama mũre Jũmenijicũi yãvaiyede coyũcaipõecũre caivũ pũeno parũcũre. Que baru mũ pũcũyũmũi maje jabocũ jipocai.

Coyũcũyũmũi Jũmenijicũi yãvaiyẽ meñe põeva chĩori ne ãmeina teiyede, ne oatũvarãjiyepe ayũ ne ðaiyede ùi daquiyẽ jipocai.

<sup>77</sup> Coreõvare ðacũyũmũi mũ ùi põevare, ne majinajiyepe ayũ meadaquiyede nãre. Ùrecabe ãrumetecũyũ ne ãmeina teiyede.

<sup>78</sup> Nõpe ðacũyũmũi mũ Jũmenijicũi cõmaje ãroje jãiyẽ boje põevare ãnijãravũ, majare meadaipõesũ bacũyũ ùi daquijãravũ baquinõi.

Yõpe mamajãravũ miadãepe baquiyẽbu majare. <sup>79</sup> ãnijãravũ baquinõre yãvaiyede jãvene majide ðacũyũme põevare majare meadaipõesũ bacũyũ,

yópe pëoiye járe ðaiyepe ina ñeminoi dobarivure, ina yainore jidurivure. Yópe máre pëori maje cuiyepe, nopedeca cure ðacuyume majare cãrijimenoque. Jümenijicu majide ðacuyume caivu ina coreóvabevure üi yávaiyede javene. Aru caivu majare cure ðacuyume cãrijimevva, arejameda Zacarías.

<sup>80</sup>Bucurejameda Zacaríai mácu.

Paruríume curejameda. Aru macaróí, pöcubenoi, curejameda, üi coyurí buijárvu baquinó eaiyeta Israel bácuí pãramenare.

### Jesús üi pöeteino

(Mt 1.18-25)

**2** <sup>1</sup>Dinmure üi jabodaimarare corevaicöjenejameda César Augusto. <sup>2</sup>No mamarumu ne ãmiäre toivaicöjeinmure Siria ãmicurijoboröcavure cöjeipöecu barejameda Cirenio. <sup>3</sup>Que baru caivu corevaimara márajivu ne bucva bácvu ne cue báquei copaidejaimada. <sup>4</sup>Aru José máre Galileacaró ímaro, Nazaret ãmicuríimaroí cucu bácu, Judea ãmicuróí nurejameda ü. Noi nuri, Belén ãmicuríimaro, üi ñecu mácuí curó mácaróí earejameda José, David bácuí pãramecu. Que baru nurejameda José noi. <sup>5</sup>Nuri, jímarepaco bacoðóre nurejameda José. Ne ãmiäre toivarí ícöjenanurejaimada na. Aru dinmure micacota barejácoda ö. <sup>6</sup>Noi earí, curí, jueðocuvarejacoda María, ümü jueðojicu, mama jueðocure. <sup>7</sup>Cuipöeva ne cáñami buidíñami marejávüya. Que baru ne cájuroroð eabeni, oteiãimara ne curíñami curí, jueðocuvarejacoda María. Jueðocuvarí, mamacure pavaicajeaque cümari, oteiãimara ne äitöcui tuorejacoda úre María, üi cáquiyepa ado.

### Ángeleva Jesúí pöeteinore ne coyüino ovejavare coreipöevare

<sup>8</sup>Nore ovejavare coreipöeva curejaimada dáre ñami, ne oteiãimarare coreivu. <sup>9</sup>Cüiná, Jümenijicui daroimu,

ángele, nore emenejamedá ü nára. Cojilé nurejavüya. Jümenijicui cojino pare cojidejavüya. Nára pëorejavüya. Ámei jidurejaimada ina oteiãimarare coreipöeva. <sup>10</sup>Übenita ñai ángele arejamedá náre:

—Jidubejará müja. Müjare yávaiye méne davayütamu yu. Müjare aru caivure müje torojurãiyede davayübu yu. <sup>11</sup>Cari ñami David bácuí curíimaro mácaróí pöeteibi müje ãmeina téjuroede meadacuyü, Jümenijicui epeimü, Cristo, müje jabocu bacuyú. Jävetamu. <sup>12</sup>Müjare ji coyüimure noi earãjaramu müja, cümaimure. Oteiãimara ne äitöcui paraibi, arejamedá ñai ángele.

<sup>13</sup>Coyurí buojarí, obedivu Jümenijicui daroimara, ángeleva, járorejaimada ñai ángeleque. Jümenijicure torojurí mearore jídejaimada ina ángeleva.

<sup>14</sup>Mearore jínajarevu Jümenijicure, cavaró mearocacure, caivu pueno parucure. Aru ijárvucavure, ijoboröcavure, Jümenijicure ju aivure, meaquiyebu, arejaimada na.

<sup>15</sup>Que arí buojarí, cavaró mearo Jümenijicui curóí copaidejaimada ina ángeleva. Ne nuri buru yóboita, ina oteiãimarare coreipöeva arejaimada ne bajumia:

—Járica, Beléí nuri, Jümenijicui cari coyüiyede járanurajarevu, arejaimada na.

<sup>16</sup>Que arí, cüiná nurejaimada. Nuri pu Joséda aru Maríare earejaimada na. Aru Maríai mácure máre, parayure, oteiãimara ne äitöcui earejaimada na. <sup>17</sup>Que teni jueðojicure jári, Jümenijicui coyüye báquede náre coyurejaimada ina oteiãimarare coreipöeva. <sup>18</sup>Ne coyüiyede jápiaivu bácvu cucumari dápiarejaimada na. <sup>19</sup>Aru Maríacapuravu ðie caiyede jápiarí, me dápiarejacoda öi ümei. <sup>20</sup>Que teni ne curöre copainurejaimada ina oteiãimarare coreipöeva. Nópe ne jápiaiyepa báquepe, ñai ángele üi coyüye báquepedeca, járejaimada na. Que baru torojurí arejaimada ina oteiãimarare coreipöeva:

— iMũ, Jũmenijicũ, meacũ bajutamu mũ! are nũrejaimada na.

**Ne nũvaino Jesũre Jũmenijicũ  
cũrami  
(Lc 1.31)**

<sup>21</sup> Ocho pajĩaravũa ãi pũeteniburũ yũboi, sacerdotevare Marĩai mãcũi cajede buraicũjenezaimada, judũova ne ðarĩ cũmajiyeye. Aru ãmidorejaimada ũre Jesũs, yũpe ñai ángele ãi coyũiye báquepe Jesũi pũetequiye jipocai.

<sup>22</sup> No yũboi náre ðaiye jauéde nõpe Jũmenijicũi ðaicũjeiyede ãi coyũiye báquepe Moisés bácũre, ne meara marajiyépe ayũ Jũmenijicũi jãĩnõre, Jesũi bucũva, ũre nũvari, mũri nũrejaimada Jerusalén ãmicurĩĩmaroi, jĩnajivu ũre Jũmenijicũre. <sup>23</sup> Nõpe ðarĩ, ðarejaimada yũpe Jũmenijicũi ðaicũjeiyede ãi toivaicũjeiyeye báquepe: “Caivu ina ãmũ jueðova nẽpacore mamarũmũ pũeteivu, Jũmenijicũi beoimara mãrajivũbu. Que baru náre jĩjarã Jũmenijicũre”.

<sup>24</sup> Jũmenijicũi cũrami nũrejaimada. Aru mĩjinare jĩdejaimada Jũmenijicũre, ne boarĩ juarãjiyeye aivu yũpe Jũmenijicũi ðaicũjeiyeye mamarũmũ pũeteyũ boje: “Pũcarã jurevare o pũcarã cõriãjurevare jĩjarã Jũmenijicũre”.

<sup>25</sup> Dinũmũre cũĩnãcũ ãmũ curejameða Jerusalén ãmicurĩĩmaroi, ãi ãmiã Simeõn. Ñai Simeõn meacũ barejameða. Jũmenijicũre urĩ, ãi ðaicũjeiyeye ðare nũrejameða cainũmũa. Napini coreni vore nũrejameða Israecavũre caðatecũyũre. Aru ñai Espĩritu Santo ũque curejameða. <sup>26</sup> Ñai Espĩritu Santo ũre coreõvare ðarejameða yaibécũyũre jipocamia jãmecũva ñai Jũmenijicũi epeimũ, Cristore. <sup>27-28</sup> Que baru ñai Espĩritu Santo ecore ðarejameða ũre Jũmenijicũi cũrami. Aru ina bucũva ne nũvaiyede diñami nẽmacũ Jesũre, ne ðarãjiyeye ayũ yũpe Jũmenijicũi ðaicũjeiyeye, ũre ðũrũrejameða Simeõn ãi ãmuveai. Aru torojũrĩ mearore jĩyũ Jũmenijicũre arejameða:

<sup>29</sup> Mũ, ji jabocũ, caride yũ, mi pũescũ, yaiquĩjivũ cãrijimecũva, yũpe

mi coyũiye báquepe. <sup>30</sup> Jãĩvũ yũ ji baju ñai mi ðarõimũ mãcũre, caivũre meaðaipũescũre. <sup>31</sup> Mũ ðarõivũ ũre caivũ pũeva ne meatenajiyeye ayũ abujuvai jabocũi parũéde jarũvarĩ. <sup>32</sup> ũ macũyũme pũõinope caivũre ina pũeva judũova ãnevũre, ne majinajiyeye ayũ Jũmenijicũre. Aru ðavacũyũme mearore mi pũevare, Israecavũre, arejameða Simeõn.

<sup>33</sup> Caiye iye ãi yãvaiyede Jesũi borore jãpiarĩ, Jesũi bucũva cuecumarĩ ðãpiarejaimada. <sup>34</sup> Aru Simeõn torojũrĩ mearore jĩyũ Jũmenijicũre náre boje, yũpe arejameða Marĩare, Jesũi pacore: —Ñai jueðocũ Jũmenijicũi epeimũme. Obedivũ Israecavũ bĩjarãjarama, ne ube boje ũre. Aru obedivũ Israecavũ meaðaimara marajãrama, ne ñe boje ũre. ũ coreõvare ðacũyũme obedivũ pũevare Jũmenijicũi ðãpiainõre. ũbenita obedivũ pũeva ũre ju abeni ubenajarama. <sup>35</sup> Caiye iye pũeva ne ðarãjĩye mĩmacũre ñãjĩne ðaquiyebu mũre yũpe cũĩnãve tãuve mi ũmene burarĩ cotũvaiyeye. Que teni caivũ majinajarama obedivũ pũeva ne ðãpiainõre ne ũmei, arejameða Simeõn Marĩare.

<sup>36</sup> Aru diñamine mãre curejacoða cũĩnãco Jũmenijicũi yãvaiyede coyũcaipũeco, õi ãmiã Ana, Fanuel bãcũi mãco, Aser bãcũi yajubocaco. Pare bucũco barejãcoða õ. Bojũyo cãreja, pũrubũoðo bãco siete pajũjua curejacoða jĩmarepacũ bãcũque. <sup>37</sup> Aru nomĩõpeco barejãcoða õ ochenta y cuatro pajũjuaita cãreja. Jũmenijicũi cũramine etabeni, nore curĩ cainũmũa jĩyo mearore Jũmenijicũre, ãmecova ãiyede jẽniarejacoða ũre jãravũre aru ñamine mãre. <sup>38</sup> Dinũmũmiareca Jesũs yebai nũri, jĩdejacoða mearore Jũmenijicũre. Aru Jesũi borore coyũrejacoða caivũ ina napini coreni vore cuivũre Jũmenijicũi meaðaquiyeðe Jerusalén ãmicurĩĩmarocavũre.

**Jesũi bucũva Nazarei ne copaino  
(Mt 2.23)**

<sup>39</sup> Jesũi bucũva ðaivũ bãcavũ caiye iye Jũmenijicũi ðaicũjeiyeye,



copainurejaimada Galileacarō imaro Nazaret āmicuriimaroi. <sup>40</sup>Aru nēmacu me bucurejameda. Parucu barejameda. Urarō majidejameda ũ. Aru Jūmenijicu me járejameda ũre máre.

### Jesús ũi majicaino majidipōevare

<sup>41</sup>Ūjuá coapa Pascua āmicurijāravure aru páure bucure ðaiye cube āiye torojuve teinūmure, Jesúi bucūva mūri nurejaimada Jerusalén āmicuriimaroi.

<sup>42</sup>Que baru Jesúi cūvaede doce paiujua nūvarejaimada ũre noi, ðarājivu yópe ne ðaiyere ũjuá coapa. <sup>43</sup>Torojuve teniburu yóboi, obedivu ina pōeva copainūivu barejaimada Jerusalén āmicuriimarore jocarī. Ūbenita ñai juedocu Jesús mautedejameda noi. Aru ũi bucūva coreóvabedejaimada. Dápiarī arīdurejaimada ne baju yópe: <sup>44</sup>“Obedivu pōeva mái nuñama.

Que baru Jesús nuñume apevuque”, arīdurejaimada na. Que dápiarī, nurejaimada cūinájāravu baju. Aru yóboi vorīdurejaimada Jesúre névu jēneboi. <sup>45</sup>Ūbenita ũre eabedejaimada. Que baru Jerusalén āmicuriimaroi copaini vorānurejaimada ũre.

<sup>46</sup>Pare vore curejaimada na. Yóbecurijāravua yóboita, ũre earejaimada Jūmenijicūi cūrami, dobacure bueipōeva majidivu jēneboi. Náre jápiayu aru jēniari jáñu marejameda ũ, Jesús. <sup>47</sup>Caivu ina jápiaivu ũre pare dápiarejaimada, ũi majié boje aru ũi yávaiye boje máre. <sup>48</sup>Ūi bucūva jáivu ũre noi, pare dápiarejaimada. Que teni jípacō arejacoda ũre:

—Bucu, ¿aipe teni que ðayurū ñujare? Jájacu, mipacu aru yu máre chíori voivubu ñuja mure, arejacoda ō.

<sup>49</sup>Jesús arejameda náre:

—¿Aipe teni vodārāru yure?

¿Majibenaru muja jauřore yure memecayure jipacure? arejameda Jesús.

<sup>50</sup>Ūbenita coreóvabedejaimada na iye ũi aiyede náre.

<sup>51</sup>Náre yóvarī ēmenejameda Nazaret āmicuriimaroi. Aru náre ju arī, yópe ne

urōpe ðayu barejameda. Jípacō caiye iyede me dápiarī, ārurejacoda ũi yávaiye báquede aru ũi ðaiye báquede máre.

<sup>52</sup>Jesús me bucurejameda ũi baju aru Jūmenijicūi majiéque máre. Jūmenijicu aru pōeva máre ũque torojurejaimada.

### Juan Bautista ũi coyūino Jūmenijicūi yávaiyede pōecubenoī

(Mt 3.1-12, 7.19, 12.34, 14.3-4, 23.33; Mr 1.1-8, 6.17-18; Lc 7.29; Jn 1.19-28, 8.33)

**3** <sup>1</sup>No yóboi Roma āmicurō jaboteino jabocu curejameda, ũi āmiá Tiberius César. Ūi jaboteiyede quince paiujua baju, Poncio Pilato jaboteyu barejameda Judea āmicurijoborōcavure. Aru Herodes jaboteyu barejameda Galilea āmicurijoborōcavure. Herodei yócu, Felipe, jaboteyu barejameda Iturea aru Traconite āmicurijoborōcavure. Aru Lisánias jaboteyu barejameda Abilinia āmicurijoborōcavure. <sup>2</sup>Anás aru Caifás máre sacerdotevare jaboteipōeva marejaimada na. Dinūmure Jūmenijicu yávarejameda Juan Bautistare, Zacarías bácuí mácure, pōecubenoī. Pōeva vaivure coyure curejameda nore. <sup>3</sup>Ū nurejameda caino Jordán āmicuriya jia yebai. Coyuyū barejameda pōevare, ne Jūmenijicure jáðovarajiyere ayu ocoque, ne chíori dápiarājiyere ayu ne āmeina teiyede. Aru ne oatvarājiyere ayu ne ðaiyede, “Jūmenijicu ārumetecuyume” ayu barejameda diede. <sup>4</sup>Yópe toivarejaquemavu javede ñai Jūmenijicūi yávaiyede coyucaipōecu bácu, ũi āmiá Isafas:

Jūmenijicure coyucaipōecu codoboyure jápiarājarama pōecubenoī: “Meaðajarā muje ũmene copu etaburī maje jabocure, nopedeca muje meaðaiyere daimare, ñai ũmū, muje pueðaimū, ũi daquiye jípacai. Que ðarī ðajocajarā muje āmeina teiyede, Jūmenijicūi ðaroimū macuyū ũi daquiye jípacai, Jūmenijicūi copu etaquiye ayu mujare. <sup>5</sup>Caino ēmeino buiquíyebu. Aru caiye

cūracūa jōdaquiyeu. Ma nurimema nuritequiyeu. Aru ma yaribema máre yaritequiyeu. Jabovare aru jabova ámevure máre dajocarí ne ámeina teiyede oatvayie javvu náre ñai Jūmenijicui daroimū macuyú ũi daquiye jipocai. <sup>6</sup>Caivu ijārvavucavu jārjarama Jūmenijicui daroquimure, pōvare meadaipōecure”, arí toivarejaquemavu Isaías bácu.

<sup>7</sup>Obedivu pōeva earejaimada Juan Bautista yebai, ũi jádovaquiyepe aivu náre Jūmenijicūque jiai. Ũi yebai eavure, náre arejaimada:

—iMuja, jūjovavubu, muje ðaiye boje mearape! iAru ádavape paivubu muja, muje ámedaiye boje apévure! Jūmenijicui jorojiquijāravu edaiyede, jáve dupini buojabenamu muja. <sup>8</sup>Ðajarā muja yópe pōeva chíoiu ne ámeina teiyede, oatvavivu ne ðaiyepe. Muje baju abejarā: “Majeñecu Abraham mácu barejaquemavu. Jūmenijicu yōvarejaquemavu ũi mácure. Que baru meara bajutamu maja Jūmenijicui jáinore”, abejarā muja. Jáve coyuyubu mujare: Jūmenijicu buojai bi oatvayū cūraboare Abraham mácu pāramena máravure ðacuyū, ne ðarājīyepe ayū yópe ũi urōpe. <sup>9</sup>Yópe jiore memepōecu ũi jáiyede jocucua jēidua mearua cubecure ũi jioi, ũi jaruvajuroepe ðicuaré toaboi, nopedeca Jūmenijicu jáñu mujare mearo ðabevure, jaruvacuyume mujare toabo cūiméboi, arejaimada Juan Bautista.

<sup>10</sup>Que teni ina obedivu pōeva jēniari járejaimada Juan Bautistare:

—¿Aipe ðarājidi ñuja? arejaimada.

<sup>11</sup>Juan Bautista arejaimada náre:

—Pucacajea cuitótecajia cūvacu baru, jíjacu ñai cūvabecure. Aru áino cūvacu baru máre, jíjacu ñai áino cūvabecure, arejaimada.

<sup>12</sup>Ina jabovare táutura ícaipōeva Juan Bautista yebai nurejaimada, ũi jádovaquiyepe aivu náre Jūmenijicūque jiai. Aru arejaimada úre:

—Mu, bueipōecu, ¿aipe ðarājidi ñuja? arejaimada.

<sup>13</sup>Ũ arejaimada náre:

—Ímejara pueno baju yo muje jabocui cōjeinore mujare. arejaimada.

<sup>14</sup>Apevu churarava máre jēniari járejaimada úre:

—¿Aipe ðarājidi ñuja? arejaimada.

Ũ arejaimada náre:

—Tatobejarā apévū ne cūvaede.

Boarí jaruvavubejarā náre. Aru borocubejarā ũbenina ne ðabedeca, ne jínaiyepe aivu mujare táuturare, muje borocubenaiyepe aivu. Torojjarā muje memeni cūvae boje, arejaimada ũ.

<sup>15</sup>Obedivu pōeva coreivu barejáimada Jūmenijicui epequimure. Que baru Juan Bautista ũi que aipe boje, caivu ina pōeva dápiari ne ũmei jēniari járejaimada ne bajumia: “¿Cristo, Jūmenijicui epeimu, márica ñai?”

<sup>16</sup>Ũbenita Juan Bautista arejaimada náre:

—Yu jáve mujare jádovavivu Jūmenijicure ocoque, muje chíori dápiaye boje muje ámeina teiyede. Ũbenita dacuyume ji yóboi cūinácu, ji pueno parucu. Ũ macuyúme jádovavū mujare Jūmenijicūque Espiritu Santoque, ũi cūquiyepe ayū mujaque aru ũi cadatequiyepe ayū mujare máre. Aru ũ macuyúme jádovavū mujare Jūmenijicūque toaque máre, muje meara tenaiyepe ayū yópe pōeva ne meadaiyepe táure toaque, aru ũi ñájine ðaquiyepe ayū mujare, meara tebedu. Que baru caivu pueno meacu bajube ũ. Yúcapūravu pare ũi cāchinocacubu. Que baru úre cadateni buojabevu yu. Pu oarí buojabevu yu duayū ũi curaidoa buoimeare. <sup>17</sup>Yópe oteie memepōecu ũi veoiyepe jaraboque, oteiyede epecuyū ũi epeiñami jívui, aru oteie cajeáre juacuyū, nopedeca Jūmenijicu úre ju aivure epecuyume ũi jaboteinoi aru úre ju abevure jaruvacuyume toabo cūiméboi, arí buedejaimada Juan Bautista.

<sup>18</sup>Nópe coyurejaimada Jūmenijicui yávaiye méne meadaipōecure, darocuyure ina pōevare, náre



mearo ðaicõjeñ, ne ñájiemenajiyep  
 ayu toabo cüiméboi. <sup>19</sup>Aru Galilea  
 ãmicurijoborõcavü ne jabocü Herodede  
 jararejameða Juan Bautista, ñi  
 cüvae boje ñmacü márepacore, õi  
 ãmiá Herodías, aru caiye ape ñi  
 ãmeina teiye boje máre. <sup>20</sup>Ûbenita  
 Herodes Juan Bautistare jápaiyübecu,  
 jarüvaicõjenezameða úre ãmeina teivüre  
 jëni jacoiñami.

**Juan Bautista ñi jáðovaino Jesúre  
 Jümenijicüque**

(Mt 3.13-17; Mr 1.9-11; Lc 9.35)

<sup>21</sup>Juan Bautista jáðovañü marejámeða  
 Jümenijicüque jiai caivü ina obedivü  
 põevare. Aru Jesús máre nürejameða  
 ñi yebai, ñi jáðovaquiyepere ayu úre  
 Jümenijicüque jiai. Ûi jáðovariburü  
 yóboi, Jesús jëniñü marejámeða  
 Jümenijicü. Dinüüre cavarõ mearo  
 Jümenijicü curõ vorí nürejavüya.  
<sup>22</sup>Que teni jurecope Espíritu Santo  
 émeni darejameða ñi puenora. Aru  
 jápiarejaimaða apeno yávainore cavarõ  
 mearo Jümenijicü curõque aiyede yöpe:  
 “Mü, jímacü, jí ümü, me torojüvü yu  
 müre”, arejameða Jesúre Jümenijicü.

**Jesucristo ñi jipocacavü bácvüre  
 coyüino**  
 (Mt 1.1-17)

<sup>23</sup>Jesús treinta paiñüa cüvavü  
 mamarümu buenü búrejameða põevare.  
 Ina marejáimada Jesúi búcvü: Põeva  
 dápiarejaimada úre Joséi mácvüre. Aru  
 José Elí bácvü mácvü barejaquémavü.  
<sup>24</sup>Aru Elí bácvü Matat bácvü mácvü  
 barejaquémavü. Matat bácvü Leví  
 bácvü mácvü barejaquémavü. Leví bácvü  
 Melqui bácvü mácvü barejaquémavü.  
 Melqui bácvü Jana mácvü mácvü  
 barejaquémavü. Jana mácvü José bácvü  
 mácvü barejaquémavü. <sup>25</sup>Aru José bácvü  
 Matatías bácvü mácvü barejaquémavü.  
 Matatías bácvü Amós bácvü mácvü  
 barejaquémavü. Amós bácvü Nahúm  
 mácvü mácvü barejaquémavü. Nahúm  
 mácvü Esli bácvü mácvü barejaquémavü.  
 Esli bácvü Nagai bácvü mácvü

barejaquémavü. <sup>26</sup>Aru Nagai bácvü Maat  
 bácvü mácvü barejaquémavü. Maat bácvü  
 Matatías bácvü mácvü barejaquémavü.  
 Matatías bácvü Semei mácvü mácvü  
 barejaquémavü. Semei mácvü Josec  
 bácvü mácvü barejaquémavü. Josec  
 bácvü Judá bácvü mácvü barejaquémavü.  
<sup>27</sup>Aru Judá bácvü Joanán mácvü mácvü  
 barejaquémavü. Joanán mácvü Resa  
 bácvü mácvü barejaquémavü. Resa bácvü  
 Zorobabel bácvü mácvü barejaquémavü.  
 Zorobabel bácvü Salatiel bácvü mácvü  
 barejaquémavü. Salatiel bácvü Neri bácvü  
 mácvü barejaquémavü. <sup>28</sup>Aru Neri bácvü  
 Melqui bácvü mácvü barejaquémavü.  
 Melqui bácvü Adi bácvü mácvü  
 barejaquémavü. Adi bácvü Cosam mácvü  
 mácvü barejaquémavü. Cosam mácvü  
 Elmadam mácvü mácvü barejaquémavü.  
 Elmadam mácvü Er bácvü mácvü  
 barejaquémavü. <sup>29</sup>Aru Er bácvü Josué  
 bácvü mácvü barejaquémavü. Josué bácvü  
 Eliezer bácvü mácvü barejaquémavü.  
 Eliezer bácvü Jorim mácvü mácvü  
 barejaquémavü. Jorim mácvü Matat  
 bácvü mácvü barejaquémavü. <sup>30</sup>Aru Matat  
 bácvü Leví bácvü mácvü barejaquémavü.  
 Leví bácvü Simeón mácvü mácvü  
 barejaquémavü. Simeón mácvü Judá  
 bácvü mácvü barejaquémavü. Judá bácvü  
 José bácvü mácvü barejaquémavü. José  
 bácvü Jonam mácvü mácvü barejaquémavü.  
 Jonam mácvü Eliaquim mácvü mácvü  
 barejaquémavü. <sup>31</sup>Aru Eliaquim mácvü  
 Melea bácvü mácvü barejaquémavü.  
 Melea bácvü Mena mácvü mácvü  
 barejaquémavü. Mena mácvü Matata  
 bácvü mácvü barejaquémavü. Matata  
 bácvü Natán mácvü mácvü barejaquémavü.  
<sup>32</sup>Aru Natán mácvü David bácvü mácvü  
 barejaquémavü. David bácvü Isai bácvü  
 mácvü barejaquémavü. Isai bácvü Obed  
 bácvü mácvü barejaquémavü. Obed bácvü  
 Booz bácvü mácvü barejaquémavü. Booz  
 bácvü Sala bácvü mácvü barejaquémavü.  
 Sala bácvü Naasón mácvü mácvü  
 barejaquémavü. <sup>33</sup>Aru Naasón mácvü  
 Aminadab bácvü mácvü barejaquémavü.  
 Aminadab bácvü Admin mácvü mácvü  
 barejaquémavü. Admin mácvü Arni

mácuí mácu barejaquémavɯ. Arni mácu Esrom mácuí mácu barejaquémavɯ. Esrom mácu Fares báciu mácu barejaquémavɯ. Fares báciu Judá báciu mácu barejaquémavɯ. <sup>34</sup>Aru Judá báciu Jacob báciu mácu barejaquémavɯ. Jacob báciu Isaac báciu mácu barejaquémavɯ. Isaac báciu Abraham mácuí mácu barejaquémavɯ. Abraham mácu Taré báciu mácu barejaquémavɯ. Taré báciu Nacor báciu mácu barejaquémavɯ. <sup>35</sup>Aru Nacor báciu Serug báciu mácu barejaquémavɯ. Serug báciu Ragau báciu mácu barejaquémavɯ. Ragau báciu Peleg báciu mácu barejaquémavɯ. Peleg báciu Heber báciu mácu barejaquémavɯ. Heber báciu Sala báciu mácu barejaquémavɯ. <sup>36</sup>Aru Sala báciu Cainán mácuí mácu barejaquémavɯ. Cainán mácu Arfaxad báciu mácu barejaquémavɯ. Arfaxad báciu Sem mácuí mácu barejaquémavɯ. Sem mácu Noé mácuí mácu barejaquémavɯ. Noé mácu Lamec báciu mácu barejaquémavɯ. <sup>37</sup>Aru Lamec báciu Matusalén mácuí mácu barejaquémavɯ. Matusalén mácu Enoc, ñai yaibécɯ, ñi mácu barejaquémavɯ. Enoc Jared báciu mácu barejaquémavɯ. Jared báciu Mahalaleel báciu mácu barejaquémavɯ. Mahalaleel báciu Cainán mácuí mácu barejaquémavɯ. <sup>38</sup>Aru Cainán mácu Enós báciu mácu barejaquémavɯ. Enós báciu Set báciu mácu barejaquémavɯ. Set báciu Adán mácuí mácu barejaquémavɯ. Aru Adán mácu Jūmenijicui mácu barejaquémavɯ.

**Abujuvai jabocɯ Jesúre ñi jujovariduino**

(Mt 4.1-11; Mr 1.12-13)

**4** <sup>1</sup>Jesús, Espírítu Santoi ðaicójeimɯ, copaidejameða Jordán ámicuriya jiare jocarí. Ñai Espírítu Santo ñvarejameða úre pōecubenoí. <sup>2</sup>Jesús cūrejameða nore cuarenta paijārvavɯ. Yéde āmenejameða noi ñi curijārvavare. Aru abujuvai jabocɯ, Satanás ámicucɯ, jujovaiyuridurejameða úre. Que baru no yóboi ávñé ijidejavūya úre.

<sup>3</sup>Que baru ñai abujuvai jabocɯ arejameða Jesúre:

—Jāveneca Jūmenijicui mácu baru, āiye ðajacɯ ibo cūrabore, arejameða.

<sup>4</sup>Jesús arejameða ñai abujuvai jabocure:

—Mi aiyepe ðabevɯ yɯ. Jūmenijicui yávaiye ñi toivaicōjeiye báque coyúivɯ yópe: “Pōeva cūbenama ne āiye matuiyeda. Quénora curājarama caiye Jūmenijicui yávaiyeque máre”, arejameða Jesús.

<sup>5</sup>Que aríburu yóboi, ñai abujuvai jabocɯ ñvarejameða Jesúre cūracú ũmujuricú puenoi. Jáðvarejameða maumena caiye ijārvavucarōa ĩmaroare.

<sup>6</sup>Aru arejameða úre:

—Yɯ jíquijivɯ mure ji jaboteinore aru caiye die cūve méne máre, mi jabotequiyeye ayɯ die de ji parúéque. Jíyebu caiye iye ijārvavúque. Que baru buojaivɯ jíyɯ ji ũmure. <sup>7</sup>Jíquijivɯ mure caiye ijārvavúquede, mi ñnatutarí mearore jídu yure, arejameða ñai abujuvai jabocɯ Jesúre.

<sup>8</sup>Aru Jesúcapūravɯ arejameða úre:

—Mi aiyepe ðabevɯ yɯ. Jūmenijicui yávaiye ñi toivaicōjeiye báque coyúivɯ yópe: “Mearore jíjacɯ mi jabocɯ Jūmenijicure aru cūnácɯra memecajacɯ ñi urōpe”, arejameða Jesús.

<sup>9</sup>Que teniburu yóboi, ñai abujuvai jabocɯcapūravɯ ñvarejameða Jesúre Jerusalén ámicuríimaroi. Úre muri nure ðarejameða Jūmenijicui cūrami puenora. Aru arejameða úre:

—Jāve Jūmenijicui mácu baru, turí ñujacɯ yore jocarí pɯ joborōita. <sup>10</sup>Jūmenijicui yávaiye ñi toivaicōjeiye báque coyúivɯ mi borore yópe: “Jūmenijicɯ jarocɯyume ñi ángelevare, ne coreñaiyeye ayɯ mure.

<sup>11</sup>Jāmórajarama mure ne pñuáque, mi ijíé tebequiyeye aivɯ mi cūbobare ibo cūraboque”, arí toivarejaquemavɯ.

Que baru mi turí nuru, yɯ jáñɯ buojacɯyumu Jūmenijicɯ ðayure yópe ñi aiye báquepedeca, arejameða Jesúre ñai abujuvai jabocɯ.

<sup>12</sup>Jesúcapūravɯ arejameða úre:

—Mi aiyepe ðabevu yu. Nopedeca Jūmenijicui yávaiye ũi toivaicōjeiye báque coyivuvu yópe: “Jujovabejacu mi jabocu Jūmenijicure. Jáðovaicōjemejacu ũi paruéde”, arí toivarejaquemavu. Que baru yéde ðabevu yu, jáðovaicōjeiurocu ũi paruéde. Majivu yu parucure, arejameða Jesús.

<sup>13</sup>Nópe ðariduyu ñai abujuvai jabocu jujovarí majibedejameða Jesúre. Que baru nurejameða Jesúre jocarí apenunuita.

#### Jesús Galileai ũi bueni buino

(Mt 4.12-17; Mr 1.14-15)

<sup>14</sup>Jesús ũi copaiyede Galilea āmicurijoborói Espiritu Santoi ðaicōjeiye paruéde cuvacu barejameða. Aru pōeva yávarejaimaða ũi borore caino ijoborōcarói. <sup>15</sup>Jesús buedejameða ne judíovai cójijiñamiai ímaroa coapa. Aru caivu torojurejaimaða ũre.

#### Jesús Nazarei ũi nuino

(Mt 13.53-58; Mr 6.1-6; Jn 4.44)

<sup>16</sup>Jesús nurejameða Nazaret āmicuriiमारoi, ũi bucuiiमारo mácarói. Ecorejameða judíovai cójijiñami ne jabuóvaujāravu sábadoi, yópe ũi ðaiyepe cainunua. Aru nacajari jári borotedejameða Jūmenijicui yávaiyede. <sup>17</sup>Jídejaimaða ũre Jūmenijicui yávaiyede coyucaipōescu Isaías bācui toivaiye báquede. Aru voarí jáñu earejameða yópe arí toivaino mácaróre:

<sup>18</sup>Ji jabocu Jūmenijicu ũi Espiritu cubi yáque. Que baru ũi epeimumu yu, coyucuyu ũi yávaiye méne ina cōmaje ārojarivure. Daroibi yure, ji meadaquiyepe ayu ina chíovure ne ũmei. Aru coyucōjeimi yure, ji joðequiyepe ayu ina buoimarape paivure ne āmeina teiye boje. Járe ðacuyumu ina jári eabevure. Joðede ðacuyumu ina āmeina ðaimarare máre. <sup>19</sup>Coyucuyumu ne coreóvaino eainore ne jabocu meadaquinore náre, jári borotedejameða Jesús.

<sup>20</sup>Jári boroteni buojarí, Jesús iye toivaiye báquede bieni, jídejameða judíovai cójijiñami caðateipōescure. Aru dobacunurejameða, buescuyu ina pōevare. Que teiyede járejaimaða ũre pare caivu ina curivu judíovai cójijiñami jívu. <sup>21</sup>Jesús yávarí báyu, arejameða yópe:

—Caride yu ðayubu muje jēneboi yópe iye Isaías bācui toivaiye báquepe javede, arejameða Jesús.

<sup>22</sup>Caivu coyurejaimaða mearo Jesúsí borore. Aru pare dápiarejaimaða mearo ũi coyuiyede jápiarí. Aru jēniari járejaimaða ne baju:

—¿Joséi mácu āmeni ñai? arejaimaða.

<sup>23</sup>Náre arejameða Jesús:

—Jāveneca arājaramu muja yópe: “Mu, juoipōescu, juojacu mi bajuma, jáðovacuyu pōevare juorí majicure”. Aru arājaramu muja yure: “Ñuje jápaiyede mi ðaiye báquede Capernauí, nopedeca ðajacu yore, mi joboró bajure”, arejameða.

<sup>24</sup>Aru yávare nurejameða:

—Jāve coyuyubu mujare: Ácu Jūmenijicui yávaiyede coyucaipōescu cubebi ne me copu etaimu ũi joboróre.

<sup>25</sup>Que baru jāve coyuyubu mujare: Cūrejaquemavu obedivu nomiópeva Israecavu bācavu Elíai curijāravua báquede. (Ñai Elíare Jūmenijicu nūvarejaquemavu Paraíso āmicurói arucura.) Aru ocabedejaquemavu yóbescurijua corica baji. Que baru āvúene nājinejaquemavu caino joboróre. <sup>26</sup>Ūbenita Elías caðatecunumenejaquemavu ina nomiópeva bācavu yebai. Qué Nora nurejaquemavu cūināco nomiópeco báco yebai, Sarepta āmicuriiमारoi, Sidón āmicuriiमारo joabenoí cūco bácore. <sup>27</sup>Nopedeca cūrejaquemavu obedivu pojeivu Israecavu bācavu Eliseo bācui curijāravua báquede. Ūbenita Eliseo bācu meaðabedejaquemavu ina caivure. Cūinācurata meaðarejaquemavu, Naamán āmicucure, Siria āmicurijoborōcacu bācure. Aru ina pucarā, ico nomiópeco báco aru Naamán

mácu máre, judíoiva ãmenejaquemavu na, arejameða Jesús.

<sup>28</sup>Ne jápiaiyede iye ùi coyuyiede, caivu ina judíoiva cójjiñami curivu jorojinejaimada pare Jesúre. <sup>29</sup>Nacajari jabuborí nuvarejaimada Jesúre ìmarore jocarí. Ùre nuvarejaimada cûracû puenoi, jaruvarájivu dicû tûrobû cãchinoi. <sup>30</sup>Ûbenita Jesús vaicãnuvejameða ne jêneboi, náre jocarí.

**Abujucu ùi ìmamu Jesúre ùi copûino**  
(Mt 7.28-29; Mr 1.21-28)

<sup>31</sup>Jesús ãmeni nurejameða Galileacarõ ìmaroi, Capernaum ãmicuríimaro. Aru noi buedejameða pøevare judíoiva jabuvaijãravu sãbadoi. <sup>32</sup>Ina jápiaivu ùi bueiyede, torojurí cuecumarejaimada ùi bueiyede, ùi yávaiye boje paruéque. <sup>33</sup>Aru curejameða judíoiva cójjiñami cûinácû ùmu, abujucu ùi ìmamu. Coðoboborí arejameða Jesúre:

<sup>34</sup>—Mû, Jesús Nazarecacû, cãrijovamejacu ñujare. ¿Yéde ucûrû mu ñujare? ¿Jaruvacûdayu dacûrû mu ñujare? Coreóvaivu yu mure. Jûmenijicui mácu meacu bajubu mu, arí coðoboborejameða.

<sup>35</sup>Ûbenita Jesús bi aicõjenejameða úre:

—Mû, bída, etajacu ñai ùmure jocarí, arejameða Jesús.

Que baru ñai abujucu ture ðarejameða ùi ìmamure joborõi ne jêneboi. Etarejameða úre jocarí, ãmeno ðabecûva ñai ùmure. <sup>36</sup>Aru cuecumari jáivu ina pøeva, arejaimada ne baju:

—Paruéque yávaibi ñai ùmu. Ùi yávaiye paruéque jaruvaibi abujuvare. Aru etadama ména, arejaimada.

<sup>37</sup>Que baru yávarejaimada Jesúi borore caino Galilea ãmicurijoborõi.

**Jesús ùi meadaino Simón Pedro**  
**vácure**

(Mt 8.14-15; Mr 1.29-31)

<sup>38</sup>Dinumu Jesús etarejameða judíoiva cójjiñamine jocarí. Aru ecorejameða Simón Pedroi cûrami. Ico Simón Pedroi váco moimo marejacoda

pare. Coyurejaimada Jesúre õi borore.

<sup>39</sup>Que baru Jesús õi yebai nacachini, dajocaicõjenejameða moinore óre jocarí. Maumejiena dajocarejavûya moino óre. Dinumumia nacajari, ãiyede meadarí jídejacoda náre.

**Jesús ùi meadaino obedivu ijimarare**  
(Mt 8.16-17; Mr 1.32-34)

<sup>40</sup>Dinainumica ñamijie baji aviá ùi doríburu yóboi, jabuvaijãravu vaiyede, nuvarejaimada Jesús yebai obedivu ijimarare. Aru tuorejameða Jesús ùi puruque náre coapa. Que ðarí meadarejameða náre. <sup>41</sup>Aru etarejaimada ijimarare jocarí abujuva, coðoboborí arejaimada Jesúre:

—Murecabu Jûmenijicui mácu, arejaimada Jesúre.

Ûbenita Jesús bi aicõjenejameða náre, ne majié boje Jûmenijicui daroimu mácu Cristore.

**Jesús Galileai ùi bueino**  
(Mr 1.35-39)

<sup>42</sup>Miadáe tuiyede Jesús nurejameða pøecubeno. Ûbenita pøeva vorí earejaimada úre. Ùi yebai earí, jëniarejaimada úre, ùi numequiyepa aivu náre jocarí. <sup>43</sup>Ûbenita Jesús arejameða náre:

—Nuiye javvu yure, coyucûyu apenoa ìmaroare máre Jûmenijicui jaboteiyede pøevare. Que baru daivu yu, coyucûdayu diede, arejameða Jesús.

<sup>44</sup>Que arí, coyure nurejameða judíoiva cójjiñamiai caino Galilea ãmicurijoborõi.

**Jesús ùi bueimarare ñgarõ moare**  
**boaré ðaino**

(Mt 4.18-22, 13.1-2; Mr 1.16-20, 3.9-10, 4.1; Jn 21.3, 6)

**5** <sup>1</sup>Pøeva obedivu nuivu Jesús yebai, ùi cuede macajitabu urabû Genesaret ãmicurijitabu écarui, pare copiporejaimada úre, jápiaiyurivu Jûmenijicui yávaiyede. <sup>2</sup>Jesús járejameða pucacûa jiadocûare macajitabu urabû écaru yebai. Dicúái

moa boaipõeva núrejaimada dicúá yebai, joaivu ne pápicuare. <sup>3</sup>Jesús jatuyu bácu cūinácū jiadocūi, Simón Pedro jicūi, jaroicõjenezaimada joajíemaque écarure jocarí. Aru dobacu dicūi, bueni búrejaimada ina obedivu põevare. <sup>4</sup>Yávarí buojayu bácu arejaimada Simón Pedrorre: —Nuvajacu mi jiadocüre macajitabu ñmujurõ baji. Aru noi jaboájará muxe pápicuare, moa boarájivu, arejaimada Jesús.

<sup>5</sup>Simón Pedro ju ayu, arejaimada Jesúre:

—Mu, bueipõecu, caiñami memeniduvu ñña. Ñbenita ye boabétevu. Ñbenita mi cõjeiye boje, jaboáquijivu ji pápicure, arejaimada.

<sup>6</sup>Que teni ñaivu bácvu yópe Jesúi coyuiyepere, jënejaimada obedivu moare. Codedejaimada ne pápicure. <sup>7</sup>Dinumu “Yareni dajará”, arejaimada ne yóvaimarare, apecū jiadocūcavure, ne cadatenaearájiyepere aivu. Aru earí, buivárejaimada caipucacūa jiadocūare coicūa baju. <sup>8</sup>Yópe teiyede jári, Simón Pedro ñuatutarí Jesús yebai, arejaimada úre:

—Mu, ji jabocu, ñujacu yure jocarí, ji ámeina teiye boje, arejaimada Jesúre.

<sup>9</sup>Que baru Simón Pedro aru úcvu máre cucumarejaimada, urarõ ne moa boaiye boje. <sup>10</sup>Santiago aru Juan máre, Zebedeoi mára, Simón Pedroi yóvaimara marejáimada. Cucumarejaimada na máre. Ñbenita Jesús arejaimada Simón Pedrorre:

—Jidubejacu. Caride epequijivu mure, mi davaquiyepere põevare ji yebai yópe mi moare davaiyepere pápicuque, ji meadaquiyepere náre, arejaimada Jesús.

<sup>11</sup>Que teni jiadocūa eaiyede écarui, dajocaivu bácvu caiyede nurejaimada Jesúque.

#### **Jesús ñi meadaino pojeyure**

(Mt 8.1-4; Mr 1.40-45)

<sup>12</sup>Jesús ñi cuede cūináro ímaroi, ñi yebai nurejaimada cūinácu pojeyu. Aru Jesúre jári, ñuatutarejaimada joborõi, puedacuyu úre. Aru jëniarejaimada:

—Mu, ji jabocu, ucu baru, meadajacu ji pojeiyede. Buojaivu mu meadayu yure, arejaimada.

<sup>13</sup>Dinumure Jesús, ñi puruque jabióvarí troyu, arejaimada úre:

—Uvu yu. Caride meatejacu mu, arejaimada Jesús.

Yópe ñi aiyede vaidéjavūya úre.

<sup>14</sup>Jesús, coyucõjemecu aprevure, arejaimada:

—Cūiná nuri, jádovajacu sacerdotede.

Aru jíjacu mi meateiye boje, yópe Jñmenijicui ñaicõjeiyede ñi coyuiye báquepe Moisés bácvure, põeva ne coreóvarájiyepere ayu mi meateinore, arejaimada úre Jesús.

<sup>15</sup>Ñbenita pñeno baju coyuiyu barejáimada Jesúi borore. Obedivu põeva cõjijidejaimada jápiaivu, aru úre meadacõjeiyurivu náre ijiéde. <sup>16</sup>Que baru ina obedivu cue boje, Jesús nurejaimada põecubenoí, jëniacuyu Jñmenijicucue.

#### **Jesús ñi cure ñaino nacajaiye majibecure**

(Mt 9.1-8; Mr 2:1-12)

<sup>17</sup>Cūinájárvu Jesús ñi bueiyede põevare, dobarejaimada noi fariseovacavu, ina Jñmenijicui ñaicõjeiyepere ñaivu, aru Jñmenijicui yávaie báquede bueipõevacavu máre, eaiyu bácvu cainoa ímaroa Galilea ámicurõre, Judea ámicurõre, aru Jerusalén ámicuriimarore jocarí máre. Jñmenijicui paruéde curejaimada Jesús, meadacuyu ijimarare. <sup>18</sup>Dinumu aprevu ñmva nurejaimada ñi yebai cūinácu ñmu, nacajaiye majibecure, ñi parainoque. Ecoiyurejaimada cñrami jívui Jesús yebai. <sup>19</sup>Ñbenita eabedejaimada ne ecorájino, obedivu põeva cue boje. Que baru muri nuri cñrami pñenora, voarí diede, émeóvarejaimada íjimure ñi parainoque põeva jëneboi Jesús yebai. <sup>20</sup>Náre coreóvayu ju aivure, Jesús arejaimada ñai nacajaiye majibecure:

—Mu, ji umu, mi ámeina teiyede jaruvarí, árgumeteiyu yu diede, arejaimada Jesús.

<sup>21</sup> Dinumtu ina Jūmenijicui yāvaiye báquede bueipōeva aru fariseova máre dápíarí búrejaimada yópe: “¿Yécuba ñai ũtu āmeina yāvayū Jūmenijicure? Ñame buojabema jaruvaivū āmeina teiyede. Quénora cūinácure Jūmenijicu buojarí jaruvayū diede”, arí dápíarejaimada.

<sup>22</sup> Aru Jesús, jári coreóvarí ne baju ne dápíaiyede, arejamedá náre:

<sup>23</sup> —¿Aipe teni que arí dápíaiyevū mūja? Maiyójabevū yópe aru apesure: “Mi āmeina teiyede jaruvaví, ārumeteivū yū”, ji paruéde jáđovame boje ji que coyuiyede. Ũbenita maiyójarótamu nacajari cuicōjenu nacajaiye majibecure. Ũre cure đayū baru, jáđovaquijivū ji paruéde. “Mi āmeina teiyede jaruvavū”, ji aiyede, coreóvabevū mūja Jūmenijicui ārumeteinore diede. Ũbenita ñai cūvacū Jūmenijicui majié paruéde, ũrame yópe đarí jáđovaiye majicū. Quécura Jūmenijicūvacari meadarí majibi ijimarare. <sup>24</sup> Que baru mūje majinajiyepe ayū Jūmenijicui daroimú mácu ũmure, yū, paruéde cūvacure ijāravure jaruvacūyū āmeina teiyede, yópe đaquijivū yū, arejamedá Jesús.

Dinumtu arejamedá nacajaiye majibecure:

—Yópe aivū yū mure: Nacajari, mi parainore ini, nujacū mi cūrami, arejamedá Jesús.

<sup>25</sup> Dinumtuma nacajari, ũi parainore ini, etarejamedá obedivū jēneboi. Aru mearore jídejamedá Jūmenijicure.

<sup>26</sup> Caivū ina pōeva máre, pare dápíaiyū, mearore jídejaimada Jūmenijicure.

**Jesús ũi “Dajacu” aino Levíde**  
(Mt 9.9-13; Mr 2:13-17; Lc 15.1-2)

<sup>27</sup> No yóboi, Jesús etarí nuñū járejamedá cūinácū judíovacacū, Roma āmicurō jaboteino jabovare táutura ícaipōecu, ũi āmiá Leví, dobacure ne bojedainoi. Aru arejamedá ũre:

—Dajacu yúque, arejamedá Jesús.

<sup>28</sup> Aru nacajari, dajocayū caiyede, nurejamedá Jesúsque.

<sup>29</sup> Que teniburu yóboi, Leví torojūve tedejamedá āino uraróque ũi cūrami,

puedacūyū Jesúsre. Aru obedivū jabovare táutura ícaipōeva aru apevū pōeva máre dobarejaimada Levíque aru Jesúsque máre. <sup>30</sup> Ũbenita Jūmenijicui yāvaiye báquede bueipōevacavū aru fariseovacavū máre āmeina yávarí búrejaimada Jesúsí bueimare. Arejaimada:

—¿Aipe teni āri, ũcuri teivurū mūja ina jabovare táutura ícaipōevaque aru āmeno đaipōevaque máre? arejaimada náre.

<sup>31</sup> Jesús ju ayū, arejamedá náre:

—Meara pōevare juoipōecui cađateiye jaubevū. Quénora ijimarare ũi cađateiye jaubvū. <sup>32</sup> Dabedecacū yū ijāravui, cutucūyū mearare ne baju dápíainore. Quénora darejacacū yū, meadacūyū āmenare, ne chíorajiyepe ayū ne āmeina teiyede, Jūmenijicui ārumetequiyepe ayū diede, arejamedá Jesús.

**Pōeva āmevva āiyede ne jēniaino**  
**Jūmenijicuque**

(Mt 9.14-17; Mr 2.18-22)

<sup>33</sup> Dinumtore jēniari járejaimada Jesúsre ina fariseova:

—¿Aipe teni Juan Bautistai bueimara aru nuñe bueimara máre āmevva āiyede, ũbenita mi bueimara āmevva āmema āiyede? arejaimada.

<sup>34</sup> Jesús arejamedá náre:

—Ina purubuoayū ũi cutuimara ne torojūve tenajiyepe ayū ũi purubuoiyede, ye āmevva āmema āiyede ũi cuede cāreja náque. Nopedeca ji bueimara torojarivū ji cuede náque, āmevva āmema āiyede.

<sup>35</sup> Ũbenita ji mauva ne nuvarajiyede yūre, ji bueimara chíoiyū āmenajarama āiyede, arejamedá Jesús.

<sup>36</sup> Jēvari coyurejamedá náre:

—Ñame buojabema buravū cūinájeve cuitótecaje mamacajede, jēorajivū cuitótecaje javecarōre. Nópe đaru, āmedajebu cuitótecaje mamarore. Aru mamajeve jēmejebu cuitótecaje javecarōre. Quédeca ñame buojabema ju aivū ji bueiye mamaene aru javeque bueiye máre. <sup>37</sup> Nopedeca buojabema yuavū vino úyacorore mamacorore āmacaje



curubũ javēcacurubũque. Que ðaru, cõeõvaje bu dicurubũ. Aru yurĩ bĩjajebu dicoro. Bĩjajebu dicurubũ mãre. <sup>38</sup>Ûbenita ne yuaru vino ýuaicorore mamacorore mamacurubũque, bĩjajebũ dicoro. Quẽdeca ñame buojabema ðaivũ yõpe ji bueiye mamaepe, ðare nuivũ baru yõpe ne jave ðaiye báquepe. <sup>39</sup>Aru ñai ùcuñũ mácu icoro mamaboqueicorore ùcuiyubecu mamaene ajebu yõpe: “Javequetamu me baju”. Nopedeca apevũ põeva jãpiayubevũ Jũmenijicũ yávaiye mamaene, ne dápiaiye boje javeque yávaiye pũeno me bajure, arĩ buedejameða náre Jesús.

**Jesũi buemara ne pũyoino oteiye de  
jabuõvaujãravũ**

(Mt 12.1-8; Mr 2.23-28)

**6** <sup>1</sup>Apejãravũ, judíovai jabuõvaujãravũ sãbadoi, Jesús ùi vaiyede oteiye curõi, ùi buemara diede jẽni, pũruáque cõjuñõri, ãrejaimaða. <sup>2</sup>Aru apevũ fariseovacavũ jẽniari jãrejaimaða náre: —¿Aipe teni ãmeno ðaivurũ muja, maja judíova maje ðaicõjemenope, jabuõvaujãravũre? arejaimaða náre.

<sup>3</sup>Ûbenita Jesús, ùi dápiaiye boje ùi buemara ãmeno ðabevũ, arejameða náre: —¿Jãve ãrumetenaru muja yo David bácu ðaino mácarõre ãvué ijíede úre aru úque curivũre mãre? <sup>4</sup>Û mácu ecorejaquemavũ Jũmenijicũ cũrami. Aru ãrejaquemavũ pãure, Jũmenijicũre jíye báquede ina sacerdoteva ne ãiyede, sacerdote ãmecũ bácvacari. Aru jídejaquemavũ úque curivũre mãre, sacerdoteva ãmevũ bácvareca. Ûbenita Jũmenijicũ ñãjine ðabedejaquemavũ na mácvũre, arejameða Jesús.

<sup>5</sup>Cojedeca Jesús arĩ buedejameða:

—Yũ, Jũmenijicũ daroimũ mácu ùmũpe, jabocubũ yũ. Que baru ðaicõjeni buojavũ yũ põevare ne ðaiyede caijãravũare aru jabuõvaujãravũare mãre, arejameða Jesús.

**Jesũs ùi meaðaino ùmũ ãmuve  
jiacubecure**

(Mt 12.9-14; Mr 3.1-6)

<sup>6</sup>Apejãravũ cojedeca, judíovai jabuõvaujãravũ sãbadoi, Jesús

ecorejameða ne cõjijĩñami. Aru buenĩ búrejameða põevare. Noi curejameða cũinãcu ùmũ, ãmuve meapũravũcaãmuve jiacubecu. <sup>7</sup>Jũmenijicũ yávaiye báquede buei põeva aru fariseova mãre nore curivũ coreni jãrejaimaða Jesũre. Jãiyurivũ barejãimada meaðayure úre ne jabuõvaujãravũ, boro coyurĩ adaiyurĩduivũ Jesũre. <sup>8</sup>Ûbenita ù, majicũ ne dápiaiye de, arejameða ñai ùmũ ãmuve jiacubecure:

—Nacajari nũjacu põeva jẽneboi, arejameða Jesús.

Jesũs ùi que aiyede, ñai ùmũ nacajari nũrejameða. <sup>9</sup>Dinũmũma Jesús arejameða náre:

—Jẽniari jãquijivũ cũinãro mujare. ¿Yéde ðaicõjeini Jũmenijicũ jabuõvaujãravũre, mearore o ãmenore; meaðaru põevare o boarĩ jarũvaru náre? arejameða Jesús.

Ûbenita bi arejaimaða na.

<sup>10</sup>Que baru Jesús, jãñũ ina curivũre ùi yebai, arejameða ñai ùmũ ãmuve jiacubecure:

—Jabiõvajacu mi ãmuvede, arejameða Jesús.

Ûi jabiõvaiyede, meatedejavũya ùi ãmuve. <sup>11</sup>Ûbenita apevũ, jorojĩni pare, jẽniari jãrejaimaða ne bajumia:

—¿Aipe ðarãjídica maja ñaine? arejaimaða na.

**Jesũs ùi beoino ùi yávaiye méne  
coyucõjeimarava**

(Mt 10.1-4; Mr 3.13-19)

<sup>12</sup>Cũinãjavũ Jesús nurejameða cũracaui, jẽniacuñũ. Aru noi jẽniarejameða Jũmenijicũque caiñami.

<sup>13</sup>Miaðãe tuiyede órejarejameða ùi bueimarare. Aru doce paivũre beorĩ epedejameða ùi yávaiye méne beorĩ coyucõjeimarare. <sup>14-16</sup>Na marejãimada Simón, ùi ãmidoimũ mácu Pedro; Andrés, Simón Pedroi yócu; Santiago, Juan, Felipe, Bartolomé, Mateo, Tomás; Santiago, Alfeoi mácu; Simón, ãmicucu Celote; Judas, Santiãgoi mácu; aru Judas Iscariote. Ñai marejãmeða jẽni jícyũ Jesũre ùi mavure.

**Jesús ùi bueino obedivu p̄evare**  
(Mt 4.23-25)

<sup>17</sup> Jesús ēmeñu mácu c̄urac̄iare jocarī, mautedejameđa dái ùi bueimaraque. Aru obedivu p̄eva curejaimađa. Judea āmicurijoborcav̄u, Jerusalén āmicurīmarocav̄u, aru macajitabu urab̄u ēcarui īmarocav̄u máre: Tiro aru Sidón āmicurīmarocav̄u máre curejaimađa. Ina earejaimađa, jápaiyuriv̄u Jesúre aru ùi meadaquiyep̄e aiv̄u náre ijíede. <sup>18</sup>Ina abujva ne n̄ájine đaimarare máre Jesús meadarejameđa. <sup>19</sup>Caiv̄u p̄eva tuoiyurejaimađa Jesúre, ùi meadaie boje ùi paruéque. Aru meadarejameđa ina caiv̄ure.

**Jesús ùi bueino torojur̄ore aru**  
**ch̄oinore máre**  
(Mt 5.1-12; Hch 7.52; 1 P 4.14)

<sup>20</sup>Din̄um̄re Jesús, jáññ ùi bueimarare, arejameđa:

—M̄ja c̄omaje ārojariv̄u, m̄jarecabu J̄menijicui jaboteimara. Que baru torojur̄aramu m̄ja. <sup>21</sup>M̄ja āv̄é yaiv̄u caride, yapinajaramu. Que baru torojur̄aramu m̄ja. M̄ja caride oiv̄u yur̄inajaramu. Que baru torojur̄aramu m̄ja.

<sup>22</sup>Torojur̄aramu m̄ja p̄eva J̄menijicure ju abev̄u ne āmeina jáiye boje m̄jare aru ne jaruv̄aiye boje m̄jare máre, m̄je yóv̄aiye boje yure, J̄menijicui daroim̄u mácure ūm̄ure. Torojur̄aramu m̄ja, p̄eva J̄menijicure ju abev̄u ne jaraiye boje m̄jare aru ne ūbe boje m̄jare máre, m̄je yóv̄aiye boje yure, J̄menijicui daroim̄u mácure ūm̄ure. <sup>23</sup>Torojur̄aramu m̄ja dij̄arav̄ure. Aru c̄var̄ajaramu m̄je boje urar̄ō cavar̄ō mearo J̄menijicui cur̄ōi. Nopedeca ānina jav̄ecav̄u b̄acav̄u, m̄jeñecuva mácav̄u máre, āmeina đarejaquemav̄u ānina J̄menijicui yáv̄aiyede coȳucaip̄eva mácav̄ure.

<sup>24</sup>Ūbenita m̄ja c̄ve c̄variv̄u ij̄arav̄ure torojur̄i c̄v̄u m̄ja. Que baru āmeno n̄ájino c̄var̄ajaramu m̄ja.

<sup>25</sup>M̄ja yapiv̄u caride āno urar̄ōque, āmei āv̄é yain̄ajaramu m̄ja. Que baru āmeno n̄ájino c̄var̄ajaramu m̄ja. M̄ja yur̄iv̄u caride ch̄iori or̄ajaramu m̄ja. Que baru āmeno n̄ájino c̄var̄ajaramu m̄ja. <sup>26</sup>Āmeno n̄ájino c̄var̄ajaramu m̄ja, p̄eva ne me yáv̄aiyede m̄jare. Nopedeca ānina jav̄ecav̄u b̄acav̄u, m̄jeñecuva mácav̄u máre, me yáv̄arejaquemav̄u ānina boroc̄uriv̄u J̄menijicui yáv̄aiyede coȳucaip̄ev̄are tenidiv̄u b̄acav̄ure, arī buedejameđa náre Jesús.

**Jesús ùi bueino maje ur̄ore maje**  
**mauvare**

(Mt 5.38-48, 7.12)

<sup>27</sup>Jesús, yópe arī, buedejameđa náre cojedeca:

—Ūbenita coȳuȳbu m̄jare, jápaiv̄ure ji coȳuȳede. Ūjar̄a m̄je mauvare. Me đajar̄a náre ina āmeina jáiv̄ure m̄jare. <sup>28</sup>Torojur̄i mearore j̄jar̄a náre ina āmeina yáv̄av̄ure m̄jare. J̄eniajara J̄menijicure ina boroc̄urī yáv̄av̄ure m̄jare. <sup>29</sup>C̄uin̄ácu p̄ocu ùi p̄varu mi c̄uin̄áp̄urav̄uc̄av̄iob̄ure, copedini p̄evaic̄ōjejacu aperiur̄av̄ure máre. Aru c̄uin̄ácu p̄ocu ùi ĩnu mi cuitótecaje p̄uenocacajede, j̄jacu mi camisare máre. <sup>30</sup>J̄jacu caiv̄ure ne j̄eniaiore m̄re. Aru ne tatoru míyede, j̄eniaimejacu cojedeca. <sup>31</sup>Đajar̄a aperiur̄e yópe m̄je ūepe đav̄ure m̄jaque.

<sup>32</sup>M̄je ur̄u náre, ina ur̄iv̄ure m̄jare, J̄menijicu bojedabecube p̄evare ne que đayede. Nopedeca ina āmeina teiv̄u máre uma ur̄iv̄ure náre. <sup>33</sup>M̄je mearore đaru náre, ina mearore đav̄ure m̄jare, J̄menijicu bojedabecube p̄evare ne que đayede. Nopedeca ina āmeina teiv̄u máre đadama nópe. <sup>34</sup>M̄je j̄idu náre, ina jacopaiyovar̄ajiv̄ure m̄jare, J̄menijicu bojedabecube p̄evare ne que đayede. Nopedeca ina āmeina teiv̄u máre j̄iyama aperiur̄e āmeina teiv̄ure, ne jacopaiyovar̄ajiyep̄e aiv̄u cojedeca. <sup>35</sup>Ūbenita ūjar̄a m̄je mauvare. Me đajar̄a náre. Aru j̄jar̄a jacopaiyov̄aiyede corebev̄uva no boje.

Nópe ðaru, ʋrarõ meaquiyebu mʋje boje jéino. Aru Jʋmenijicui mára marajáramu mʋja. Que baru ʋ meacʋbe náque ina jíbeʋure mearore ʋre aru ina jíyʋbeʋure aʋeʋure máre. <sup>36</sup>Cõmaje ároje jájara mʋja aʋeʋure, ñai majepacu Jʋmenijicu ʋi cõmaje ároje jáiyepedeca, náre arí buedejameða Jesús.

**Jesús ʋi põevare aʋeʋure  
ámecoroicõjemenõ**

(Mt 7.1-5, 10.24-25, 15.14; Jn 13.16, 15.20)

<sup>37</sup>Jesús, yópe arí, buedejameða náre cojedeca:

—“Ámenatamu” arí, ámechorobejará mʋja aʋeʋure. Mʋje nópe aru, majepacu Jʋmenijicu ámechororí, “Ámenatamu mʋja”, acʋyume mʋjare. Jarʋvabejará mʋja aʋeʋure. Mʋje jarʋvabedu, Jʋmenijicu jarʋvabecʋbe mʋjare. Árumetejará mʋja aʋeʋure ne ámene. Mʋje árumetedu, Jʋmenijicu máre árumetecʋyume mʋje ámeina teiyede. <sup>38</sup>Jíjará mʋja aʋeʋure. Aru Jʋmenijicu jícyume mʋjare. Jícyume mʋje pʋeá buidírʋea, doairʋea, aru jayuirʋeare. Nopedeca mʋje aʋeʋure jíyepedeca Jʋmenijicu jícyume mʋjare, arejameða náre Jesús.

<sup>39</sup>Aru yópe arí, jévari coyurejameða Jesús:

—Cüinácu jári eabecu buojabebi nuñ mái aʋecu jári eabecuque. Que baru caipucará jári eabevʋ baru tʋjebu na cobei. <sup>40</sup>Bueimara ñame baju majibema ne bueirõescu pʋeno. ʋbenita bueni buojaiʋu baru, ne bueirõescupe tenajarama.

<sup>41</sup>Me jáivʋbu mʋja mʋjecui docʋjije cʋrõre ʋi yacorui. ʋbenita jámeʋu mʋja mʋje ʋrarõ docʋcʋrõre mʋje yacorui. <sup>42</sup>Aru jámeʋʋacarí mʋja ʋrarõ docʋcʋrõre mʋje yacorui, mʋjecure “¿Mi docʋjiene ñaji mi cʋvaede mi yacorui?” arí buojabevʋ mʋja. ¡Jʋjovaiʋutamu mʋja! Mamarʋmʋ ijara mʋja mʋje ʋrarõ docʋcʋrõre mʋje yacorure. No yóboi, mearo jáivʋta, ijara mʋjecui docʋjiene ʋi cʋvaede ʋi yacorui, arí buedejameða náre Jesús.

Yópe aiʋrõtamu iye Jesúí aiyebáque: Põescu ʋi ʋrarõ ámenore ðaru, “Dajocajacu mi ámeina teiyede” arí, coyuiye jaʋbevʋ ʋre aʋecure, quíjino ámenore ðayure. Quénora mamarʋmʋ ñai ʋrarõ ámenore ðayure dajocaiye jaʋvʋ ʋi baju ámeina teiyede cáreja.

**Jesús ʋi bueino maje majinore  
jocʋcʋa jéidʋare**

(Mt 7.17-20, 12.33-35)

<sup>43</sup>Cojedeca Jesús arí buedejameða náre, ne majinaiyipe ayʋ aipe árojarivʋre põevare:

—Cʋbevʋ jocʋcʋ meacu jéiye ámene jícu. Aru cʋbevʋ jocʋcʋ ámeacu jéiye méne jícu. <sup>44</sup>Que baru coreóvaivʋbu jocʋcʋare dicʋá jéiyeque. Miũña jémeʋu higo ámicʋridʋare. Nopedeca jémeʋu ʋyai miũñara. <sup>45</sup>Ñai põescu meacu yáʋayʋbe méne, ʋi ʋmei mearo cʋe boje. Aru ñai põescu ámeacu yáʋayʋbe ámene, ʋi ʋmei ámeno cʋe boje. Que baru põescu yávaibi ʋi jijecamuque ʋre cʋede ʋi ʋmei, arí buedejameða Jesús.

**Jesús ʋi coyüino pʋcadámia cʋramia  
ðaiʋu bácvare**

(Mt 7.24-27)

<sup>46</sup>Cojedeca Jesús arí buedejameða náre: —¿Aipe teni aivʋrʋ yure “ñʋje jabocu”, ʋbenita ðabevʋʋacarí ji coyuiyede?

<sup>47</sup>Coyʋquijivʋ mʋjare ñamepe árojacure ñai yure darí járiayure aru ðayure yópe ji coyuiyere. <sup>48</sup>Ðaibi yópe ñai põescu ʋi ðaiye báquepe ʋi cʋrami jájaroi. Aru jia yaboiyede, oco eavʋya diñamine. ʋbenita cújibeteavʋya diñami, jájaro núe boje. <sup>49</sup>ʋbenita ñai járiayʋʋacarí yure, ðabecu baru yópe ji coyuiyere, ñai põescu ʋrepe ñai ðayʋ bácupe ʋi cʋramine jájamenoi. Aru jia yaboiyede, oco eavʋya diñamine. Aru tuavʋya diñami. ʋrarõ mateávʋya diñami bʋjaino, arí buedejameða Jesús.

**Jesús ʋi meadaino churaravai jabocu  
yebacacure**

(Mt 8.5-13)

**7** <sup>1</sup>Jesús yávarí dajocayʋ bácu põevare, nurejameða

Capernaum ãmicurĩmaroi. <sup>2</sup>Noi curejameða cien paivu churarava ne jabocu, cuvacu ñi yebacacure pare ñi umu. Ijimu baju barejameða ñai yebacacu. <sup>3</sup>Ñai churaravai jabocu jápiayu bácu yávaivure Jesúí borore, jarorejameða apevu judíova bucuvare, ne órejarãiyepe ayu Jesúre, ñi meadaquiyepe ayu ñai yebacacure. <sup>4-5</sup>Jesús yebai eaivu, pare nuicõjenejaimaða úre. Arejaimaða:

—Ñai jabocu meacube ñi. Que baru mi cadateiye jañu ñre, ùi ñe boje maje curijaborõre. Úvacari ðaicõjeame cõinádami maje cójijiñamiva, arejaimaða na Jesúre.

<sup>6</sup>Dinmumia Jesús nurejameða náque. Úbenita joabenoí ne tuvaiyede ñi cõrami yebai, ñai jabocu jarorejameða ñi yóvaimarare, yópe arãnuivu Jesúre:

—Mu, ji jabocu, cãrijimejacu. Meacubu mu. Úbenita yúcapûravu ãmecutamú. Que baru darí ecobejacu ji cõrami.

<sup>7</sup>Buõjarí vocunumetevu yu mure ji baju. Quénora coyujacu mi cõjeinore. Aru ji yebacacu meatecuyume. <sup>8</sup>Yurecabu cucu ne cõjeiyeque ina ji jabova. Aru cuvavu churaravare, ji cõjeimarare. Nácacu cõinácure “Nujacu” ji arĩburu, nuimi ñi. Aru “Dajacu” ji arĩburu, daibi ñi. Aru ji ðaicõjenu apejĩene ji yebacacure, ðaibi ñi. Nópe aicõjemi ñujare daroyu, cien paivu churarava ne jabocu, arejameða Jesúre ñai jabocui jaroimaracacu.

Úi que aiyede, “Ijiéde cõjeipõecubu mu” aiyucu barejaquémavu Jesúre.

<sup>9</sup>Que ayure jápiarí, pare ðápiarejameða Jesús. Aru jári ina põeva nuivure ñi yóboi, arejameða:

—Jãve coyuyubu mujare: Eabevu cãreja majacacure, Israecacure, me ju ayure yure yópe ñai churaravai jabocupe, arejameða Jesús.

<sup>10</sup>Aru ne copaiyede jabovai cõrami, earejaimaða ñai yebacacure meacuta.

#### Jesús ñi meadaino nomiópecoi mácure

<sup>11</sup>No yóboi, Jesús nurejameða Nain ãmicurĩmaroi. Úque nurejaimaða

ñi bueimara aru apevu põeva máre, obedivu. <sup>12</sup>Úi ea iyede ímaro joabenoí, járejameða nuvaivure yaiyú bácare, jaruvarãnuivu. Jípacó, nomiópeco caride, cõinácú òi mácu bácu barejameða. Aru obedivu põeva diímarocavu yóvarejaimaða náre. <sup>13</sup>Jesús cómajé ãroje jári, arejameða óre:

—Obejaco, arejameða ñi.

<sup>14</sup>Joabejĩnoi nuri, icadava paraicadava, yaiyú bácu paraicadavare, tuorejameða Jesús ñi puruque. Ina nuvaivu bácvu dicadavare mautedejaimaða. Dinmuma Jesús arejameða yaiyú bácare:

—Mu, bojuyo, coyuyubu mure:

Nacajajacu, arejameða Jesús.

<sup>15</sup>Quénora ñai yaiyú bácu dobarí, yávarí búrejameða. Aru Jesús jídejameða úre jípacore. <sup>16</sup>Yópe ðayure jáivu, cuenumarejaimaða caivu. Aru torojurí, jívu mearore Jũmenijicure arejaimaða:

—Jũmenijicui yávaiyede coyucaipõecu parucu edaibi maje jẽneboi. Jũmenijicu daibi, cadatecuday ñi põevare, arejaimaða na.

<sup>17</sup>Que teni Jesúí boro earejavãya caino Judea ãmicurijoborõi aru caiye curõaquede máre. Jápiarejaimaða caivu Jesúí ðaiye báquede.

#### Juan Bautista ñi jaroimara Jesús yebai

(Mt 11.2-19, 21.32; Lc 3.12)

<sup>18</sup>Juan Bautistai bueimara, ñi yebai nuri, coyurejaimaða úre caiye Jesúí ðaiye báquede. Aru órejarejameða Juan Bautista pucarã ñi bueimarare. <sup>19</sup>Jesús yebai jarorí, jẽniari jáicõjenejameða náre yópe:

—¿Jãveneca múru Juan Bautista “Ji yóboi dacuyume apecu coyupõecu” arí, ñi buevacamú? ¿Úi que arí buevacamú ãmenu, corenajidi ñuja apecure? aicõjenejameða náre Juan Bautista.

<sup>20</sup>Ina daroimara, Jesús yebai earí, arejaimaða úre:

—Juan Bautista darobi ñujare jẽniari jáicõjeñu: “¿Jãveneca múru Jũmenijicui daroimu, ‘Ji yóboi dacuyume apecu

coyũipõescu' arĩ, ñi buevacamũ? ¿Ëĩ que arĩ buevacamũ ãmenu, corenajidi ñũja apesure?" arejameda Jesũre.

<sup>21</sup>Aru dinũmũmareca Jesũs meadare cuyũ barejameda obedivũ põevare: ijimarare, ñãjivure, aru abujuva ne ïmamarare mãre. Aru obedivũ jãri eabevure cõmaje ãroje jãri meadarejameda.

<sup>22</sup>Que teni Jesũs ju ayũ, arejameda Juan Bautistai daroimarare:

—Nũri coyũjarã Juan Bautistare mũje jãpiaiyede aru mũje jãiyede mãre: Ina jãri eabevũ bãcavũ jãri eadama caride, aru ina cuiye majibevũ bãcavũ cuyama caride. Ina pojeivũ bãcavũ meama aru ina jãpiabevũ bãcavũ jãpiadama caride. Ina yaivũ bãcavũ, nacovaimara yainore jarũvarĩ, apũma cojedeca caride. Aru cõmaje ãrojarivure coyũyũbu iye yãvaiye mène, Jũmenijicui meadaiyede põevare. <sup>23</sup>Torojũbi ñai ju arĩ dajocabescu yũre, arejameda mãre Jesũs.

<sup>24</sup>Ina daroimara ne nũriburu yõboi, Jesũs Juan Bautistai borore yãvarĩ bãyũ, arejameda ina põevare:

—Jãve jãranũmetevũ mũja cõriãre ãmevũ japuiyede põescubenoĩ. <sup>25</sup>Aru jãve jãranũmetevũ mũja põescu cuitõtecaje meacajede doyure mãre põescubenoĩ. Majivũ mũja ina doivure cuitõtecajea meacajeare curivure torojũve teni cainũmũa jabovai cũramiai. <sup>26</sup>Quénora jãve jãranũavũ mũja cũinãcu Jũmenijicui yãvaiyede coyũcaipõescure. Jãve coyũyũbu mũjare: Jãquemavũ mũja Jũmenijicui yãvaiyede coyũcaipõescu pũeno meacu bajure. <sup>27</sup>Juan Bautistabe ñai Jũmenijicui toivaicõjeimũ mãcu ãre coyũcaipõescu bãcure:

Jaroivũ yũre coyũcaipõescure mi jipocai, ñi meadaquiyepe ayũ põevare, ne corũ etarãjiyepe ayũ mũre, nopedeca põeva ne meadaiyepe cuimare ñai ãmũ, ne pueðaimũ, ñi daquiye jipocai, arĩ coyũicõjenejaquemavũ Jũmenijicu.

<sup>28</sup>Jãve coyũyũbu mũjare: Cũbebi apescu Jũmenijicui yãvaiyede

coyũcaipõescu meacu baju Juan Bautista pũeno ina ijãravũ põeteivũ jẽneboi. Ëbenita ñai ãbeni cãcu Jũmenijicui jaboteinore Jũmenijicui mearo ðacaimũme Juan Bautista pũeno, arejameda Jesũs.

<sup>29</sup>Ëĩ que aiyede Juan Bautistai borore jãpiarĩ, obedivũ põeva aru ina jabovare tãutũra ïcaipõeva mãre coreõvarejameda Jũmenijicure jãve ayũre. Que baru Juan Bautistare jãdovaicõjenejaimada mãre Jũmenijicũque. <sup>30</sup>Ëbenita ina fariseova aru Jũmenijicui yãvaiye báquede bueipõeva mãre ãbedejaimada Jũmenijicui ðaiyũrõre mãre boje. Que baru Juan Bautistare jãdovaicõjemenejaimada mãre Jũmenijicũque.

<sup>31</sup>Que teni Jesũs arejameda mãre:

—¿Yéque jẽvari coyũji ina põeva ijãravũcavũre? ¿Aipe ãrojari na? <sup>32</sup>Jueðova tãibũi dobarivũpebu, yajurãjivũ nãcavũque. Aru yõpe aivũpebu: “Japuvũ ñũja yũriainore. Ëbenita upabetevũ mũja. Yũriavũ ñũja chõre ðaiyede. Ëbenita obetevũ mũja”. Aru nõpe ijãravũcavũ mãre cãrijĩñama na. <sup>33</sup>Que baru Juan Bautista ñi daiyede, ã ãmeni aru ãcumeni teiyede, “Abujucure cãvabi”, ãra ãbenina aivũbu mũja. <sup>34</sup>Aru Jũmenijicui daroimũ mãcu ãmũpe, ji daiyede, ãri aru ãcuri teiyede yõpe caivũ apevũpe, “Ñai ãmũ urarõ ãri ñi vainĩ tuiyeta, aru urarõ ãcuri ñi pacoteiyeta, yõvaiibi ãmenare aru jabovare tãutũra ïcaipõevare mãre”, yũrã ãbenina aivũbu mũja. <sup>35</sup>Ëbenita Jũmenijicui majiède põeva jãðama ãre ju aivũque, arejameda Jesũs.

### Jesũs ñi cũe fariseovacacu Simõĩ cũrami

(Mt 26.7; Mr 14.3)

<sup>36</sup>Cũinãcu fariseovacacu cuturejameda Jesũre, “ãrevũ” ayũ, ñi cũrami. Aru Jesũs ju arĩ, ecorĩ, dobarejameda tuoiva yebai. <sup>37</sup>Aru cũinãcu nomiõ, ðiĩmarocaco, ãmeina teipõeco, majico Jesũs dobacure ñai

fariseoi cūrami, nāvarejacoda cūinábu ūmjuríbu boríbu mumijue curíbure.  
<sup>38</sup>Orí earejacoda Jesúí cuboba yebai. Aru ōi orique ēnuvarejacoda ūi cubobare. Que teni popovarejacoda ōi poḁaque. Aru nuri ūi cubobare, ōi pueḁaiye boje ūre, yuarejacoda iye mumijuede ūi cuboba pūenoí. <sup>39</sup>Que teni ñai fariseo, Jesúre cutuyū bācu, “Ārevū” arí ūre, yópe teinore járí, dápiarejameḁa ūi baju: “Ñai ūmū Jūmenijicui yávaiyede coyūcaipōecu baru, majijebu yéco pōeco ico jēni jádore ūre. Pōeco āmeina teipōecobe ō”, arí dápiarejameḁa.  
<sup>40</sup>Quénora Jesús arejameḁa ñai fariseore:

—Mū, Simón, apejino coyūiyuvū mure, arejameḁa Jesús.

Ñai fariseo ju arejameḁa ūre:

—Mū, bueipōecu, coyujacu yure, arejameḁa Simón.

<sup>41</sup>Ūi nópe aiyede, Jesús yópe arí coyūrejameḁa ūre:

—Pucarā ūmūva bojecube ḁaquemavu tātūrare cūinácu tātūra jípōecure. Cūinácu bojecube ḁaquemavu pūcaujūa memeiye bojede. Aru apesu bojecube ḁaquemavu pucarā aviáva memeiye bojede. <sup>42</sup>Na yéque buojarí ne bojedabe boje, ñai tātūra jípōecu ārumetequemavu ina pucarā ne bojecube ḁaiyede. Coyujacu yure. ¿Ácu pōecu ina pucarācasu pūeno baju ūri ūre? arejameḁa Jesús.

<sup>43</sup>Aru Simón ju arejameḁa:

—Dápiavū ūcure pare ūre ñai ūi ārumeteimū mácu pūeno bojecube ḁayure, arejameḁa.

Jesús arejameḁa ūre:

—Jāve coyūivū mū, arejameḁa.

<sup>44</sup>Jesús copedini, jáñū ico nomióre, arejameḁa Simóre:

—Jájacu ico nomióre. Ecovū yū mi cūrami, aru jībetevū mū oco, joaquiye jī cubobare. Ūbenita ico nomió ēnuvaimico jī cubobare ōi orique aru popovabico ōi poḁaque.  
<sup>45</sup>Jacoyubetevū mū yure. Ūbenita ico ḁajocabico pueḁado yure, jī cubobare nuño. <sup>46</sup>Yuabetevū mū mumijueque

jī jipobure. Ūbenita ō yuarí mumijue ḁaibico jī cubobare. <sup>47</sup>Que baru aivū yū, ōi āmeina teiye urede Jūmenijicui ārumeteiye báque boje, ūrarō ōi ūrōre jáḁovaimico ō. Ūbenita ñai ūi āmeina teiye obebeda Jūmenijicui ārumetedu, quíjino ūi ūrōre jáḁovaimi ū, arejameḁa Jesús.

<sup>48</sup>Aru arejameḁa ico nomióre:

—Mi āmeina teiyede ārumeteivū yū, arejameḁa Jesús.

<sup>49</sup>Ina Simói cutuimara, dobarivū ūque, yávarí búrejaimada ne bajumia:

—¿Yécu bárica ñai ūmū āmeina teiyede ārumetede ḁayū? arejaimada na.

<sup>50</sup>Aru Jesús arejameḁa ico nomióre:

—Mi ju aiyē boje, meateivū mū. Que baru me nujaco cārijimecova, arejameḁa ōre Jesús.

#### Nomiva Jesúre ne caḁateino

(Mt 27.55-56; Mr 15.40-41; Lc 23.49)

**8** <sup>1</sup>No yóboi, Jesús coyucunūrejameḁa ĩmaroai aru ĩmajino coapa, pōeva ne majinajiyēpe ayū Jūmenijicui jaboteinoque borore. Aru ina doce paivū ūi bueimara yóvarejaimada ūre. <sup>2</sup>Apevū nomiva máre yóvarejaimada náre, Jesúí meadainomiva mácavu. Apevūre ina nomivare Jesús javei jaetovarejameḁa abujuvare. Aru apevūre javei meḁarejameḁa ū. Cūináco Magdala āmicuríimarocaco barejácoḁa, ōi āmiá María. Jipocamia Jesús jaetovarejameḁa siete paivū abujuvare ōre jocarí.  
<sup>3</sup>Apeco barejácoḁa, ōi āmiá Juana. Ñai jabocu Herodes ūi cāramine coreipōecui márepaco barejácoḁa ō, ūi āmiá Chuza. Aru apeso barejácoḁa, ōi āmiá Susana. Apevū obedivū nomiva, Jesúí meadainomiva mácavu máre yóvarejaimada ūre. Ina nomiva Jesújāre jauéde jīdejaimada.

#### “Oteipōecure” járí dápiarí ne ḁarājiyēpe aino

(Mt 13.1-9; Mr 4.1-9)

<sup>4</sup>Obedivū pōeva cójjivū Jesús yebai ĩmaroa coapacavu. Que teni Jesús



buedejameđa náre jári dápiarĩ ne đarãjiyepe ainoque, yópe arĩ:

<sup>5</sup>—Cúinácũ oteipõecu

otecũnũquemavũ ùi oteiyede. Ùi oteiyede ape oteiyede tũquemavũ ma ěcarũ. Aru ne curaiyede ina cuivũ noi, mĩjina vũivũ darĩ, áradacquemavũ caiye iye oteiyede. <sup>6</sup>Ape oteiyede tũquemavũ joborõ edubenoĩ cũraboã pũenoĩ. Aru yóboi pĩarĩ etaquemavũ. Ùbenita yaiquémavũ, no oco cube boje. <sup>7</sup>Ape oteiyede tũquemavũ miucua jēneboi. Aru miucua bucũrĩ chĩoiyede, jēiye jēmetequemavũ. <sup>8</sup>Ape oteiyede tũquemavũ mearo joborõĩ. Aru bucũquemavũ. Aru jēquemavũ jēiñũ cien paivũã caiye oteiyabeã coapã, arejameđa Jesús.

Que yávayũ bácu, Jesús pare bujino yávarĩ, arejameđa náre:

—Me jápijarã muja iye ji bueiyeđe, arejameđa Jesús.

**Aipe aiyurõre Jesús ùi jári dápiarĩ ne đarãjiyepe aino**

(Mt 13.10-17; Mr 4.10-12)

<sup>9</sup>Jesũi bueimara jēniari járejaimađa ùre:

—¿Aipe teni bueyurũ mu jári dápiarĩ ñũje đarãjiyepe ayũ mi coyũiyeque? arejaimađa.

<sup>10</sup>Aru Jesús arejameđa náre:

—Mũjare coyũrĩ majide đayũbu iye Jũmenijicũ ùi coyũicõjeme máquede. Ù jãboteibi mũjare, ùi põevare. Ùbenita ina apenvũ iyede majibevure quēđa jári dápiarĩ ne đarãjiyepe ayũ bueyũbu yũ náre, jáivũreca ne jári majibenajiyepẽ ayũ aipe aiyurõre ne jáiyede, aru jápiaivũreca ne jápiarĩ majibenajiyepẽ ayũ aipe aiyurõre ne jápiaiyede, arejameđa Jesús.

**Jesũ ùi coyũino aipe aiyurõre “oteipõecũre” jári dápiarĩ ne đarãjiyepe aino**

(Mt 13.18-23; Mr 4.13-20)

<sup>11</sup>Yópe arĩ, Jesús coyũrejameđa ùi bueimare:

—Yo jári dápiarĩ mũje đarãjiyepe ayũ ji aino yópe coyũiyurõmu mũjare:

Iye oteiyede Jũmenijicũ yávaiyepẽ paiyebu. <sup>12</sup>Aru inamu ma ěcarũi oteiyede turĩduiye báquepe paivũ. Náre coyũiyede Jũmenijicũ yávaiyede jápiađama, ùbenita coreóvarĩ eabevũva. Que baru ne jápiarĩburu yóboi, ñai abujuvai jabocũ darĩ, árumetede đãibi Jũmenijicũ yávaiye ne jápiaiyẽ báquede, ne ju abeni majibenajiyepẽ ayũ, meatebenajivũ. <sup>13</sup>Aru inamu joborõ edubenoĩ, cũraboã pũenoĩ, oteiyede turĩduiye báquepe paivũ. Jũmenijicũ yávaiyede jápiarĩ, torojuma me. Ùbenita Jũmenijicũ yávaiyede ju arĩduyama na. Que baru quĩjino yóboi, põeva ne cãrijovaru náre, ne ju aiyẽ boje, maumena đajocãđama ne ju aiyede Jũmenijicũ yávaiyede. Que teni ju abema na. <sup>14</sup>Aru inamu miucua jēneboi oteiyede turĩduiye báquepe paivũ. Na máre jápiaivũ Jũmenijicũ yávaiyede, ùbenita cãrijĩñama ijãravũquede. Torojuma tãuturãque. Aru caiye iye ne torojuve teiyede ijãravũque cojũvũ náre. Que baru Jũmenijicũ cađatebebi náre ùi yávaiyepẽ yópe ùi urõpe. <sup>15</sup>Ùbenita inamu mearo joborõĩ oteiyede tuiye báquepe paivũ. Jũmenijicũ yávaiyede jápiaivũ, ju ađama jãve dieđe. Aru me árumã đajocabevũva. Que baru nárecabu đãivũ Jũmenijicũ urõpe cãrijimevũva, arejameđa Jesús.

**“Põibure” jári dápiarĩ ne đarãjiyepe aino**

(Mt 5.15, 10.26, 25.29; Mr 4.21-25; Lc 11.33, 12.2, 19.26)

<sup>16</sup>Cojedeca Jesús, yópe arĩ, buedejameđa náre:

—Põecu cubebi pẽoibure pẽoriburu yóboi moañũ dibure cõaiñũque o ñõñũ paraino cãchinoĩ. Quénora tũoibi jocuve pũenora, pẽoquiyepẽ ayũ caivũ ecoivũre nore. <sup>17</sup>Que baru caiye yaveiyẽ báque jároquiyebu. Aru dupiõvãiyẽ báquede máre járajarama caivũ põeva.

<sup>18</sup>Que baru me dápijarã mũje jápiaiyede ji bueiyeđe. Aru đajarã yópe ji coyũiyepẽ. Nopedeca ñai jápiaiyure Jũmenijicũ yávaiyede, Jũmenijicũ

pæno baju ùi majiéque jícyume úre. Æbenita ñai jápiabecure Jūmenijicui yávaiyede, iye ùi quíjino majiédede dápiayū cūvaede, Jūmenijicui úre ícyume diede, arejameða Jesús.

**Jesús ù jina ne voino úre**  
(Mt 12.46-50; Mr 3.31-35)

<sup>19</sup>Dinumure Jesú paco aru ùi yóva earejaimada ùi curōi. Æbenita úre eabedejaimada, obedivū pōeva ne cūe boje.

<sup>20</sup>Que baru apevu arejaimada Jesúre:  
—Mipaco aru míyova máre jedevai núrivū, mure járadadama, arejaimada.

<sup>21</sup>Æbenita Jesús arejameða náre:  
—Caivū ina Jūmenijicui yávaiyede jápiaivū aru Jūmenijicui urōpe ðaivū, nárecabu jipacope pádo aru jíyovape paivū máre, arejameða Jesús.

**Jesús ūmevure ùi bíjaroino**  
(Mt 8.23-27; Mr 4.35-41)

<sup>22</sup>Cūinájāravū Jesús, jatuyū jiadocūi ùi bueimaraque, arejameða náre:

—Járica, macajitabū urabū apedavei nurevū, arejameða náre.

Que baru nurejaimada na. <sup>23</sup>Ne jatayede, Jesús cārejameða. Japurejavūya ūmevū parurō baju. Aru pācaiboa ecōrejāvūya jiadocūre. Que baru dicū buidjāvūya. Pare jidojarejavūya no. <sup>24</sup>Que teni Jesús yebai nuri, yōpe arī, coedavarejaimada úre:

—iMu, bueipōecu, coivūbu maja! íBíjarājivūbu maja! arejaimada na.

Jesús coedarī, jararejameða ūmevure. Iboá uraboa pācaiboa bíjarejavūya. Aru cārijimene ðarejavūya. <sup>25</sup>Que teni Jesús arejameða ùi bueimarare:

—¿Aipe teni “Jesús meadacuyume ñjare”, abevurū muja? arejameða.

Que aiyede, cūcumari urarō dápiarejaimada. Aru arejaimada ne bajumia:

—¿Yécuba ñai, yōpe cōjeñū ūmevure aru macajitabure máre ju aimū? arejaimada na.

**Jesús ùi meadaino ūmū abujuva ne imamure**  
(Mt 8.28-34; Mr 5.1-20)

<sup>26</sup>Jesújā jatarejaimada no macajitabū urabure apedavei. Aru cūrejaimada na

Gerasa āmicurōcavū, Galilea āmicurō cōchinoi. <sup>27</sup>Jesús ùi maiyede jiadocūre jocarī, copū nurejameða cūinācu ímarocacu, abujuva ne ímamū. Joe baju cuitótecajede dobedejameða. Aru cūrami cubedejameða ū. Quénora pōeva ne yaivū bācavure jaruvainoi cūcū barejameða. <sup>28</sup>Jesúre jári, ùi yebai nuri, ñuatutarī bujié codoboborī, arejameða:  
—Mu, Jesús, Jūmenijicui mácu, caivū pæno parucui mácu, cyéde ucūrū yúque? Jēniaivū mure, ñájine ðabejacu yure, arī codoboborejameða.

<sup>29</sup>Nópe arejameða Jesús ùi etaicōjeiye bāque boje jípcamia ina abujuvare ñai ūmure jocarī.

Apenūmū abujuva úre ímarejaimada. Que baru nōcavū úre coreni buoridurejaimada tāumeaque, buoimeaque máre. Æbenita cobururū buravarejameða dimeáre. Aru ina abujuva jarorejaimada úre pōecubenoí. <sup>30</sup>Dinumure Jesús jēniari járejameða úre:

—¿Yécū āmicucurū mu? arejameða. Ju arī arejameða:

—Obecu āmicūvū yū, arejameða.

Nópe arejameða, obedivū abujuva ne ímae boje. <sup>31</sup>Ina abujuva pare jēniarejaimada, ùi jarobequiyepe aivū náre ūmujāricobei, abujuva ne ñájinoi. <sup>32</sup>Cūrejaimada noi cūracū yebai obedivū oteivāriva, āre cuivū. Aru jēniarejaimada ina abujuva Jesúre:

—Jarojacū ñjare oteivārivara, ñuje corājiyepe nára, arejaimada.

Dinumūma, nuicōjenejameða náre Jesús:

—Nujara, arejameða.

<sup>33</sup>Aru ina abujuva etarī, corejaimada oteivārivara. Cúyarī nuri turejaimada cūracū ēmeinoi, macajitabū urabūi. Turī corī bíjarejaimada na. <sup>34</sup>Aru ina oteivāriva mácavure coreipōeva cúyarī nurejaimada, coyūvū urāimaroai aru ímaro curōvaquede máre. <sup>35</sup>Que baru obedivū pōeva “¿Aipe tenama?” arī, járanurejaimada. Nuivū Jesús yebai, járejaimada ñai ūmū abujuva ne ñájine ðaimū mácu dobacure, cuitótecajede

doyure, meacure cari. Aru jidurejaimada úre. <sup>36</sup>Coypurejaimada ina jáivu bácvu Jesú meadaiye báquede ñai ñmu, abujuva ne ímamú mácvre. <sup>37</sup>Quénora “Nujacu”, arejaimada Jesúre paruróque caivu Gerasa ámicurócvu, ne jidué boje.

<sup>38</sup>Jiadcúii jaturí, Jesús copainurejameđa. Ubenita úi copaiquiye jipocamia ñai ñmu, abujuva ne ímamú mácv, jëniarejameđa paruróreca cuiyucu úque. Ubenita Jesús yóvaicójemecu arejameđa úre:

<sup>39</sup>—Copainujacu mi cūrami. Aru coyujacu caiye iye uraró Jāmenijicu úi ðaiyede máque, arejameđa Jesús.

Nuri, coyuyu barejameđa caivu ímarocavure caiye iye Jesús úi ðaiye báquede úre.

**Jesús úi nacovaino Jairoi máco  
bácore aru úi meadaino nomió  
ñájiñore jiveque**

(Mt 9.18-26; Mr 5.21-43)

<sup>40</sup>Jesús copaiyu bácvre, obedivu pøeva coreivu barejaimada úre. Que baru cójijidejaimada úi yebai, úre jacoyuivu. <sup>41</sup>Aru earejameđa cūinácu judíovai cójijiñamine coreipøecu, Jairo ámicucu. Járina ñuatutarejameđa Jesú cuboba yebai. Uraróreca jëniañu arejameđa Jesúre:

—Mu, bueipøecu, dajacu ji cūrami, arejameđa.

<sup>42</sup>Cūinácvu úi máco, doce paiujua cvvacore, cvvarejameđa Jairo. Aru yaidé ñño marejácoda ò. Que baru Jesús nurejameđa úque. Cujurejaimada náre obedivu pøeva. Aru cojivare nurejaimada Jesúre.

<sup>43</sup>Ne jëneboi cūináco nomió cvrejacođa. Doce paiujua baju ijimo marejácoda jive yuiyeque. Aru pøecu cubedejameđa juoiye majicu óre. <sup>44</sup>Nurejacođa úi yóboi obedivu pøeva jëneboi. Aru jëni járejacođa úi doicaje turuvarā. Cūiná òi jëni jáiyede, bíjarejavūya òi jive yuino mácarō.

<sup>45</sup>Dinumu Jesús arejameđa:

—¿Name matedí yure jëni jádo? arejameđa.

Caivu “Yu ámevu” ne aiyede, Pedro arejameđa:

—íMu, bueipøecu, obedivu pøeva cojivare daivubu mure! arejameđa.

<sup>46</sup>Ubenita Jesús arejameđa:

—Cūináco nomió jëni jácobe yure. Que baru majivu yu. Ji baju ji majiéque meadaiyu yu óre caride, arejameđa Jesús.

<sup>47</sup>Úi que aiyede, ico nomió òi baju dupini majibe boje, bidini jiduco, nuri ñuatutarejacođa úi cuboba yebai. Coypurejacođa caivu ina pøeva ne jáiyede òi jëni jáinore úre aru cūiná òi meateinore. <sup>48</sup>Aru Jesús arejameđa óre:

—Mu, ji umo, “Ú meadaiye majibi yure”, arí dápiarebu mu. Que baru mi que arí dápiaye boje, meadaiyu mure. Ména nuri cujaco mu, arejameđa Jesús.

<sup>49</sup>Úi boroteiyede óque, cūinácu ñai judíovai cójijiñamine coreipøecu cūramicacu earí, arejameđa Jairore: —Javeta mímaco yaibíco ò. Quénora cārijovamejacu bueipøecure, arejameđa.

<sup>50</sup>Ubenita Jesús, jápiayu bácvu úi yávinore, arejameđa Jairore:

—Jidubejacu mu. Quénora ju ajacu ji coyuinore, aru meatecodome ò, arejameđa Jesús.

<sup>51</sup>Jesús úi eaiyede Jairoi cūrami, apévure ecoicójemeni úque, nvvarejameđa Pedrorre, Jūare, Santiagore, aru ico juedoco bácoi pacure aru pacore máre. <sup>52</sup>Caivu pøeva nócvu óre oivu aru cōmaje ároje jáivu barejaimada. Ubenita Jesús arejameđa: —Obejarā. Ó yaiyó ámemico. Quénora cādotame, arejameđa.

Náre nópe arejameđa Jesús, úi majié boje úi nacovaquinore óre yainore jaruvarí. <sup>53</sup>Úi que aiyede, yuridejaimada úre, ne majié boje yaiyó bácore.

<sup>54</sup>Dinumu Jesús ecorejameđa juedoco bácoi curitucubui aru òi purare jëni, bujié yávvarejameđa óre:

—Mu, juedoco, nacajajaco, arejameđa Jesús.

<sup>55</sup>Aru úmedarejacođa ò. Que baru cūiná nacajarejacođa. Aru, “Áiyede jíjarā óre”, arejameđa Jesús. <sup>56</sup>Ói bucva

cuecumari pare dápiarejaimađa. Ñbenita Jesús apevure coyúicójemenejameđa náre iye ñi ďaiye báquede.

**Jesús ñi jaroino ñi bueimarare**

(Mt 10.5-15; Mr 6.7-13; Lc 10.4-11; Hch 13.51)

**9** <sup>1</sup>Órejarĩ ina doce paivu ñi bueimarare ñi yebai, Jesús jídejameđa ne paruéva, ne jaetovarãjiyepe ayu abujuvare aru ne meadarãjiyepe ayu ijimarare. <sup>2</sup>Aru jarorejameđa náre, ne coyurãjiyepe ayu Jñmenijicui jaboteinoque yávaiye méne aru ne meadarãjiyepe ayu pōevare. <sup>3</sup>Jesús arejameđa náre:

—Nuvamejara muja apejijene muje nuinore. Tuturiteiyoava nuvamejara, curubũare máre, ñiyede máre, aru tãtũrre máre, Nuja muje cuitótecaje doino cueda. <sup>4</sup>Ári muja ecoivu ĩmaro, cũjarã cñinãcu cũrami upacuque pu ďajocarĩ nuivuta nore jocarĩ. <sup>5</sup>Apeno ne copu etabedu mujare, aru ne jápaiyũbedu iye yávaiye méne, etarĩ nujara. Aru pupejarã jobore mujare jēiyede muje cuboba cãchinoi ne jáiyede, ne jápaiyũbe boje. Que teni diĩmarocavu coreóvarãjarama ju abevure Jñmenijicure aru mujare máre, arejameđa Jesús.

<sup>6</sup>Que arĩburu yóboi, etarĩ nurejaimađa ĩmaroai aru ĩmajinoa coapa. Coyurejaimađa Jñmenijicui yávaiye méne aru meadarejaimađa pōevare caino.

**Juan Bautista bácu ñi yaino**

(Mt 14.1-12, 16.14; Mr 6.14-29, 8.28; Lc 9.19)

<sup>7</sup>Dinũmu ñai jabocu Herodes jápiarejameđa Jesú borore, caiye ñi ďaiyede. Aru cãrijinejameđa, pōeva ne yávaiye boje. Apevu arejaimađa, “Juan Bautista bácu nacajacube yainore jarũvarĩ”. <sup>8</sup>Apevu arejaimađa, “Elías járocube cojedeca”. Aru apevu arejaimađa, “Cñinãcu Jñmenijicui yávaiyede coyucapōescu bácu nacajacube yainore jarũvarĩ”.

<sup>9</sup>Herodecapũravu arejameđa: “Juan Bautista bácu jíbobure buraicójecacu yu. Que baru, ĩñamema ñai ñi borore ji jápaiimu?” arejameđa. Aru pare jáiyurejameđa Jesúre ñai jabocu Herodes.

**Jesús ñi ñre ďaino cñinãpũrũpe paimil baju ñmũvare**

(Mt 14.13-21; Mr 6.30-44; Jn 6.1-14)

<sup>10</sup>Dinũmu Jesú daroimara mácavu copainurejaimađa ñi yebai. Ñre coyurejaimađa caino ne ďaino mácarõre. Aru Jesús náre nuvaridurejameđa pōevare jocarĩ cñinãĩmaro joabeno, Betsaida ñmicũrõi. <sup>11</sup>Ñbenita náre nuivure majidejaimađa pōeva obedivu. Aru Jesújare cujurejaimađa na. Jesúcapũravu torojucu jacoyurejameđa náre. Coyurejameđa Jñmenijicui jaboteinoque yávaiyede. Aru meadarejameđa nãcavu ijimarare máre.

<sup>12</sup>Aru nainú tuvaino marejãvũya. Que baru coyurãearejaimađa ina doce paivu ñi buemara. Arejaimađa ñre:

—Pōecubenotamu yo. Que baru nuicójejacu ina pōevare, ne vorãjiyepe ayu ne jabuóvarãjiyede aru ne bojedãrãjiyepe ayu ne ñrajyede ĩmaro joabeno aru no curõvaquei, arejaimađa Jesúre.

<sup>13</sup>Ñbenita Jesús arejameđa náre:

—Muja náre ñiyede jíjarã, arejameđa. Na arejaimađa ñre:

—Pãuboa cñinãpũrũpe paiboa aru moa pũcarã quénora cuvavu ñuja. ĩñuja bojedãcarãñrajidi ñiyede, jínajivu caivu ina pōevare? arejaimađa na.

<sup>14</sup>Aru nãcavu ñmũva cñinãpũrũpe paimil baju barejãimađa na. Jesús arejameđa ñi bueimarare:

—Dobaicójejera muja ina pōevare yajuboa teni, cainimea teni, cincuenta paivu curiyajuboa, arejameđa Jesús.

<sup>15</sup>Ñi aye báquapedeca ďarejaimađa na. Que teni dobaicójenejaimađa náre. <sup>16</sup>Aru die pãuboa cñinãpũrũpe paiboa aru moa pũcarãre jēni, cavarõi jáñũ, torojuede jídejameđa Jñmenijicure. Torojuede jini bũojarĩ, pãuboare aru

moare máre cotavari jebeni, pöevare jícöjenezameda Jesús ùi bueimarare.

<sup>17</sup>Aru caivu ãri yapidejaimada na. Ñri bubarĩburu yóboi, iye cotuvaiye báque páu aru moa máre pöeva ne ãri oabede ìni, meadarĩ, puebua doce paibuare, judíoiva ne puebuare, buivárejaimada ùi bueimara cojedeca.

**Pedro ùi “Cristobu mu” aino**

(Mt 14.1-2, 16.13-19; Mr 6.14-15, 8.27-29; Lc 9.7-8; Jn 6.68-69)

<sup>18</sup>Jesús coyuva barejámeda Jümenijicure cüinácuva. Aru ùi bueimara curejaimada úque. Dinumure jëniari járejameda náre yópe:

—¿Aipe aidi pöeva yure? ¿“Yécubebu”, aidi na? arejameda Jesús.

<sup>19</sup>Arejaimada úre:

—Apevu adama, “Juan Bautistabe”. Aru apevu adama, “Elíabe”. Aru apevu adama, “Cüinácu Jümenijicui yávaiyede coyucaipöescu bácu nacajañu mácube”, adama mure, arejaimada na.

<sup>20</sup>Aru Jesús jëniari járejameda náre:

—¿Übenita aipe aivurü muja yure? arejameda Jesús.

Pedro ju arejameda úre:

—Mu Jümenijicui daroimu mácbu. Ñujare jabotecuyumu mu, arejameda Pedro Jesúre.

**Jesús ùi coyuino ùi yaiquínore**

(Mt 10.38-39, 16.20-28; Mr 8.30-9.1; Lc 14.27, 17.33; Jn 12.24-25)

<sup>21</sup>Übenita ùi borore apevure coyuicöjemenezameda náre, yópe arĩ:

<sup>22</sup>—Jaovu yure, Jümenijicui daroimu mácure ùmure, urarõ ùi ñáiquino. Ina judíoiva bucüva, aru sacerdotevare jaboteipöeva, aru Jümenijicui yávaiye báquede bueipöeva máre yure boarĩ jaravarájarama. Aru yóbecurijárvua yóboi nacajacuyumu yu yainore jaravari, arejameda Jesús.

<sup>23</sup>Aru caivure arejameda Jesús:

—Ácu pöescu daiyucu yúque, dajocajacurĩ pöeva ne mearo jáiyede úre, cuyebejacurĩ yure yóvayede, aru jidubejacurĩ ùi ñáiquiyede. Nópe ðabecu

baru, ù buojabebi jícu bacuyú. <sup>24</sup>Ñai pöescu ùi baju uröpe ðarĩ, meadaiyucu baru ùi bajure, coatecuyume ùi bajure Jümenijicure jaravari, yópe yaiyú bácupe ùi ùmei. Übenita ñai pöescu, “Ye baju ámevu, ji yaidú Cristore boje” ayu, ùi baju uröpe ðabecuva quénora ji uröpe ðarĩ, úrecabe ji meadaquimu, cscuyu Jümenijicucque cainüma. <sup>25</sup>Ñai pöescu cuvacu baru caiye ijárvuquede, übenita bíjayu baru ùi ùmene, ñáicuyume cainüma toabo cüiméboi. <sup>26</sup>Aru ñai pöescu cuyedu yure aru ji yávaiyede máre, yu, Jümenijicui daroimu mácu ùmure, máre cuyeni dápiacuyumu úre ji jáðovayede ji mearore, aru jipacu meacu baju ùi mearore, aru ina ángeleva meara ne mearore máre, ji daquijárvu baquinói. <sup>27</sup>Jáve coyuuvu mujare: Apevu curivu yui, ne yainájiye jipocai járajarama Jümenijicui jaboteino curöre, ji jaboteiyede pöevare, arejameda Jesús.

**Jesús ùi baju oatuvaino**

(Mt 3.17, 12.18, 17.1-8; Mr 1.11, 9.2-8; Lc 3.22; 2 P 1.17-18)

<sup>28</sup>Ocho paijárvua yóboi, Jesús núvarejameda Pedrore, Jüare, aru Santiagore máre, jëniarajivu Jümenijicucque cüracüi. <sup>29</sup>Üi jëniayedecca, ùi jiva oatavarejavüya. Aru ùi cuitótecaje boricaje pöerejavüya. <sup>30</sup>Pucarã ùmüva járorejaimada, boroteivu úque. Na marejáimada Moisés aru Elías. <sup>31</sup>Caino ne curõ miadári jajavu tedejavüya. Borotedejaimada Jesús ùi copaiquínore ijárvure jocarĩ aru úre vaiquínore máre Jerusalén ámicurĩmaroi. <sup>32</sup>Pedro aru úcavu máre vüocurivüvacari, cãmenezaimada. Quénora apurivu járejaimada Jesús meacu bajure aru náre máre, ina pucarã ùmüva curivure úque. <sup>33</sup>Moisés aru Elías ne dajocaiyede Jesúre, Pedro arejameda:

—Mu, bueipöescu, mearotamu ñuje curu yui. Que baru ðarájivubu ñuja yóbecurĩnamia cüramia quíjĩnamia maquiyéde, cüinádami maquinóre míñami, aru apedãmi maquinóre

Moiséde, aru apedāmi maquinóre Elíare, arejamedá Pedro.

<sup>34</sup> Ëbenita majibedejamedá ùi que ainore. Ëi coyuiyede, ocopenibo ěmeni taorejavūya náre. Que baru jidurejaimada pare. <sup>35</sup> Aru ocopenibo taoiyede náre, jápiarejaimada apeno yávainore ocopeniboi etaiyede: “Naime jímacu, ji beoimu. Que baru jápiajará úre”, arejamedá Jūmenijicu.

<sup>36</sup> Aru yávarīburu yóboi, járejaimada Jesúre cūinácūva. Ëbenita ne jáino mácaróre bi arī coyubedejaimada apēvu pōevare.

**Jesús ùi meadaino juedocure abujucu ùi imamure**

(Mt 17.14-21; Mr 9.14-29)

<sup>37</sup> Cōmiájāravu, ěmeivu bācavu dicū cūracūre jocarī, obedivu pōeva copu nurejaimada Jesúre. <sup>38</sup> Aru cūinácū pōecu pōeyajubo jēneboi, yópe arī, cođoboborejamedá:

—Mu, bueipōecu, jēniaivu mure. Jájacu jímacure, cūinácūra ji cuvamure. <sup>39</sup> Abujucu cainumua bidióvarī ture dāvabi úre joborōi. Úre nájine darī, cođobobore dāvabi. Aburi etavavu úre. Aru ñai abujucu dajocaiyubevabi úre. <sup>40</sup> Yu jēniaridivu mi bueimarare, ne jaetovarājiyēpe ayu ñai abujucure. Ëbenita ñaine jaetovarī majibema na, arejamedá Jesúre.

<sup>41</sup> Jesús arejamedá:

—Muja, jjaravucavu, Jūmenijicure ju abēvu aru āmeina teivu máre, ¿aipjāravua cuquidi yu mujaque? ¿Aru aipjāravua ñájiquidi yu mujaque, muje ju arājiyēpe ayu ji coyuiyede? Davajacu mímacure ji yebai, arejamedá Jesús.

<sup>42</sup> Aru ñai juedocu ùi eaiyede Jesús yebai, ñai abujucu bidióvarī ture ðarejamedá úre. Ëbenita Jesús jararī abujucure, jaetovarejamedá úre ñai juedocure jocarī. Que darī meadarejamedá úre. Aru jacopaiyovarejamedá jīpacure. <sup>43</sup> Aru caivu cuicumarejaimada Jūmenijicu ùi urarō paruéde.

**Jesús ùi coyūino cojedeca ùi yaiquínore**

(Mt 17.22-23; Mr 9.30-32)

Pōeva ne urarō dāpiaiyede caiye ùi ðaiye báquede, Jesús arejamedá ùi bueimarare:

<sup>44</sup> —Me jápiajará caiye iye ji coyūquiyede mujare. Arumetebejarā. Yure, Jūmenijicui daroimu mácure ũmure, jēni jínajivubu ji mauvare, Jesús arejamedá náre.

<sup>45</sup> Jūmenijicu jápiarī eaicōjemenejamedá náre iye Jesús ùi coyuiyede. Que baru jápiarī coreóvabedejaimada. Aru jidurivu jēniari jáiyubedejaimada úre iye ùi coyūino mácaróre náre.

**¿Ñamema parucu maje jēnebore?**

(Mt 10.40, 18.1-5; Mr 9.33-37;

Lc 10.16, 22.24; Jn 13.20)

<sup>46</sup> Jesúi bueimara jararī bārejaimada ne bajumia ñamene parucure ne jēneboi apēvu pūeno. <sup>47-48</sup> Ëbenita Jesús coreóvayu bācu ne dāpiaiyede ne ũmei, jēnejamedá cūinácū juedocure. Aru úre núvari ùi yebai, arejamedá náre:

—Cūinácū pōecu copu etayu baru ñai juedocure ji āmiái, ji cōjeiyēpe, que ðayu popedeca copu etaibi yure. Aru ñai copu etayu baru yure, copu etaibi ñai yure daroyure máre. Que baru ñai mujacacu parubecu caivu pūeno, ñai cadateiyucu apēvure, úrecabe jáve parucu Jūmenijicui jáinore. Pōeva parurivubu, cadateivu baru apēvure Jūmenijicui jáinore. Ëbenita ina jaboteiyurivu apēvure, aru ðaicōjeiyurivu náre máre, parubevubu Jūmenijicui jáinore, arī buedejamedá Jesús.

**Majare jarabecu, majacacube**

(Mr 9.38-40)

<sup>49</sup> Juan arejamedá Jesúre:

—Mu, bueipōecu, jácarā ñuja cūinácū ũmu abujuvare jaetovayure mi āmiái, mi paruéque. Ëbenita ñujaque ùi cube boje, “Ðabejacu” acarā ñuja úre, arejamedá Juan.

<sup>50</sup> Ëbenita Jesús arejamedá:

—Ácu pōecu maucuvabecu baru majare, majacacube ũ. Que baru úre nópe aiye jaubeteavū mujare, arejamedá náre Jesús.

**Jesús Santiagore aru Jūare máre ùi jaraino**

<sup>51</sup> Joabējino marejávūya ùi muri nuquijāravu baquinó cavarō mearo



Jūmenijicui cūrōita. Que baru Jesús, paruéque dápiarī, búrejameđa ũi nuiyede Jerusalén āmicurīīmaroi.

<sup>52</sup>Ūi jipocai jarorejameđa ũre boro nūvacaipōevare. Aru ina nuri ecorejaimađa Samaria āmicurijoborōcaīmaroi. Noi Jesús ũi eaquinore meadarānūridurejaimađa na. <sup>53</sup>Ūbenita ina Samariacavū copu etaiyūbedejaimađa Jesúre, ũi nuiye boje Jerusalén āmicurīīmaroita, ne ũbe boje diīmarocavūre. <sup>54</sup>Ūi bueimara pucarā, Santiago aru Juan, diede jāiva bācavū, jēniari jārejaimađa Jesúre:

—Mū, ũje jabocū, ċjōđaicōjenajidi ũja toabore cavarō mearo Jūmenijicui cūrōquede, ne énajiyepē aivū? arejaimađa na.

<sup>55</sup>Ūbenita Jesús copedini jararejameđa náre. <sup>56</sup>Aru nūrejaimađa apeno īmaroi.

#### Apevu Jesúque ne nuiyurīduino

(Mt 8.19-22)

<sup>57</sup>Jesúja mái nuiyede, cūinācu ũmū arejameđa Jesúre:

—Máque nūquijivū yū caino mi nūnoita, arejameđa.

<sup>58</sup>Aru Jesús arejameđa ũre:

—Macayavimiva cuvama ne cobeá.

Aru mījina cuvama ne juaiboa. Ūbenita yū, Jūmenijicui daroimū mácu ũmūpe, ji cūrō cuvabevū, arejameđa Jesús.

<sup>59</sup>Aru apēcure arejameđa:

—Dajacu yúque, arejameđa.

Ūbenita arejameđa Jesúre:

—Mū, ji jabocū, mamarūmure jarūvaquijivū cāreja jipacure cūracobei, ũi yaiyede, arejameđa.

<sup>60</sup>Ūbenita Jesúcapūravū arejameđa:

—Ina yaivū bācavūpe paivū, ne jāpiabe boje Jūmenijicui jaboteinoque yāvaiyede, jarūvajarārī ina yaivū bācavūre. Ūbenita mūcapūravū coyūcunūjacū Jūmenijicui jaboteinoque yāvaiyede, arejameđa Jesús.

<sup>61</sup>Aru apēcū máre arejameđa Jesúre:

—Mū, ji jabocū, máque nūquijivū yū. Ūbenita mamarūmure, “Nūñumu” aicōjejacū yūre ji cūramicavūre, arejameđa.

<sup>62</sup>Jesúcapūravū arejameđa ũre:

—Pōecu đaiyūcu baru ji ũrōre aru ũi baju ũrōre máre, buojabebi memecayū yūre. Pōeva ũpe paivūre Jūmenijicū jabotebecūbe, arī buedejameđa náre Jesús.

#### Jesús ũi bueicōjeni jaroino setenta y dos paivūre

(Mt 9.37-38, 10.7-16, 11.24; Mr 6.8-11;

Lc 9.3-5; Hch 13.51; 1 Co 9.14; 1 Ti 5.18)

**10** <sup>1</sup>No yóboi Jesús beorejameđa apēvure setenta y dos paivūre. Náre jarorejameđa ũi jipocai pucarā matuiyeda cainoa īmaroai ũi nūquinoai.

<sup>2</sup>Aru jaroyū, arejameđa náre:

—Obedivū pōeva cūrivū, Jūmenijicui yāvaiye méne majibema na cāreja, mūje buenajimara iye yāvaiye méne, Jūmenijicui meadarājīyepē aivū náre, ne jū aiyede diede. Ūbenita obebevūbu memecaivū Jūmenijicūre. Que baru jēniajara ũre, ũi daroquiyepē aivū apēvu buenajivūre ina pōevare. <sup>3</sup>Nuri jājara mūja. Jaroiñvū mūjare ijāravūcavū jēneboi yópe ovejavai nuiyepē āimara jījecurivū jēneboi. <sup>4</sup>Nūvamejara mūja tātūrare, curubūare, aru cūraidoare máre. Borotede nūmejara mūje mái copūimaraque. <sup>5</sup>Āri mūja ecoivū cūinādami cūramine, mamarūmū ajarā yópe: “Īñamicavū, mearo cūjarā mūja”.

<sup>6</sup>Aru diñamicavū mearoque ne cūru, nópe ajarā náre. Ūbenita mearoque ne cūbedu, “Mearo cūjarā mūja”, abejarā náre. <sup>7</sup>Cūjarā cūinādāmima. Que teni āri aru ũcuri tejarā ne jīyede mūjare, mūje náre cadateiye boje. Mūja memecaivūpebu. Aru memecaipōēcūre bojedaiye jaivū ũi memeinore. Ūbenita nūmejara cūramia coapa.

<sup>8</sup>Ecoivū baru mūja īmaroi, aru ina īmarocavū ne copū etaru mūjare me, ājara apējīene ne jīyede mūjare. <sup>9</sup>Meadajarā ijimarare. Aru coyūjarā náre yópe: “Jūmenijicū jabotecūyūme pōevare maumejiena”. <sup>10</sup>Ūbenita ecoivū baru mūja īmaroi, ne copū etabenoī mūjare diīmarocavū pōeva, cuimai nuri, ajarā yópe: <sup>11</sup>“Mūje jobore ũjare

jēiyede ñaje cuboba cāchinoi pūpeivubu ñaja, mʉje copu etabe boje aru mʉje jápiabe boje ñujare. Ubenita majijarā iyede: Jūmenijicu jabotecuyume pōevare maumejiena”, ajarā. <sup>12</sup>Couyubu mʉjare: Ina Sodomacavu bācavu pare āmeina tedejaimada. Ubenita diīmarocavu, mʉjare copu etabevu bācavu, ñájinajarama ina Sodomacavu bācavu pueno baju Jūmenijicui ñájiovaquijāravu baquinóre pōevare, ne āmeina teiye boje, arī budejamedá náre Jesús.

**Apeīmaroacavu ne ju abeno  
Jūmenijicure**

(Mt 10.40, 11.20-24; Mr 9.37; Lc 9.48; Jn 13.20)

<sup>13</sup> Jesús arejamedá cojedeca:

—iMʉja, judíova, Corazícavu, āmeno ñájinajaramu mʉja! iMʉja, judíova, Betsaidacavu máre, āmeno ñájinajaramu mʉja! Pōecu ũi đaru pōeva ne đarī majibede yópe ji đaiyepe mʉje jáiyede Tirocavu aru Sidócavu máre ne jáiyede, jave chíori ne āmeina teiyede, oatvajebe ne đaiyede. <sup>14</sup>Ubenita mʉja ñájinajaramu Tirocavu aru Sidócavu pueno baju, Jūmenijicui ñájiovaquijāravu baquinóre pōevare, ne āmeina teiye boje. <sup>15</sup>Aru mʉja, judíova, Capernaucavu, jāve ñumenajaramu mʉja cavarō mearo Jūmenijicui curōi. Quénora mʉja ñurajaramu toabo cūiméboi, arejamedá Jesús.

<sup>16</sup> Jesús arejamedá ũi bueimarare cojedeca:

—Ñai pōecu jápiayu baru mʉjare, jápiaibi yure máre. Ñai pōecu ubecu baru mʉjare, ubebi yure máre. Aru ñai pōecu ubecu baru yure, ubebi ñai yure daroyu bācu, Jūmenijicure máre, arejamedá Jesús.

**Setenta y dos paivu ne copaini daino**

<sup>17</sup> Ina setenta y dos paivu, Jesúi jaroimara mácavu, copaidejaimada torojurivu Jesús yebai. Aru yópe arejaimada ũre:

—iMu, ñuje jabocu, abujuva máre ju ama ñuje cōjeiyede náre mi āmiái, mi paruéque! arejaimada na.

<sup>18</sup> Aru Jesús arejamedá náre:

—Jávu yu ñai abujuvai jabocure, ũi āmiái Satanás, tʉyure cavarōre jocarī yópe yaroino tuiyepe. <sup>19</sup>Mʉjare parure đavuvu yu, mʉje járu ádavare aru murivare máre, mʉje curarājiiyepe ayu náre. Aru mʉja parurivutamu ñai mʉje maucu, abujucu pueno. Que baru āmeno đabenama mʉjare áđava aru muriva máre. <sup>20</sup>Ubenita mʉja, torojurivu ina abujuva ne ju aiye boje mʉjare, pueno baju torojujarā mʉje āmiái toivaino cue boje cavarō mearo Jūmenijicui curōi. Que baru mʉja cvarājaramu jaravu cūiméjaravu baquinóre, arejamedá náre Jesús.

**Jesús torojucu**

(Mt 11.25-27, 13.16-17; Jn 3.35, 10.15)

<sup>21</sup> Dinʉmʉmiareca Jesús, torojurī ũi ũime Espírиту Santoi paruéque, yópe arī, cuyurejamedá Jūmenijicure:

—Mu, jipacu, cavarō mearocacu aru ijāravu jabocu máre, mearore jívʉ mʉre, mi jádovame boje caiye iye ji cuyuiyede ina majidivure, aru mi jáđovaiye boje caiye iyede ina majibevure. Mu, jipacu, jívʉ mʉre mearore mi nópe đaiye boje, arejamedá Jesús.

<sup>22</sup> Jūmenijicure cuyurī buojarī, Jesús arejamedá ina ũque curivure:

—Jipacu Jūmenijicu jibi yure caiye ji majiéde aru caiye ji paruéde máre. Ñame majibema yure. Quénora majibi jipacu. Ñame majibema jipacure. Quénora majivu yu, aru na máre ina ji cuyimara, arejamedá Jesús.

<sup>23</sup> Dinʉmʉ apevure dajocarī, Jesús arejamedá ũi bueimarare:

—iTorojuma ina pōeva jáivu caiye iye mʉje jáiyede! <sup>24</sup>Couyubu mʉjare: Obedivu Jūmenijicui yávaiyede cuyucaipōeva aru jabova máre jáiyurīduquemavu caiye iye mʉje jáiyede. Ubenita jámetequemavu. Aru jápiaiyurīduquemavu mʉje jápiaiyede. Ubenita jápiabetequemavu, arejamedá Jesús.

**“Samaricacure” jári dápiarī ne  
đarājiiyepe aino**

(Mt 22.35-40; Mr 12.28-34)

<sup>25</sup> Cūinácʉ pōecu, Jūmenijicui đaicōjeiyede majicu, Jesúi majiéde

majiyucu, nasajari, jēniari járejamedá úre:

—Mú, bueipōesu, ¿aipe ñaquidi yu, cūvacuyú járavu cūiméjāravu baquinóre? arejamedá ũ Jesúre.

<sup>26</sup>Jesús arejamedá úre:

—¿Aipe Jūmenijicu toivaicōjēnejaquemari ũi ñaicōjeiyede Moisés bácuere javede? ¿Aipe majicurū iye mi bueiyede? arejamedá Jesús.

<sup>27</sup>Ju ayu arejamedá úre:

—Ujacu mi jabocu Jūmenijicure caino mi úmeduque, caino mi úmeque, caino mi baju parúeque, aru caino mi majiéque máre. Aru ujacu mícuere yópe mi uepe mi baju, arejamedá Jesúre.

<sup>28</sup>Que teni Jesús arejamedá úre:

—Meavu mi ju aino. Ñajacu yópe mi coyūinope, cūvacuyú járavu cūiméjāravu baquinóre, arejamedá Jesús.

<sup>29</sup>Ubenita ñai ũmu, apévure ne me járajíyēpe ayu úre, jēniari járejamedá Jesúre:

—¿Namema ñai jícu? arejamedá ũ.

<sup>30</sup>Jesús ju ayu, arejamedá úre:

—Cūinácu ũmu ēmeni nuquemavu Jerusalén āmicuríimmarore jocarí, nuñu Jericó āmicuríimmaroi. Que teni ñavacurivu jēquemavu úre, tatorājívū ũi cūvaede. Íquemavu ũi cuitótecajede aru caiye ũi apejīene máre. Aru jara popequemavu úre. Pare churiá ñaquemavu. Que teni ñajocquemavu úre, “¿Yaiyú bārīca?” arí ñápiavū. <sup>31</sup>Nópe teniburu yóboi, cūinácu sacerdote ēmeni nuquemavu dimamica. Aru jáquemavu ñai parayūre joborōi, ma ēcarui. Ubenita úre jári, vaiquémavu. <sup>32</sup>Nopedeca cūinácu Jūmenijicui cūramine memepōesu, levita āmicuríyabocacu, eaquemavu joabenoí ñai parayū yebai. Ubenita úre jári, vaiquémavu.

<sup>33</sup>No yóboi, cūinácu apenocacu, Samaria āmicuríjoborōcacu, nuñu dimamica, eaquemavu ñai parayū yebai. Aru cōmaje āroje jáquemavu úre. <sup>34</sup>Ūi yebai nuri, ũi churiáre yuaquemavu olivo āmicurícu jēidna córore aru vino úyaicorore máre. Aru cuitótecajecávaque

būorí juoquemavu úre. Que teni nacovari ñoquemavu ũi tubamura. Aru nuvaquemavu úre cuipōeva ne cāñami, meadacuyú úre. <sup>35</sup>Cōmiáijāravu jíquemavu tātutratūravare ñai cāñami upacure, bojedacuyú ũi meadaquiyede ñai tatoimū mácuere. Aru aquemavu úre: “Meadajacu ñai ũmure me. Que teni ji copainumuta bojedaquijívū mure caiye mi jíye báquede úre”, aquemavu ñai Samariacacu, arejamedá Jesús.

<sup>36</sup>Coyurí bujarí, ñai majicure Jūmenijicui ñaicōjeiyede ũi coyūiye báquede Moisés bácuere jēniari járejamedá Jesús:

—¿Ácu pōesu ina yóbecurā ũmūvacacu batequémari cadateyū ñai ũmure, ñavacurivu ne tatoimū mácuere? arejamedá Jesús.

<sup>37</sup>Ū ju ayu arejamedá Jesúre:

—Ñai cōmaje āroje jári, cadateyū bácube úre, arejamedá.

Jesús arejamedá úre:

—Caride nuri ñajacu ũi ñaiye báquepe. Cōmaje āroje jári, cadatejacu mu apévure, arejamedá Jesús.

**Jesús ũi jácūnūino Marta aru María yebai**  
(Jn 11.1)

<sup>38</sup>Jesús nūrejamedá mái ũi bueimaraque. Aru ímajinoi ecoiyede, cūinácu nomió, ōi āmiá Marta, copū etarejacoda Jesúre ōi cūrami. <sup>39</sup>Martai yóco máre cūrejacoda, ōi āmiá María. Ico dobaco Jesúi cuboba yebai, nópe ina judíovai ñari cōmajíyēpe ne buenajíyēpe aivu, jápiado barejácoda ũi bueiyede. <sup>40</sup>Ubenita Marta pare cārijinejacoda, ōi āiyede memeiye boje. Que baru Jesús yebai nuri, arejacoda úre:

—Mú, ji jabocu, ¿ye baju āmeni jíyocoi ñajocaino yūre, cūinácova memeiñu yu? Cadateicōjejacu ōre yūre, arejacoda ō Jesúre.

<sup>41</sup>Ubenita Jesús arejamedá ōre:

—Mú, Marta, cārijívū mu caijīe apejīe boje. <sup>42</sup>Ubenita cūinárora jañu mure. Yópe María ōi ñaiyēpe paino mearotamu. Ōi jápiayē ji bueiyede mearotamu. Que

baru pōecu cubebi ícuyū ōi ðaiyurōre, arejameða Jesús.

**Jesús ũi bueino Jūmenijicuque jēniainore**

(Mt 6.9-15, 7.7-11; Jn 14.13-14, 15.7, 16.23-24; 1 Jn 3.21-22, 5.14-15)

**11** <sup>1</sup> Cūinájāravu Jesús jēniañu marejámeða jípacu Jūmenijicuque. Aru ũi jēniariburu yóboi, cūinácu ũi bueimaracacu arejameða ũre: —Juan Bautista bácu Jūmenijicuque jēniainore buequemavu ũi bueimarare. Que baru mu máre buejacu ñujare Jūmenijicuque jēniainore, arejaimada na.

<sup>2</sup> Aru Jesús arejameða náre:

Muja jēniaivu Jūmenijicuque yópe ajarā: “Mu, ñujepacu, meacu bajubu mu. Que baru caivu pōeva mure pueðarí mearore jíjarāri. Búre ðajacu mu mi jabotequiyede pōevare. <sup>3</sup> Jíjacu ñujare jāravua coapa ñuje āiyeva.

<sup>4</sup> Aru ārumetejacu ñuje āmeina teiyede yópe ñuja máre ñuje ārumeteiyepre caiye apevu ne āmeina ðaiyede ñujaque. Ñai abujuvai jabocui jujovajuroede ñujare vainí tuicōjemejacu ñujare, ñuje ðabenajiyepre āmenore”, arejameða náre Jesús.

<sup>5-7</sup> Aru Jesús coyurejameða náre yópe:

—Pōecu ũi nuru cūinácu ũi yóvaimu yebai, acuyū ũre yópe: “Yúcacu, jíjacu yure yóbecuriboa páboare. Apecu ji yóvaimu edaibi ji cūrami cuyū. Aru āiye cubevu yure. Que baru jíquiye ũre eabevu yu” ayure, ñai ũi yóvaimu, ũi cūrami cucu, ju abejebu ũre yópe: “Cārijovamejacu yure. Jave bievu yu ji cūramine. Aru jímara jave cáivutamu. Que baru mure nacajari jíyu buojabevu yu”. ũi yóvaimu abejebu ũre yópe.

<sup>8</sup> Coyuyubu mujare: ũi yóvaiye boje jíbecube ũre. Quénora ũi cārijovaiye boje, nacajari jícyume caiye iye jauéde ũre. <sup>9</sup> Que baru coyuyubu mujare: Jēniare ñujara Jūmenijicure, aru jícyume muje jēniainore ũre. Vore ñujara ũre, aru earājaramu. Aru muje

órejare nuiyede jedevacobei, Jūmenijicu voacacuyume mujare. <sup>10</sup> Que baru caivu jēniaivu Jūmenijicure cuvama ne jēniainore. Aru caivu voivu eadama ne voimure. Aru caivu órejaivure jedevacobei voaibi, arejameða Jesús, náre bueyu.

<sup>11</sup> Cojedeca Jesús, yópe arí, buedejameða náre:

—Muja juedocuvavivu, ímujemacu ũi jēniaru mujare páubore, jíje bárica muja ũre cūrabore? Í Aru mujemacu ũi jēniaru mujare moacure, jíje bárica muja ũre áðare? <sup>12</sup> Í Aru mujemacu ũi jēniaru mujare jíðure, jíje bárica muja ũre murine? Nópe ðabenamu muja. <sup>13</sup> Que baru muja āmena méne cuvede jíni majiépedeca mujemarare, majepacu Jūmenijicu cavarō mearocacu pueno méne cavaede jíni majibi muja jēniaivure ũque. Ũvacari darocuyume ñai Espiritu Santore caivu jēniaivure ũre, arejameða Jesús.

**“Abujuvai jabocui paruéde cuvabi ũ” arí, ne boro coyurí adaríduino Jesúre**  
(Mt 9.34, 10.25, 12.22-30, 38, 16.1; Mr 3.20-27; 8.11, 9.40)

<sup>14</sup> Dinumure Jesús jaetovayu barejámeða abujucu yávabecure cūinácu ũmure jocarí. Aru ñai abujucu ũi etaríburu yóboi, ñai ũmu yávabecu bácu yávarejameða. Que baru ina pōeva jáivu bācavu, pare dápiaivu, cuecumarejaimada. <sup>15</sup> ũbenita apevu ina pōevacavu arejaimada:

—Beelzebú, abujuvai jabocu, ímamume ũ. Que baru ũi paruéque jaruvaibi abujuvare, boro coyurí adarídujarejaimada Jesúre.

<sup>16</sup> Aru apevu jujovaiyuvivu barejámada ũre, ne majinajiyepre aivu jáve ũi ðaru ũi ðaiyede Jūmenijicui paruéque. Que baru jēniarejaimada ũi jáðovaiyepre aivu pōeva ne ðarí majibenore. <sup>17</sup> ũbenita Jesús coreóvayu ne dápiayede, “Beelzebú ũi ímamú” aivure, arejameða náre:

—Cūináro jaborócvu ádamateivu baru ne bajumia, ina jaborócvu cūinájarama

na. Nopedeca cūinádami cūramicavũ ádamateivũ baru ne bajumia, diñamicavũ cūinájarama na. <sup>18</sup>Nopedeca bájebu ñai abujuvai jabocu, jaetovayũ baru abujuvai jabocure. Ádamateyũ bájebu ñi bajuma. Aru jaetovayũ baru abujuvare, joe parucu cubejebu ñi. “Abujuvai jabocui paruéque jaetovaibi abujuvare”, mñje aye boje yũre, yópe coyũyũbu mñjare: <sup>19</sup>¿Ji jaetovaru abujuvare abujuvai jabocui paruéque, ñamei paruéque jaetovaidi mñjacavũ abujuvare? Que baru mñjacavũ abujuvare jaetovaivũ jáđovadama mñjare mñje borocuede yũre ũbenina. <sup>20</sup>Ūbenita Jũmenijicui paruéque jaetovayũbu yũ abujuvare. Que baru jáđovaiyũ yũ Jũmenijicu jaboteyũre mñjare, arejamedã Jesús.

<sup>21</sup>Dinũmure Jesús coyũrejamedã náre yo jári dápiarĩ ne đarãjiyere ainore, ne majinajiyere ayũ parucure abujuvai jabocu pũeno.

—Ūmũ parucu jári coreyũ ñi cūramine ñi boaiyeque, me meadaquemavũ ñi cũvaede.

<sup>22</sup>Ūbenita apesu ñi pũeno parucu earĩ, boarĩ tatoquemavũ ũre. Ūi boaiyede, aru ñi cũvaede nũvari, coavaquemavũ diede apevũ ñi yóvaimaraque. <sup>23</sup>Que baru ñai yóvabecu maucũvaibi yũre. Aru ñai apevũre yóvare đabebi yũre, náre maucũvare đaiibi yũre, arĩ buedejamedã Jesús.

#### **Jesús ñi coyũino abujucui copaino**

(Mt 12.43-45)

<sup>24</sup>Bedióva cojedeca Jesús buedejamedã náre:

—Abujucu etayũ bácu ũmure jocarĩ, voibi ñi jabũóvaino penenoi. Ūbenita jabũóvaino eabecu baru, copaiyũbi ñai ũmũ, ñi etaimũ márcurecata. <sup>25</sup>Aru copaini nũñũ, eaibi ñai ũmũ meacure, yópe cūrami oeni meadaiñamipe páyũre. <sup>26</sup>Que baru apevũ siete paivũ abujuva ñi pũeno ámenare vorĩ earĩ, nũvaimi ũque. Aru ina đaicõjeivũ ñai ũmure, ámedadama ũre pũeno baju, arĩ buedejamedã Jesús.

#### **Jesús ñi coyũino torojuede**

<sup>27</sup>Jesús ñi yávaiyedeca, cūináco nomió ina obedivũ põeva jũneboi codoborĩ arejacoda ũre:

—Mũre jũedocũvaco báco, aru mũre bucũóvado báco mearo torojũjacorĩ õ, arejacoda õ.

<sup>28</sup>Ūbenita Jesús arejamedã óre:

—Ūi pũeno torojũrãjarama ina põeva Jũmenijicui yávaiyede jũ arĩ, đaiivũ yópe die coyũinope, arejamedã Jesús.

#### **Põeva ne đarĩ majibenore Jesúre đaicõjeniduino**

(Mt 12.38-42, 16.4; Mr 8.12)

<sup>29</sup>Obedivũ põeva ne cójjiyede Jesús yebai, yávarĩ búrejamedã náre:

—Ijáravũcavũ ámena jáiyũrĩduyama põeva ne đarĩ majibenore. Ūbenita jámenama apenore Jũmenijicui đainore náre, quénora yo Jonás márcure vaino mácarõre. <sup>30</sup>Yópe Jũmenijicu ñi jaroie báquepe Jonás márcure, ñi coyũcaquiyepe ayũ ñi yávaiyede nócavũ, Nínive ámicũrĩmarocavũ bácvũre, nopedeca Jũmenijicu darorejame yũre, ñi daroimũ márcure ũmure, ji coyũcaquiyepe ayũ ñi yávaiyede ijáravũcavũre. Aru yópe Jonás márcui cue báquepe moacu uracui yariyũ jĩvũ yóbecurijáravũ aru yóbecurĩnamia máre, nopedeca yũ, Jũmenijicui daroimũ márcu ũmure, cũcũyũtu joborõ jĩvũ yóbecurijáravũ aru yóbecurĩnamia máre. <sup>31</sup>Jũmenijicui ñájiovaquijáravũ baquinóre põevare, ne ámeina teiye boje, ico jaboco aviá daino cãcopũravũcaco báco nacajacodome ina põeva ijáravũcavũque aru ámecorodome náre, ne yũre jũ abe boje. Ó máco darejaquemavũ joarõ joborõre jocarĩ, jápiacodo ñai Salomón márcui coyũie báquede majiéque. Ūbenita Salomón márcui majié pũeno baju bueyũbu yũ. <sup>32</sup>Aru Jũmenijicui ñájiovaquijáravũ baquinóre põevare, ne ámeina teiye boje, ina ũmũva mácvũ, Nínivecavũ bácvũ, nacajarajarama ijáravũcavũque aru ámecororãjarama náre, ne yũre jũ abe boje. Ina Nínivecavũ bácvũ chĩori ne ámeina teiye báquede oatũvarejaquemavũ, jápiaivũ bácvũ Jonás márcui coyũie báquede Jũmenijicui yávaiyede. Ūbenita

Jonás mácuí majié pueno baju bueyubu yu, arejameđa Jesús.

**Jesús ũi bueino pōeva ne đainore ne dápiai nope**

(Mt 5.15; 6.22-23; Mr 4.21; Lc 8.16)

<sup>33</sup>Cojedeca Jesús buedejameđa ina ũque curivure:

—Pōecu pēoibure pēoriburu yóboi, nómemi dibure cobe jívui aru puebu cāchinoi máre. Quénora ñoimi dibure jocuve puenora, ina ecoivu nore ne járajiyepe ayu. <sup>34</sup>Pōeva ne yacorua, pēoinope, járe đaiyu náre, ne memenajiyepa aino aru ne majinajiyepa aino ári ne nuiyede. Pōeva ne yacorua ijetedu náre o ne jáiye bíjaru náre, ye ne memeyede aru ne nuiyede máre majibenama. Aru pōeva ne ũme, yacoruafe paino, pēore đaiyu ne dápiaiyeđe. <sup>35</sup>Que baru pōecu cainumua dápiai yu baru ijárvuquede, ijetede đaiibi ũi ũmene, ũi dápiafe boje cavarō mearo Jūmenijicui curōquede. Aru ñai pōecu ũi ũmene bíjacuyume. <sup>36</sup>Que baru pōeva ne jámenu ne yacoruaque ámenotamu. Ũbenita pueno ámenotamu ne ũme ñemino maru, arí buedejameđa Jesús.

**Jesús ũi boro coyurí adaino fariseovare aru Jūmenijicui yávaiye báquede bueipōevare**

(Mt 23.1-36; Mr 12.38-40; Lc 20.45-47)

<sup>37</sup>Jesús ũi yávaríburu yóboi, cūinácu fariseovacacu “Ácudajacu” ayu, órejarejameđa ũre ũi cūrami. Que baru Jesús ecorí, dobarejameđa tuoiva yebai. <sup>38</sup>Aru ñai fariseo ámeina járejameđa ũre, ũi cojabe boje ũi ñquiye jípoai. <sup>39</sup>Aru Jesús arejameđa ũre:

—Muja fariseova joaivubu muje ũcuidoare, aru jororuafe máre puenomia, pōeva ne jáiyede. Ũbenita muja tatoiyurivubu avenu ne cvaede. Que teni ámeno baju đaiivubu muja. Mearo đaiye avenu mearotamu joare đaicōjeiye pueno. <sup>40</sup>iÁrumevu muja! Ñai Jūmenijicu cuedayu maje baju puenocarōre cuedarejaquemavu jívcarōre, maje ũmene máre. <sup>41</sup>Ũbenita

muje cvaede jívcuquede jíjárā cōmaje árojarivure. Nópe đaiyu mearo dápiai curājaramu muja. Que baru mearo baju đaiivubu muja.

<sup>42</sup>iMuja, fariseova, ámeno ñájino cvarājaramu muja! Caiye muje oteiyoca, quíjiyoca, bojecubeyoca, caipucapruape paiyocare cvarivú, cūináyocare jíyavū Jūmenijicure. Ũbenita mearo đaiivure avenu aru jecuđe Jūmenijicure máre árumevu muja. Caipucapruape paiye muje cvede jocarí, cūinárore Jūmenijicure jíye javu mujare. Ũbenita pueno baju javu mujare muje mearo đaiye avenu aru muje jecuđe Jūmenijicure máre. Que đaru me cojuquiyebu Jūmenijicure.

<sup>43</sup>iMuja, fariseova, ámeno ñájino cvarājaramu muja! Muje ue boje dobae mearoa baji judfovai cójjiñamiare aru muje ue boje pōeva ne jacoyiyede mujare táibui, ñájinajaramu muja. Ñájinajaramu muje ue boje avenu ne dápiaiyeđe mujare mearape avenu pueno.

<sup>44</sup>iÁmeno ñájino cvarājaramu muja! Yaivu bávavu ne jobocobeape paivu. Pōeva cuivubu dicobeá puenora, jámevuva. Que baru ne cuiyede jaruvaino puenora majibema na. Nopedeca pōeva cuivubu muje yóboi, ũbenita muje ũmene jámevuva. Que baru muje ámeina dápiaiyeđe majibema na, arejameđa Jesús, náre bueyu.

<sup>45</sup>Aru cūinácu pōecu, Jūmenijicui đaicōjeiyeđe majicu, arejameđa Jesúre: —Mu, bueipōecu, mi que aiyé ámecoroivu ñujare máre, arejameđa Jesúre.

<sup>46</sup>Aru Jesús arejameđa náre: —Muja, Jūmenijicui đaicōjeiyeđe majidivu máre ámeno ñájino cvarājaramu muja, muje đaicōjeiyeđe boje avenu ne đaiyu buojabede. Ũbenita mujavacari ye cadatebevu náre. Que baru muja máre ñájinajaramu.

<sup>47</sup>iÁmeno ñájino cvarājaramu muja! Muja đaiivubu meadamia cūramiare ina Jūmenijicui yávaiyeđe coyucaipōeva mácvu ne jobocobeá



báque pñenoí, pueðarājivü na mácavüre. Ûbenita mujeñecuva mácavu boarí jarüvarejaquemavu na mácavüre.

<sup>48</sup>Muje ðaiyede diñamiare, jáðovaivübu ju aivüre ne ãmeina teiye báquede, ne boarí jarüvaiye báquede Jümenijicü yávaiyede coyucaipöeva mácavüre.

<sup>49</sup>Que baru Jümenijicü üi majiéque arejaquemavu yöpe: “Jarocuyumu yüre yávaiyede coyucaipöevare aru ji yávaiye méne beorí coyuicöjeimarare máre. Apevu ina yüre yávaiyede coyucaipöevacavüre aru ina ji yávaiye méne beorí coyuicöjeimaracavüre máre ãmeina ðarí, boarí jarüvarājarama náre”, arejaquemavu Jümenijicü.

<sup>50</sup>Ne nópe ðaiye boje, Jümenijicü yaicöjecuyume ijäravucavüre ijärvüre ðarí buiyedata.

<sup>51</sup>Apecü üi boarí jarüvaiye báque boje ñai Abel bácuere, aru apevu ne boarí jarüvaiye báque boje caivü Abel bácuí yóbocavu bácavüre máre pu Zacarías bácu bajita, ñai ne boarí jarüvaimu mácu Jümenijicüi cürami táibu coricai, jáve coyuübu mujare: Ijäravucavu ñájinajarama ne boarí jarüvaiye báque boje.

<sup>52</sup>¡Muja, Jümenijicüi ðaicöjeiyede majidivü, ãmeno ñájinu cüvarājaramu muja! Jümenijicüi majiéde bueivüvacari, coyuübevübu muja apevüre, ne majibenajiyere aivü. Jáve Jümenijicüi majiéde majibevu, majidivüpe teivüvacari, apevüre máre majicöjemevübu, arí buedejameða náre Jesús.

<sup>53-54</sup>Jesús üi yávaríburu yöboi nürejameða nore jocarí. Aru no yöboi ina Jümenijicüi yávaiye báquede bueipöeva aru ina fariseova máre pare cãrijovari jëniari járejaimaða üre, boro coyuüí ðaiyürídivü üi yávaiye boje.

**Jesús üi coyuüno borocurí majiéde**

(Mt 16.6; Mr 4.22, 8.15; Lc 8.17)

**12** <sup>1</sup>Dinumu obedivü pöeva cójjivü ne baju cürarayede, Jesús, yöpe arí, coyuüí búrejameða üi bueimarare:

—Me ðajarä. Me jájara, muje ðápiabenajiyere yöpe ina fariseova ne

ðápiayere. Nácapüravu ðápiavaivübu aipe ðarí jujovarājivü apevüre. <sup>2</sup>Caiye jáðovame máque jároquiyebu. Aru dupiövaiye báquede máre majinajarama caivü pöeva. <sup>3</sup>Que baru caiye muje aipe báquede ñeminói, jápiarājarama caivü pöeva Jümenijicü coyüre ðayüre dieðe miadároi. Caiye muje jüjuvaiye báquede máre tucubua jívüi apevüre jocarí, jápiarājarama caivü pöeva Jümenijicü coyüre ðayüre dieðe ne cójjinói, arejameða Jesús.

**Jesús üi coyuüno pöeva ne**

**jidurājimüre**

(Mt 10.26-31)

<sup>4</sup>Jesús coyurejameða náre cojedeca: —Muja, ji yövaimarare, coyuübu mujare yöpe: Jidübejarä ina boarí jarüvavüre muje bajure aru apeno ðarí buojabevüre. <sup>5</sup>Ûbenita coyuquijivü mujare muje jidurājimüre: Jidüjarä Jümenijicüre, ñaine muje baju yainíburu yöboi jarüvarí buojayüre toabo cüiméboi. Jáve coyuübu mujare: ¡Jidüjarä üre! arejameða Jesús.

<sup>6</sup>Aru cojedeca Jesús arejameða náre: —Yócvü bojeðaiüvü cüinápuüpe paivü mójina quíjinare puçaturava tãtutaturava bojecubeturavaque. Aru Jümenijicüi arumetebebi caivü ina mójinare. <sup>7</sup>Jümenijicüi majibi caiye poðamea cuede muje jipobüi máre. Que baru jidübejarä. Muja bojecurivütamu caivü mójina obedivü pñeno, muje üme yaibé boje, arí buedejameða náre Jesús.

**Jesús üi coyuüno üre ju aivüre aru ju abevüre**

(Mt 10.19-20, 32-33, 12.32; Mr

3.29, 13.11; Lc 21.14-15)

<sup>8</sup>Bediöva cojedeca Jesús, yöpe arí, coyurejameða ina üque curivüre: —Coyuübu mujare: Caivü ina ju aivüre yüre pöeva ne jáiyede, yu máre, Jümenijicüi daroimu mácu ümupe, náre ju acuyumu Jümenijicüi ángeleva ne jáiyede. <sup>9</sup>Ûbenita caivü ina ju abevüre yüre pöeva ne jáiyede, yu máre náre ju abevübu Jümenijicüi ángeleva ne jáiyede.

<sup>10</sup>Caivü ina âmeina yávaivure yure, Jümenijicui daroimu mácure ümure, Jümenijicu ârumeteibi ne âmeina teiyede. Ëbenita ina âmeina yávaivure ñai Espiritu Santore, Jümenijicu ârumetebebi ne âmeina teiyede.

<sup>11</sup>Aru ne jëni nûvaiyede mujare judfovai cójijiñamia yebai, aru âmeina teivure jëniari jáipõeva jipocai, aru jabova jipocai máre, “¿Aipe coyurãjidi náre?” arí cãrijimejara muja. <sup>12</sup>Dinumu maquinómareca ñai Espiritu Santo majicacuyume mujare iye muje coyurãjiyede náre, arejameða Jesús.

**Jesús üi coyüino apejê  
uraró cuvuru jidojaröre**

<sup>13</sup>Cüinácu ina pöevacacu arejameða Jesúre:

—Mu, bueipõecu, ñujepacu yayiú bácu, üi cûvaede dajocame. Aru jimamicu ñame caiye diede. Que baru coavaicõjejacu jimamicure die üi cûvaede yáque, arejameða Jesúre.

<sup>14</sup>Ëbenita Jesús arejameða üre:

—¿Ñame yure epeði âmeina teivure jëniari jáipõecupe o coavaipõecupe mujare? arejameða Jesús.

<sup>15</sup>Aru arejameða ina obedivu pöevare:

—iMe jájara! Áujimejara muja. Põecu üi apué âmevü üi uraró cuvareque, arejameða Jesús.

<sup>16</sup>Que baru ne jápiarí earãjiyepa ayu, yópe arí, jári dápiarí ne ðarãjiyepa ainore coyurejameða Jesús:

—Cüinácu ümu cuve cuvacu uraró oteiyede iquemavu üi jiore. <sup>17</sup>Que teni dápiaquemavu üi baju: “¿Aipe ðaji yu? Caiye iye ji uraró oteiyepa epeiñami cuvabevü yu”. <sup>18</sup>Que dápiarí, üi baju yópe arí dápiaquemavu cojedeca: “Tavarí jaruvaicõjequijivu ji cûramia epeiñamiare. Aru tvarí jaruvartburu yóboi, ðaicõjequijivu apedãmia püeno uradãmiare. Aru uradãmia jívui epeiçõjequijivu caiye ji oteiyede aru caiye ji apejêne máre. <sup>19-20</sup>Aru ji baju dápiarí aquijivu yópe: “Uraró cûvaede cuvavu yu. Yure apure ðaiyede cuvavu yu obedijuaqueva. Que baru jabuóvarí,

ári, ücuri, torojave tequijivu yu dieque’, aquemavu”. Ëbenita Jümenijicu aquemavu üre: “iMu, ârumecu, cari ñamimareca yaiquijivu mu! Que teni caiye iye mi cuvave bíjaquiyebu mure”, aquemavu üre Jümenijicu. <sup>21</sup>Nopedeca vaivu üre, ñai pöecu jëñare ü jieva uraró cûvaede. Ëbenita Jümenijicui jáinoi ye cuvabebi ü, arí coyurejameða Jesús.

**Jesús üi bueino Jümenijicui coreiyede  
üi pöevare  
(Mt 6.25-34)**

<sup>22</sup>No yóboi Jesús arejameða üi bueimarare:

—Coyuyubu mujare: Cãrijimejara muja apurivu muje arajiyede, aru muje bajure, muje dorãjiyede. <sup>23</sup>Muje apuró äiye püeno bojecurótamu. Aru muje baju máre doiye püeno bojecurótamu, muje üme yaibé boje. <sup>24</sup>Jãrijide apa ina mjinare. Na otebevüreca, aru oteiyede máre imevüreca, aru ne oteiyepa epeiñamine máre cuvabevüreca, Ëbenita Jümenijicu jíbi náre ne äiyeva. Aru caivu mjinana obedivu püeno muja bojecurivutamu, Jümenijicui püeno ue boje mujare. <sup>25</sup>Aru mujacacu cãrijinü maru cüináora cure ðaiye majibebi üi cuede ijãravüi. Que baru cãrijiyepa meamevü mujare. <sup>26</sup>¿Bujarí ðabevüvacari maiyójabenore, aipe teni cãrijivurü muja muje ðaiye majibede?

<sup>27</sup>Jãrijide apa muja iye cóvure. Die bucuiyavü, mememevacari, aru ne cuitótcajeara máre naremevacari. Ëbenita coyuyubu mujare: Iye cóvua métamu, caiye icaje ñai jabocu bácu Salomón mácu cuitótcajeara bojecuricajeara püeno. <sup>28</sup>iMujá pare quijino ju aivubu Jümenijicure! Jümenijicu nópe mearo ðaibi iye córiäre, caride dáí cuede aru javenare pöeva ne juarãjiyede. Nopedeca Jümenijicu jícuyme mujare muje cuitótcajeara meacajeara caiye iye cóvua püeno. <sup>29</sup>Que baru cãrijini vobekarã muje arajiyede aru muje ücurajiyede máre. <sup>30</sup>Ina Jümenijicure ju abevü cãrijini vodama caiye iyede, ne arajiyede,

aru ne ũcurajiyede máre. ũbenita majepacu Jūmenijicu majibi caiye iye mujare jauéde. <sup>31</sup>ũbenita vojarā mūja Jūmenijicui jaboteinoquede, mūje ðaiyue boje mearore yópe ũi ðaicōjeiyere. Aru Jūmenijicu jícuyume mūje ārajiyede, mūje ũcurajiyede, aru cuitótecajeare máre, arī buedejamedā náre Jesús.

**Jesús ũi bueino maje cūvarājiyede mearo bajure cavarō mearoita**  
(Mt 6.19-21)

<sup>32</sup>Cojedeca yópe arī, buedejamedā Jesús:

—Mūja, jívū, obebejinavacari jidubejarā. Majepacu Jūmenijicu, ũi me boje, epecuyume mujare jabovava ũi jaboteinumure. <sup>33</sup>Jīni bojedajarā mūje cūvaede aru tāuturare ĩniburū, jījarā cūve cūvabevure. Que teni cūvarājaramu cainmua mūje cūvae me cūiméne cavarō mearo Jūmenijicui cūrōi, ñavaipōeva ne ĩmenoi aru bocomiva ne āmenoi. <sup>34</sup>Que baru mūje cūvae cūrōre dāpiarājaramu mūje ũmeque máre, arejamedā Jesús.

**Jesúre meateni coreino**  
(Mt 24.43-44, 25.1-13; Mr 13.34-36)

<sup>35</sup>Jesús, yópe arī, buedejamedā ina ũique curivure:

—Meatejarā mūja yópe pōeva ne memenajiye jipocamia ne meateiyere. Buojarā mūje jārióicāvare aru pōojara mūje pōoibure. <sup>36</sup>Ðajarā yópe ina memecaiipōeva ne ðaiyere coreivū ne jabocure, voarājivū maumena ũi copaiyede purubuořī torojuve teinore jocarī. <sup>37</sup>Ñai jabocu darī earu ina ũre memecaiipōeva coreivure, torojurājarama na. Jāve coyuyubu mujare: Ñai jabocu buocuyume ũi jārióicāvare. Aru náre dobaicōjenī tūoiva yebai, jícuyume ne ārajiyeva. <sup>38</sup>Que teni ñai jabocu ũi daiyede ñami coricai o miadāe tuiyede, ina memecaiipōeva coreivū baru ũre, me torojurājarama na, ũi mearo ðacaquiye boje náre. <sup>39</sup>Me dāpijarā iyede: Ñai cūrami upacu

majibebi aipiye ñavaipōescu dacyure. Majicu baru ñavaipōescui daquiye, coreni, ecoicōjemeni, ñavaicōjemejebu ũi cūramiquede. <sup>40</sup>Yū máre, Jūmenijicui ðaroimū mácu ũmure, dacyumtu yure mūje corebenumure. Que baru meateiyere jauvū mujare máre, arejamedā Jesús.

**“Memecaiipōescu ju ayure aru memecaiipōescu ju abecure” jári dāpiarī ne ðarājiyere aino**  
(Mt 24.45-51)

<sup>41</sup>Pedro jēniari jārejamedā Jesúre:

—Mū, ñūje jabocu, ũcoyucacurū mu yo jári dāpiarī pōeva ne ðarājiyere aino mácarōre ñūjare? ũO coyucacurū yore caivure? arejamedā Jesús.

<sup>42</sup>Aru Jesús arejamedā ũre:

—Coyuquijivū mujare ũi borore ñai memecaiipōescure ju ayure ũi jabocure aru majicure máre. Ñai cūrami upacu coreicōjecuyube ñai memecaiipōescu majicure, ũi jíquiyere ayū yebacavure ne ārajiyeva caijārvua. <sup>43</sup>Ñai cūrami upacu copaini dayū, earu ũre memecaiipōescure ðayure yópe ũi cōjeinore, torojucuyube ñai memecaiipōescu, cūrami upacu ũi jíquiyere boje ũre bojedaino mearore. <sup>44</sup>Jāve coyuyubu mujare: Ñai cūrami upacu coreicōjecuyube ñai memecaiipōescure caiye ũi cūvaede. <sup>45</sup>ũbenita apescu memecaiipōescu, ñai ju abescu ũi jabocure, “Ji jabocu maume dabecube” arī, āmeina ðayū baru ũi yebacavure aru yebacarōmivare máre, urarō āri aru ũcuri pacotecuyube ũ. <sup>46</sup>Que teiyede, ũi jabocu dacyube ñai memecaiipōescu ũi corebejārvu baquinói aru ũi majibeora baquinói máre. Aru jarūvaicōjecuyube ũre noi, Jūmenijicure ju abevure ne jarūvainoi, ũi ñājiquiyere ayū.

<sup>47</sup>Que baru ñai memecaiipōescu majicureca ũi jabocui urōre, ũbenita ũi mememenu, aru ju abedu ũre, ñai jabocu pare jara popeicōjecuyube ũre. <sup>48</sup>ũbenita ñai memecaiipōescui majibedu ũi jabocui urōre, aru āmenore ðaru, majiédā jara popeicōjecuyube ũre. Ñai majicure ũi jabocui urōre ðaiye jauvū ũi

majiépe. Aru ñai pōeva ne jímu mácure uraró, jacopaiyovaiye javvu náre coapa cojedeca, arejameđa Jesús, náre bueyu.

**Jesús ũi coatede ðaino pōevare**  
(Mt 10.34-36; Mr 10.38)

<sup>49</sup>Cojedeca Jesús coyurejameđa náre: —Darejacacu yu ijárvui, Espírítu Santo ũi daquiyepa ayu ijárvucavure. Aru pare uvu yu ũi daquiyede ũi ure paruéque. <sup>50</sup>Ūbenita mamarumu uraró ñájiye jauquiyebu yure. Nájivu yu caride, aru ñájiqijiviu ji ñájiye buojaiyeta. <sup>51</sup>¿Dápiavurū muja yu dayu bácuře cārijimene ðacuyi ijárvucavure? Jáve coyuyubu mujare: Ji daiye báque boje ijárvui, pōeva coatenajarama ne baju. <sup>52</sup>Que baru cūinápurupe paivu cūinádami cūramicavu maucvarājivubu ne baju yure boje. Pucarā ádamatenajivubu apevu yóbecuráque. <sup>53</sup>Apevu nácavu ju arājivubu yure. Ūbenita apevu nácavu ju abenajivubu yure. Que baru népacu ádamatequijibi mamacuque. Aru mamacu ádamatequijibi jípacuque. Népacu ádamatecojibico mamacoque. Aru mamaco ádamatecojibico jípacuque. Mamacui márepaco ádamatecojibico ōi vácuque. Aru ōi vácore ádamatecojibico ōque, arejameđa Jesús.

**Jesús ũi coyūino meajárvure aru ámejárvure**  
(Mt 16.1-4; Mr 8.11-13)

<sup>54</sup>Jesús arejameđa ina obedivu pōevare: —Muja jáivu ocopenibo nacajainore aviá doinoi, cūiná aiyavū muja “Ocaquiyebu”. Aru nopedeca ocaiyavū no. <sup>55</sup>Aru muja jáivu ũmevu japuínore aviá daino cācopūravure jocarí, aiyavū muja “Pare bo daivu. Meajárvu daivu”. Aru nopedeca boiyavū no. <sup>56</sup>iMuja, jujovavutamu! Joboróquede aru cavaróquede máre coreóvavacari, ũbenita pare coreóvavubu muja ijárvui vaiyede, arejameđa Jesús.

**Mauvare mearo maje ðaino**  
(Mt 5.25-26)

<sup>57</sup>Jesús arejameđa náre cojedeca:

—¿Aipe teni meadabenaru muje ðaiyede caride muje majinomía? Meadajarā muje ðaiyede caride yópe muje majinope. <sup>58</sup>Mujacacu nuñu maru úre ámecoroyuque jabova ne ámeina teivure jēniari jáiñami, “Meadarājevnu” ajacurí úre, ũi nuvamequiyepa ayu úre jabova ne ámeina teivure jēniari jáipōecure, aru ũi jēni jíbequiyepa ayu úre churaravare, aru ne jaruvabenajiyepa ayu úre ámeina teivure jēni jacoñami jívuí. <sup>59</sup>Coyuyubu mujare: Ne buoru úre ámeina teivure jēni jacoñami jívuí, etabecube pu bojedayuta caiye iye ũi bojecube ðaiyede, arejameđa náre Jesús.

**Muje ámeina ðaiyede chōino méne oatuvaino**

**13** <sup>1</sup>Dinumu apevu pōeva, Jesús yebai járanuri, úre coyurejaimađa ñai jabocu Pilato ámicucu ũi boarí jaruvaiyede apevu Galilea ámicurijoborócuve aru ũi jivaino mácarōre ne jivede áimara jiveque, diede juaicōjēni pueðariducuyu Jūmenijicure. <sup>2</sup>Aru Jesús arejameđa náre:

—¿Dápiavurū muja ina Galileacavure, Pilatoí boarí jaruvaimara mácavu, ámena mácavu bajure apevu Galileacavu pueno? <sup>3</sup>Coyuyubu mujare: ¡Que ámevu! Muja chōiri dápiarí muje ámeina teiyede jaruvarí oatuvabevu baru, napedeca ñájinajaramu muja. <sup>4</sup>¿Aru dápiavurū muja ina dieciocho paivu tuiмара mácavure cūrami ũmujuriñami Siloé ámicurócadami ámena mácavu bajure caivu apevu Jerusalécavu pueno? <sup>5</sup>Coyuyubu mujare: ¡Que ámevu! Muja chōiri dápiarí muje ámeina teiyede jaruvarí oatuvabevu baru, napedeca ñájinajaramu muja, arejameđa Jesús.

**“Higueracure” jári dápiarí ne ðarājiiyepa aino**

<sup>6</sup>Apeno jári dápiarí ne ðarājiiyepa ainoque, yópe arí, buedejameđa Jesús: —Cūinácu ũmu cuvatequemavu higuera ámicuricure ũi jioi. Aru

cūinájāravu nuri vorīduquemavu dīcu jēidūare. Ūbenita eabetequemavu didūare. <sup>7</sup>Que teni aquemavu jiore memecaipōecure yōpe: “Jájacu. Yōbecurījūa coapa vocūdarīduivū yu jēidūare icu jocūcure. Ūbenita cainūmua eabevū yū. Jēidūa cubevū dīcu. Que baru icu hīgueracure coenī jarūvajacu mū. ¿Aipe teni bījaji yū jī jōborōre icu āmecu boje?” aquemavu űai jabocu memecaipōecure. <sup>8</sup>Ūbenita űai memecaipōecu aquemavu űre: “Mū, jī jabocu, dajocajacu icu hīgueracure iūju bajure cāreja. Ūiyūvu yu icu yebai. Aru etejūede māre epeiyūvu yu dīcure. <sup>9</sup>Que teni apejū jēidūa bucūru, meaquiyebu. Ūbenita apejū jēidūa bucūbedu, coenī jarūvaicōjejacu icu hīgueracure”, aquemavu űai memecaipōecu, arejameđa Jesús.

**Jesús űi meadaino tūijidū ijimore judfōva ne jabuóvaijāravūi**

<sup>10</sup>Dinumu Jesús bueyu barejameđa cūinādami judfōvai cōjijīñami jīvūi ne jabuóvaijāravūi sábadoi. <sup>11</sup>Aru nore cūrejacođa cūināco nomio abujucu űi ijide đaimo. űai abujucure cūrejacođa ō dieciocho paijūa baju. Ō tūijidū barejacođa. Nurié núco oabedejacoda ō. <sup>12</sup>Jesús ōre jājñ, cuturejameđa ōre űi yebai. Aru arejameđa:

—Mū, nomio, meadaimomu mū mi ijinore, arejameđa Jesús.

<sup>13</sup>Que arī, tuorejameđa ōre űi purūaque. Aru cūinā nurié núrejacođa ō. Que baru torojūede jīdejacoda Jūmenijicure. <sup>14</sup>Ūbenita űai judfōvai cōjijīñamine coreipōecu Jesúre jarayū, űi meadaiye boje jabuóvaijāravūi, arejameđa ina pōevare:

—Seis paijāravūa cūvū, mūje memejāravūa. Memejāravūai meatenadajarā mūja. Ūbenita jabuóvaijāravūi meatenadabejarā, arejameđa ű.

<sup>15</sup>Aru Jesús arejameđa űre: —iMūja jajovaiūtamu! Caivū mūja mūje oteivecure o mūje burrore māre űi āitōcure jōdeni jocarī, ocore

jīnanūvaiyavū mūja jabuóvaijāravūi.

<sup>16</sup>Quédeca ico nomio, Abraham mácuī pāramenacacore, abujuvai jabocu űi đaicōjeimo mácore dieciocho paijūa baju, meadaiye javū ōre jabuóvaijāravūi, arejameđa Jesús.

<sup>17</sup>Ū que ayure, caivū űi mauva cūyoje tedejaimada na. Aru caivū ina obedivū pōeva pare torojūrejaimada caiye iye űi đarī majibede đaiye boje.

**“Oteiyabe mostazare” jārī dāpiarī ne đarājiyepe aino**

(Mt 13.31-32; Mr 4.30-32)

<sup>18</sup>Bediōva Jesús arejameđa:

—Coyūquijivū mūjare aipe ārojarore yo Jūmenijicūi jaboteinore. Jārī dāpiarī mūje đarājiyepe ainore coyūquijivū mūjare, mūje majinajiyepē ayū. <sup>19</sup>Yōpe mostaza āmicurīyabe oteiyabepebu. Cūinācu űmū diyabede ĩni oteibi űi jioi. Aru bucūrī mūivū jocūcure. Dīcu cavabūa űracavabūa nūivū. Aru dīcu taino cāchīnoi mājina ne juaiboa đadama, arejameđa Jesús.

Nopedeca mamarūmure Jūmenijicūi jaboteino quījīnotamu, pōeva obebevu ne cue boje noi. Ūbenita Jūmenijicūi yāvaiye méne coyūrīburu yōboi űrarōtamu no Jūmenijicūi jaboteino, obedivū pōeva ne cue boje noi.

**“Pāure bucure đaiyede” jārī dāpiarī ne đarājiyepe aino**

(Mt 13.33)

<sup>20</sup>Bediōva cojedeca Jesús arejameđa:

—Jārī dāpiarī mūje đarājiyepe ainore coyūquijivū yo Jūmenijicūi jaboteinore. Yōpebu nomio ōi pāure bucure đaiyepē. <sup>21</sup>Diede adarī jīvaiyepēbu yōbecurīcurubūa pāu đaicurubūare. Aru caino jīvāibore bucūvāinopebu, arejameđa Jesús.

**Jesús űi bueino jedevacobe quījīcōbede**

(Mt 7.13-14, 21-23, 8.11-12, 19.30, 20.16, 22.13, 25.30; Mr 10.31)

<sup>22</sup>Jesús űi nūiyede Jerusalén āmicurīmaroi, űi vaiyede ĩmaroare

aru ïmajinoare máre, buedejameða nócvare. <sup>23</sup>Aru cüinácu pöescu jëniari járejameða úre:

—Mu, ñuje jabocu, ÷obebevu báräjídica na, Jümenijicui meaðaimara márajivu? Jesúre arejameða.

Aru Jesús arejameða caivu ina pöevare:

<sup>24</sup>—Ecojará muja jedevacobe quíjicobei. Norecabu Jümenijicui jaboteino. Соууубу мујаре: Obedivu ecoiyuridurájarama nore. Æbenita buojabenajarama. <sup>25</sup>Cüinácu cürami upacu bieniburu yóboi úi jedevacobede ñamine, voaiyubebi dicobede cojedeca. Nopedeca Jümenijicu úi jaboteino ecoiyede bieniburu yóboi, voabescuyme muja núrivure jedevai. Órejarájaramu úre pare: “Mu, ñuje jabocu, voajacu ñujare”. Æbenita Jümenijicu acuyume muјare: “Jívu ámevu muja. Muje dainore majibevu yu”, acuyume ú. <sup>26</sup>Dinumure yópe arí bárájaramu muja: “Ñuja ári aru úcuri tecará múque aru ñuje ïmaroa ma écarui bueávü mü ñujare”, arájaramu.

<sup>27</sup>Æbenita ú acuyume: “Соууубу мујаре: Jívu ámevu muja. Muje dainore majibevu yu. ¡Que baru caivu muja ámeina teivu ñujara yure jocarí!” acuyume ú.

<sup>28</sup>Chíoivu orí curájaramu muja nore. Aru jararí cöpi cürajaramu muja jáivu náre; Abrahäre, Isaare, Jacore, aru caivu ina Jümenijicui yávaiyede соусаирöevare máre, curivure Jümenijicui jaboteinoi. Æbenita muјacapuravu mautenajaramu jedevai. <sup>29</sup>Aru darájarama pöeva, cainoa joboröacavu. Dobarájarama úi tuoiva yebai, árajivu úi torojuve teinumure Jümenijicui jaboteinoi. <sup>30</sup>Dinumu maquinóre apevu jabotebevu bácvu ijárvure jabotenajarama Jümenijicui jaboteino edaiyede. Aru apevu jaboteivu bácvu ijárvure jabotebenajarama Jümenijicui jaboteino edaiyede, arejameða Jesús.

**Jesús úi oino, Jerusalécavure jescu**

(Mt 23.37-39)

<sup>31</sup>Dinumu apevu ina fariseovacavu nurejaimaða Jesús yebai. Aru arejaimaða úre:

—Herodes boarí yaiváiyubi mare. Que baru dupini ñujacu mü yore jocarí, arejaimaða na.

<sup>32</sup>Æbenita Jesús arejameða náre:

—Yópe aráñujara áñu borocucure: “Jesús ñujare aicöjeimi mure yópe, ‘Abujvare jaruvavu yu aru pöevare meaðavu yu caride aru javenare máre. Aru yóbecurijárvava yóboi ji ðaiyede buojaquijivu. <sup>33</sup>Æbenita mái ñuiye javvu yure caride, javenare, aru javena cömiájárvavure máre. Cüinácu Jümenijicui yávaiyede соусаирöescu yainí buojabecube Jerusaléne jocarí. Que baru ñuquijivu yu Jerusaléi, ina Jümenijicui yávaiyede соусаирöeva mácvure ne boarí jaruvainoi, pöeva ne boarí jaruvarájiiyere ayu yure’, ajará Herodede”, náre aicöjenejameða Jesús.

<sup>34</sup>Aru arejameða Jesús:

—iMuja, Jerusalécavu, mujeñecuva mácvu boarí jaruvarejaquemavu ina Jümenijicui yávaiyede соусаирöeva mácvure! Cüraboaque duvarí boarí jaruvarejaquemavu ina Jümenijicui daroimara mácvure. Aipiyebaju cójjiovaiyuriduvu yu muјare ji yebai, yópe cáyuco ói cójjiovaiyere mamarare ói caveba cáchinoi. Æbenita úbeteavü muja. <sup>35</sup>Jájara. Dinumu maquinóre muje curöre Jümenijicu dajocarí jaruvacuyme. Aru соууубу мујаре: Yure jámenajaramu muja cojedeca pu jáðovacudayure meacu bajure jáivuta. Dinumu maquinóre arájaramu yópe: “Torojue bajadéni ñai dayure Jümenijicui ámiái, úi paruéque”, arejameða Jesús.

**Jesús úi meaðaino cocoroyure**

(Mt 12.11)

**14** <sup>1</sup>Cüinájaravu, judío vai jabuóvairjavavu sábadoi, Jesús áscunreameða cüinácu jabocu, fariseovacacui cürami. Ina jabova nore curivu cocorejaimaða úre, úi ámeina tedu, boro соууúí adarájivu úre. <sup>2</sup>Aru cüinácu úmu pare ijimu járorejameða nore, úi ámuvea aru úi áraðoa máre pare cocororejaváva úre. <sup>3</sup>Úre jáñu Jesús, jëniari járejameða ina Jümenijicui



yávaiye báquede bueipōevare aru ina fariseovare máre, noi curivure, yópe arí:

—¿Meadaíe jauri pōevare judíovai jabuóvaujāravu sábadoi? arejameđa Jesús.

<sup>4</sup>Ūbenita bi arejaimađa na.

Dinũmũma Jesús ñai ijimure jēni meadarejameđa. Ūi meadarĩburu yóboi, nuicōjenejameđa ũre. <sup>5</sup>Aru Jesús arejameđa náre:

—¿Ácu mũjacacu mamacu o ũi oteivacu máre turu cobe ũmũjericobe jĩvui, cūiná imeje báraca ũre judíovai jabuóvaujāravure? arejameđa Jesús.

<sup>6</sup>Ūbenita bi arejaimađa na.

**“Cutuimara torojũve teinoi” jári dápiarĩ ne darājiyepe aino**

(Mt 23.12; Lc 18.14)

<sup>7</sup>Dinũmũre Jesús járejameđa ina cutuimara voivure apevu pũeno ne dobarō mearova. Que baru coyurejameđa náre yo jári dápiarĩ ne darājiyepe ainore:

<sup>8-9</sup>—Apecu ũi cuturu mũre ũi torojũve teinoi, apevu pũeno dobabejacu dobarō mearoi. Que đaru, ñai torojũve teino upacu cutuyũ baru apecu ũmũre, mi pũeno ne majimũre, acũyũte mũre: “Jĩjacu mi dobarōre ñai ũmũre”. Que teni cũyoje teni dobacũnjebũ mũ tũrũvaita. <sup>10</sup>Ūbenita apecu ũi cuturu mũre ũi torojũve teinoi, dobajacu tũrũvai. Que đaru, dacũyũte mi yebai ñai cutuyũ bācu aru acũyũte mũre: “Jĩcu, nũjacu pũenomaque. Vojacu mi dobarō mearova”. Que teni torojũrĩ járajarama mũre caivu dobarivu mũque tũoiva yebai. <sup>11</sup>Que baru ñai cũiyũcu me apevu pũeno, parũbecũyũte pũeno baju. Aru ñai parũbede đaiyũcu ũi baju apevu cāchino, me cũcũyũte pũeno baju, Jũmenijĩcui mearo đacaquiye boje ũre, arejameđa Jesús.

<sup>12</sup>Aru ñai ũre cutuyũ bācure máre arejameđa Jesús:

—Mi torojũve teinũmũ, cutubejacu mũ mi yóvaimarare, aru mívure, aru mi cađajĩecavu cũve cũvarivure máre. Que đaivu baru, nácapũravũ ne cuturājiyede

mũre máre ne torojũve tenajiyede, cũvacũyũmu mũ mi bojeva. <sup>13</sup>Ūbenita mi torojũve teinũmũ cutujacu ina cōmaje ārojarivure: cũve cũvabevũre, ijimarare, cuiye majibevũre, aru jári eabevũre máre. <sup>14</sup>Aru torojũcũyũmu mũ. Nácapũravũ buojabenama bojeđaivu mũre. Ūbenita eacũyũmu mũ mi bojeva ina boropatebevũ ne nacajarajĩjāravũ baquinóre yainore jarũvarĩ, arejameđa Jesús.

**“Ūrarō āinore” jári dápiarĩ ne darājiyepe aino**

(Mt 22.1-10)

<sup>15</sup>Cūinácu ũque curivucacu, Jesús ũi que aiyede járiayũ bācu, arejameđa Jesũre:

—ĩTorojũcũyũte ñai ācũyũ Jũmenijĩcui jaboteinore! arejameđa ũ.

<sup>16</sup>Jesús, ũre buecũyũ, arejameđa:

—Apeũmũ cūinácu ũmũ torojũve teinore meadaquemavũ. Aru cutuquemavu obedivu pōevare. <sup>17</sup>Que teni ne āiora joabejĩnoi ñai torojũve teino upacu ũi yebacacure jaroũ, aicōjequemavũ ũi cutuimarare yópe: “Jave meadacavu caiyede mũjare, que baru ‘Áradajarā’ aibi ji jabocu”, ajacu, aquemavũ ũ. <sup>18</sup>Ūbenita ina ũi cutuimara coara coyũrĩ bāquemavũ nũiyũbevũ ũi torojũve teinore. Cūinácu ũi cutuimaracacu aquemavũ: “Mamajiore bojeđavu yũ. Que baru jácũnũiye jaũvũ yũre no jiore. Que baru coyũjacu mi jabocure, ũi corebequiyepe yũre”, aquemavũ ũ. <sup>19</sup>Aru apecu aquemavũ: “Cairũcarũrũare paivu oteivacũvare bojeđavu yũ. Que baru jácũnũiye jaũvũ yũre náre. Que baru coyũjacu mi jabocure, ũi corebequiyepe yũre”, aquemavũ ũ. <sup>20</sup>Aru apecu aquemavũ: “Pũrũbuovũ yũ. Que baru daiye majibevũ yũ mi jabocui torojũve teinoi”, aquemavũ ũ. <sup>21</sup>Que teni ñai ũi yebacacu copaini coyũquemavũ caiye iyede ũi jabocure.

’Ūi coyũiyede járiayũ bācu ñai jabocu, jararĩ dáriayũ, aquemavũ ũi yebacacure: “Maumejiena nũjacu ĩmarocama ũramai

aru quíjimai máre. Aru davajacu ina cõmaje ãrojarivure: cãve cãvabevure, ijimarare, jári eabevure, aru cuiye majibevure máre”, aquemavu ñai jabocu. <sup>22</sup>Ñai yebacacu ùi copaiyede, aquemavu ùi jabocure: “Mũ, ji jabocu, yópe mi cõjeiyepe ðavu yũ. Ùbenita mi ãitucubũ buibévu cãreja”, aquemavu ñai yebacacu. <sup>23</sup>Aru ñai jabocu aquemavu ùi yebacacure: “Ímarore jocarĩ nujacu mũ. Ma nuimai nujacu aru daicõjejacu põevare ji torojũve teinoi, ji cõrami buiquíyere. <sup>24</sup>Сочууабу муре: Caivu ina ji cutuimara mãcavu ãmenajarama ji torojũve teinoque ãiyede”, aquemavu ñai jabocu, arejamedã Jesũs.

#### Jesúque nũru ñãjiovaino

(Mt 10.37-38; 16.24; Mr 8.34; Lc 9.23; Jn 12.24)

<sup>25</sup>Mái nuíyede obedivu põeva yóvarejaimada Jesúre. Aru ùi copedini, jári, arejamedã náre:

<sup>26</sup>—Ácu põecu ùi daru ji yebai, ji bueimaracacu bacũyũ, yure jesué jaũvu ùre caivu pũeno baju. Que baru ùjacurĩ yure jípacu, jípacu, jímarepaco, mamara, jíburã, ímara, aru ùi baju máre pũeno baju. <sup>27</sup>Ácu põecu daiyũcu yúque, ðajocajacurĩ põeva ne mearo jáiyede ùre, cũyebajacurĩ yure yóvayede, aru jíðubajacurĩ ùi ñãjiquiyede. Nõpe ðabecu baru, ùi buojabebi jícu bacũyũ. <sup>28</sup>Ácu mũjacacu cõrami uraðãmi ðaiyũcu baru, ðãpiarĩ dobajebu, corevacũyũ aipino bojecurõre ðĩnamine aru ùi buojaquinore máre. <sup>29-30</sup>Iñamine ðarĩ búriburu yóboi, ñai cõramine ðayũ ùi buojabedu, caivu ina jáivu ùre yurinajarama yópe aivu: “Ñai ùmũ cõramine ðarĩ búcube. Ùbenita buojabebi caride”. <sup>31</sup>Aru ácu jabocu ðãpiarĩ dobajebu, ùi jina caipũcarũnãre paimil baju churaravaque boaiyũcu baru apescu jabocu veinte mil paivu baju churarava cãvacũque ãdamatecũdayũ ùre. <sup>32</sup>Aru boarĩ buojaiyũbecu baru ùi boro nuvaipõevare coyurĩ jarocũyũme ùi maucu joai cuedeca cãreja, “Boaiyũbevũ yũ” arĩ jaroyũ. <sup>33</sup>Que baru me ðãpaiaye

jaũvu mũjare jipocamia, ji bueimara mãrajivu baru. Mũja ðajocabevũ baru mũje cãvaede, ji bueimara teivu buojabenamu mũja, arejamedã Jesũs.

#### “Yuquirare” jári ðãpiarĩ ne ðarãjiyepe aino

(Mt 5.13; Mr 9.50)

<sup>34</sup>Bedióva cojedeca arĩ buedejamedã Jesũs náre:

—Meaðaivu maje ãiyede yuquiraque. Nopedeca ñãjiye meadaivu põevare. Yuquira maje ãiyede meadaivu. Ùbenita yuquira vaijue bĩjaru, ãiyede meadaíye buojabevũ. <sup>35</sup>Joborõre aru oteiye ùrojrõre máre meadaíye buojabevũ. Quédata põeva jarũvaðama iye yuquira meamene. Nopedeca Jũmenijicui põeva ùi urõpe ðarĩ ðajocauvu baru, meadarĩ buojabenama ijãravũcãvure. Me jápijarã mũja iye ji bueiyepe, arejamedã Jesũs.

#### “Oveja mamateyure” jári ðãpiarĩ ne ðarãjiyepe aino

(Mt 18.10-14; Lc 5.29-30; Jn 10.1-16; He 13.20)

**15** <sup>1</sup>Apenũmũ earejaimada Jesũs yebai obedivu Roma ãmicurõ jaboteino jabovare tãtura ícaipõeva aru ãmeno ðaipõeva máre, jápiarãeaiũvũ ùre. <sup>2</sup>Fariseova aru Jũmenijicui yãvaiye báquede bueipõeva máre borotedejaimada, ne bajumia aivu: —Ñai ùmũ copũ etaibi ãmeno ðaipõevare aru ãimi náque, arejaimada na.

<sup>3</sup>Ne que aíye boje, Jesũs coyũrejamedã náre yo jári ðãpiarĩ ne ðarãjiyepe ainore:

<sup>4</sup>—Mũjacacu ovejavare coreipõecu cãvacu baru cien paivu ovejavare, aru cõinãcu nãcacu ùi mamatedu, ñai ðajocajebu ina noventa y nueve paivu ovejavare põescubenoí, vocũñũ ñai bĩjayũ bácuere ùre earĩta. <sup>5</sup>Aru ùre earĩ, ñni, arũboi tuorĩ, torojurĩ nuvajebu ñai ovejare ùi cõramita. <sup>6</sup>Cõrami earĩ, õrejajebu ùi yóvaimarare aru ùi caðajãecãvure máre. Aru ajebu náre

yópe: “Torojujarā yáque, ji oveja bíjaye bácare ji eaiye boje”, ajebu. <sup>7</sup>Nopedeca coyuyubu mujare: Ina cavarō mearo Jūmenijicui curōcavu torojurājarama cūinácū āmeno ñaipōecu chīori, oatūvaru ũi ñaiyede, apevu noventa y nueve paivu pñeno, ina “Chīori oatūvaiye jaubevu yure”, arī dāpiaivu, arī buedejameđa Jesús.

**“Tāturaturavare” jārī dāpiarī  
ne ñarājiyepe aino**

<sup>8</sup>Cojedeca Jesús coyurejameđa apeno jārī dāpiarī ne ñarājiyepe ainore, náre buecu:

—Cūinácū nomió cūvaco baru pñarupñape paiturava tāturaturavare aru cūinaturava bíjaru ōre, ico nomió pñoiñare pñori, ōi cūramine oeni, vojebu pñi dituravare earīta. <sup>9</sup>Dituravare earī, ĩni, epeni, torojurī ōrejajebu ōi yóvaimarare aru ōi cađajīecavure máre. Aru ajebu náre yópe: “Torojujarā yáque, ji tāturaturava bíjaino mácarōre ji eaiye boje”, ajebu. <sup>10</sup>Nopedeca coyuyubu mujare: Ina Jūmenijicui ángeleva torojurājarama cūinácū āmeno ñaipōecu chīori, oatūvaru ũi ñaiyede, arī buedejameđa Jesús.

**“Mamacu mamateyure” jārī  
dāpiarī ne ñarājiyepe aino**

<sup>11</sup>Cojedeca Jesús coyurejameđa apeno jārī dāpiarī ne ñarājiyepe ainore, náre buecu:

—Cūinácū ũmñu cūvatequemavu pñarā mamera. <sup>12</sup>Aru ñai ĩmacapūravu pñeđabecu jípacure aquemavu: “Mñ, jípacu, jíjacu yure, ‘Míye baquiyébu’, mi aiye báquede yure”, aquemavu. (Mamacu nópe ayñ jípacure, “Mi yaiquínore nñu yñ”, ayñbe ũ.) Dñmñmña pñpacu jíquemavu diede náre coapa. <sup>13</sup>Obebejaravua yóboi, ñai ĩmacu caiye ũi apeñene meadarī, ĩni, nñquemavu joai, apeno joborōi. Aru noi jarñvaquemavu caiye ũi cūvaede ũi nrōpe ñarī. <sup>14</sup>Aru ũi jarñvarīburu yóboi caiye ũi cūvae báquede, áñvé ñaquemavu caino no ũi curījoborōre.

Que baru ũi nrarō ñajiquemavu áñvéna. <sup>15</sup>Nñri, memeiño voquemavu apesu ũmñu, dijaborōcacure. Que teni ñai jaroquemavu ũre, coreicōjeñu oteivārivare. <sup>16</sup>Aru áiyutequemavu oteivāriya ne áinore. Ūbenita ñame jíbetequemavu ũre. <sup>17</sup>Aruri earī, dāpiarī aquemavu ũi baju: “Caivu ina jípacure memecaivu cūvarāma nrarō ne áiye méne aru pñuiye máre. Ūbenita yñ yaiyátamu áñvéna. <sup>18</sup>Caride copaiquijivñu jípacu yebai. Coyuquijivñu ũre yópe: ‘Mñ, jípacu, āmeno ñavu yñ Jūmenijicure aru mñre máre. <sup>19</sup>Que baru “jímacu”, abejacu yñre caride. Jájacu yñre yópe mi jáiyepe cūinácū memecayñre mñre’ ”, arī dāpiaquemavu ũi.

<sup>20</sup>Que teni nacajari nñquemavu jípacu yebai. Aru jípacu ñayñre jārī joamica, cōmaje ároje jáquemavu ũre. Que baru cūyarī, copñu nñri, ũre narióquemavu. Aru ũi vioburā nuquemavu mamacure. <sup>21</sup>Aru mamacu aquemavu ũre: “Mñ, jípacu, āmeno ñavu yñ Jūmenijicure aru mñre máre. Que baru ‘jímacu’, abejacu mñ yñre caride”, aquemavu jípacure. <sup>22</sup>Ūbenita jípacu aquemavu ũre memecaivñre: “Davacajarā maumejiena ũre meacaje cuitótecajede. Doajarā ũre. Adajarā áñmuyo adaitarabñre máre. Aru curaidoare máre doajarā ũre. <sup>23</sup>Davajarā ñai oteivacu mamacu me jípacure. Vojarā, áñmuri, torojñve tenajivñu caivñu ĩmarocavu. <sup>24</sup>Ñai jímacu yaiyú bácupe páyñu ũmedayñpebe cojedeca. Javede bíjame yñre jocarī. Ūbenita eaiyvñ ũre cojedeca”, aquemavu jípacu. Aru torojñve teni báquemavu na.

<sup>25</sup>Que teiyedeca, jíbcñu memeiññu matequémavu jioi. Copaini cūrami, joabejīnoi jápiaquemavu ne upaiyede. <sup>26</sup>Aru cūinácū memecapōecure ōrejarī, jēñiari jáquemavu ũre, “¿Aipe teni upaiyñba na?” <sup>27</sup>Jñ aquemavu ũre: “Míyocu copaini ñacuñbe. Que baru mīpacu boaicōjemi ñai oteivacu me jípacure, mamacu meacure copñu etaiye boje”, aquemavu ũre. <sup>28</sup>Ūbenita ñai jíbcñu jarayñ, torojñve teinoi

ecoiyubetequemavũ. Que baru jípacũ, etarí ùi yebai, jēniacquemavũ úre: “Mũ, bucũ, ecorí, ājacũ”. <sup>29</sup> Ûbenita aquemavũ jípacũre: “Obediũjũa memecaivũ mũre yebacacũre. Aru cainũmũa jũ aivũ mũre aru mi cõjeiyede ðaivũ. Ûbenita yure mũ jíbevũ cũinájieneca cũinácũ oteiãmajicũre, ñũje ārajijere ji yõvaimaraque torojũve teinoi. <sup>30</sup> Ûbenita ñai mímacũ ùi eaiyede, mi jíye báquede úre jarũvayũ bácũreca nomiva āmenaque, boacáicõjēnebu mũ úre oteivesũ me jíacũcũre”, aquemavũ ù. <sup>31</sup> Aru jípacũ aquemavũ úre: “Mũ, bucũ, mũ cũvũ yáque cainũmũa. Aru caiye ji cũvae míyetaamu. <sup>32</sup> Ñai míyocũ yaiyũ bácũre páyũ arũcũrebe cojedeca. Ñai bíjayũ bácũ eaimũme caride. Que baru torojũve teiye javũ majare”, aquemavũ nēpacũ, arí coyũrejamedã Jesús.

“Ñai memepõevare coreyũ vainí  
tũyũre” jári dápiarí ne ðarãijerepe  
aino

(Mt 6.24, 25.21; Lc 19.17)

**16** <sup>1</sup> Jesús coyũrejamedã ùi  
bueimarare, yõpe arí:

—Cátequemavũ cũinácũ ùmũ cũve cũvacũ. Cũvatequemavũ cũinácũ ùi cũvaede coreyũre. Aru arevũ coyũquemavũ ñai cũve cũvacũre yõpe: “Ñai mi coreipõescu jarũvavaibi caiye mi cũvaede”, aquemavũ na. <sup>2</sup> Que baru ñai cũve cũvacũ órejaicõjēni ñai coreipõescũre ùi yebai, aquemavũ úre: “¿Aipe járiayũba yũ mi borore? Jáðovajacũ yũre mi toivarí cũvarõre, ji majiquiyere aipino mi jacõpũiyede aru aipino mi jíyede ji cãvede. Caride memecabescũyũmu mũ yũre cojedeca”, aquemavũ ñai jabocũ. <sup>3</sup> Que baru ñai coreipõescu ùi baju dápiarí aquemavũ: “¿Aipe tequidí yũ? Ji jabocũ ími yũre ji memeinore jarũvarí. Joborõre ùri buojabevũ yũ, ji parũbe boje. Aru tãutũrare jēniari cũyevũ yũ. <sup>4</sup> Jave majivũ yũ ji ðaquinore, cũvacũyũ põeva ne copũ etarãijerepe ayũ yũre ne cũramiaí ji memeinore cũvabede”, arí dáriaquemavũ ñai coreipõescu.

<sup>5</sup> Que baru ñai coreipõescu órejaquemavũ náre coapa ina bojecũbe ðaivũre ùi jabocũre, coreóvabevũreca úre memeinore cũvabescũre. Aru ñai mamarũmũre ùi órejaimũre jēniari jáquemavũ: “¿Aipino bojecũbe ðayũrũ mũ ji jabocũre?” aquemavũ. <sup>6</sup> Jũ aquemavũ ù: “Cien paibua jocũbua olivocũ āmicũricũ jēidũare pipocorore bojecũbe ðaivũ yũ úre”, aquemavũ. Aru ñai coreipõescu aquemavũ úre: “Ûjũ, jējacũ mi bojecũbe ðaino cũriyocare. Maumejiena dobarí oatũvarí toivajacũ iyede: ‘Cincuenta paibua bajura’”, aquemavũ. <sup>7</sup> Dinũmũma ñai coreipõescu jēniari jáquemavũ apescũ bojecũbe ðayũre: “¿Aipino bojecũbe ðayũrũ mũ ji jabocũre?” aquemavũ. Jũ aquemavũ ù: “Cien paipũea trígo āmicũe oteiyede bojecũbe ðaivũ yũ úre”, aquemavũ. Aru ñai coreipõescu aquemavũ úre: “Ûjũ, jējacũ mi bojecũbe ðaino cũriyocare. Aru oatũvarí, toivajacũ iyede: ‘Ochenta paipũea bajura’”, aquemavũ. <sup>8</sup> Aru ñai jabocũ, jáñũ ùi borocũrĩ majinore, aquemavũ ñai coreipõescu borore: “Ñai ùmũ borocũcũvacari me majibi ù”, aquemavũ. Ina ijãravũcavũ Jũmenijicũre ùbevũ, ne cũvae méne aru ne me cũede máre íni majima, aru me bajura ne tãutũrare earí majima ina Jũmenijicũre jũ aivũ pũeno, arejamedã Jesús. <sup>9</sup> Jesús arí buedejamedã náre cojedeca: —Mũje cũvaede jíyede cõmaje ārojarivũre, na pũedarãjarama mũjare. Mũje nópe ðaru, Jũmenijicũ jíscũyũme mũjare mũje cũrõ cũiménore, arejamedã Jesús. <sup>10</sup> Bediõva cojedeca Jesús coyũrejamedã ina põevare: —Ñai mearo ðarí epeyũ baru quíjĩnore, dinũmũre mearo ðarí epecũyũme urarõre máre. Aru ñai quíjĩno ùi cũvarõque borocũcũ baru, urarõ ùi cũvarõque máre borocũcũyũme ù. <sup>11</sup> Que baru ijãravũ cũrivũ mearo ðabevũbu mũja mũje cũvaede. Que ðaivũ, mũjare Jũmenijicũ jíyede mearo ðabenamu mũja. <sup>12</sup> Que baru apescũ jíyede mearo ðabedu, ñame buojarí jibenama

mujeneca. <sup>13</sup> Cūinácu Jūmenijicure ārucu baru, pare ārumemi tāuturare. Aru tāuturare pare ārucu baru, ārumemi Jūmenijicure. Que baru Jūmenijicure aru tāuturare máre ārumejara mija. Nāi tāuturare ucū baru, Jūmenijicure ũbecuyume ũ, arejameđa Jesús.

<sup>14</sup> Ina fariseova tāuturare pare urejaimađa na. Que baru iye Jesús ũi coyuiye báquede jápiaivū bācavū ũre yuridejaimađa. <sup>15</sup> Ūbenita Jesús arejameđa náre:

—Pōeva ne jáiyede mearape paivūbu mija. Ūbenita Jūmenijicu majibi mije dápiainore. Pōeva ne mearo jáiyede Jūmenijicu ũbebi, arejameđa Jesús.

**Majare cōjeiye aru Jūmenijicūi jaboteino**

(Mt 5.18, 11.12-13)

<sup>16</sup> Jesús, yópe arī, buedejameđa náre cojedeca:

—Juan Bautista bácu ũi curinumu mácarō baji curejaquemavu Jūmenijicūi daicōjeiye Moisés bácuŕe toivaicōjeni bueiye báque aru ina Jūmenijicūi yávaiyede coyucaipōeva mácavū toivarī bueiye báque máre. Dinumu mácarōre Juan Bautista bácu coyúame Jūmenijicūi jaboteinoquede aru ũi yóbore máre coyūivūbu iye yávaiye méne. Aru caivū pōeva pare teđama ecoiyurivū Jūmenijicūi jaboteinore.

<sup>17</sup> Caino cavarō aru caino joborō máre cūiye maiyójabevū. Ūbenita caiye iye Jūmenijicūi daicōjeiye cūiye maiyójavū. Quénora caiye jáve vaiquíyebu yópe Jūmenijicūi daicōjeiyepe, arejameđa Jesús.

**Jesús ũi bueino nomi jaruvainore**

(Mt 5.32, 19.1-12; Mr 10.1-12; 1 Co 7.10-11)

<sup>18</sup> Bedióva cojedeca Jesús arī buedejameđa ina pōevare:

—Ácu pōescu jímarepacore jaruvarīburu yóboi purubvovū baru apescoque, nomicucvucarī apescoque scūcū baru, āmeina đaiibi ōre ũi mamarumucacore jaruvarī. Aru

ácu pōescu purubvovū baru cūináco nomió jímarepacu mamarumucacu ũi jaruvainore āmeina đaiibi óque, arejameđa Jesús.

**Jesús ũi coyūino cūve cūvacure aru Lázarore**

<sup>19</sup> Jesús coyurejameđa ina pōevare cojedeca:

—Cūinácu ũmu cūve cūvacu cútequemavu. Pare meacaje cuitótecajede dorī torojuve teni, javatequemavu jaravna coapa. <sup>20</sup> Aru apescu ũmu cūve cūvabecu cútequemavu, ũi āmiá Lázaro. Ū pátequemavu nāi cūve cūvacu ũi cūrami jedevacobe yebai. Churiá ijíe cútequemavu nāi Lázaro. <sup>21</sup> Aiyurīduquemavu āiye tuiye báquede nāi ũmu cūve cūvacu ũi tūovare jocarī. Aru yavimiva darī nenequemavu ũi churiáre.

<sup>22</sup> Cūinájāravū nāi cūve cūvabecu, Lázaro bácu, yaiquémavu. Aru ángeleva nūvaquemavu ũre Abraham yebai. Nāi cūve cūvacu bácu máre yaiquémavu. Aru ũi bajure jaruvāquemavu cūracobei. <sup>23</sup> Nūquemavu ũ toabo cūiméboi.

'Noi pare nājīñū, jáquemavu joai Abrahāre aru Lázarore máre. <sup>24</sup> Que baru órejaquemavu, ayū yópe: "Mū, jícu, Abraham, cōmaje āroje jájacu yure. Darojacu Lázarore ji yebai ũi ocoque jóri neneóvaquiyere āmuyoque ji jemedore, cojūjovacūyū yure. Pare nājivū yū yo toaboi", aquemavu. <sup>25</sup> Ūbenita Abraham aquemavu ũre: "Mū, jícu, ārucacu mū caiye iye méne mi cūvavaquede arucū cāreja. Aru Lázaro arucū cāreja nājíquemavu ũrarō āmenore. Ūbenita caride torojubi ũ yore, aru nājivū mū. <sup>26</sup> Maje coricai cūvū ũrarō tūrobū. Que baru nūjacavū jataiyurivū buojabema nūivū nore. Nopedeca nócavū máre jataiyurivū buojabema dāivū yore", aquemavu Abraham.

<sup>27-28</sup> Dinumtuma aquemavu nāi cūve cūvacu: "Mū, jícu, jēniaivū mure. Jarojacu Lázarore jipacu bácu cūrami, ũi coyūquiyere ayū jýyova cūinápūrcpe paivure, ne nājimenajiyere

ayu yore”, aquemavũ. <sup>29</sup>Ūbenita Abraham aquemavũ yópe: “Jūmenijicui ðaicōjeiyede ũi toivaicōjeiye báquede Moisés bácure aru ina Jūmenijicui yávaiyede coyũcaipōeva mácvũ ne toivaiye báquede máre cuvama na. Que baru míyova jápiajarāri diede”, aquemavũ Abraham. <sup>30</sup>Ūbenita aquemavũ ñai cve cuvacu: “Mũ, jícũ, Abraham, ina jápiabevũvacari iye Jūmenijicui yávaiyede, cūinácu yainore jarũvarĩ copainũ náre, chĩori oatũvarājarama ne ðaiyede”, aquemavũ Abrahãre. <sup>31</sup>Aru Abraham aquemavũ ũre: “Ina pōeva jápiabevũ baru Jūmenijicui ðaicōjeiyede ũi toivaicōjeiye báquede Moisés bácure aru ina Jūmenijicui yávaiyede coyũcaipōeva mácvũ ne toivaiye báquede máre, jápiabenama cūinácu nacajañureca yainore jarũvarĩ”, aquemavũ Abraham, arĩ coyũrejameða Jesús.

#### Jidojarõ maje ãmeina teino

(Mt 18.6-7, 15, 21-22; Mr 9.42)

**17** <sup>1</sup>Jesús buedejameða ũi bueimarare, yópe arĩ:

—Jãve jujovarājarama mujare. Ūbenita ñai jujovare ðayu arevũre chĩori ãmeno ñájicuyũme ũ. <sup>2</sup>Ñai pōecu ũi vainĩ ture ðaru apecu yũre ju ayũre parũbecureca, ũi dajocaquiyepere ayũ ũi ju aiyede yũre, meajebu ũre jarũvaru jia uraðai ũi ñamemui bũorĩ cūinábo cũrabo uraboque. <sup>3</sup>Me jájara mũa. Me dápiajarã mũje ðarājiyede. Apecu ũi ãmeno ðaru mũre, majicajacu ũre ména. Aru ũi chĩori oatũvaru ũi ðaiyede, ãrumetejacu iye ũi ãmeno ðaiye báquede mũre. <sup>4</sup>Aru ũi ãmeno ðaru mũre siete paiye baju cūinájaravũre aru siete paiye bajureca, “Chĩoiũ yũ ji ãmeno ðaiye báquede mũre” ũi aru, ũi ãmeno ðaiyede ãrumetejacu mũ, arejameða Jesús.

#### Jūmenijicure ãrũre ðaino majare

<sup>5</sup>Ina Jesús ũi yávaiye méne beorĩ coyũicōjeimara arejaimaða Jesúsre yópe: —iCadatejacu ñujare, ñuje ju arājiiyepere mũre pũeno baju! ũre arejaimaða na.

<sup>6</sup>Aru Jesús arejameða:

—Oteiyẽ mostaza ãmicũe oteiyẽ quĩjietamu. Ūbenita pĩarĩburu yóboi jocũcu uracũtamũ. Nopedeca mũje ju aru yũre quĩjino, nópe quĩjĩe oteiyepere, Jūmenijicũ urarõ mearore ðajebu mujare. Mũa me ju arĩ Jūmenijicure, mũaje aru icũ jocũcu uracũre yópe: “Nũjacũ caiye mi nũoque. Aru nũri nũjacũ jia uraðai”, dicũ ju ajebu mũaje cōjeinore, arejameða Jesús.

#### Memecaiþōecu ũi ðaino

<sup>7</sup>Jesús arĩ buedejameða cojedeca:

—Mujare memeni coreyũre jiore o coreyũre ãimarare ũi copaidaiyede cũrami, “Maumena ðarĩ, ãcũdajacu”, abevũ mũa ũre. <sup>8</sup>Quédata, “Meaðajacu ji ãquiyede. Oatũvajacu mi doiyede. Aru corejacũ ji ãiyede cãreja. Ji ãrĩburu yóboita mũ máre ãri ũcujacu”, aivũbu mũa ũre. <sup>9</sup>Aru ñai jabocũ jãve abecũbe ũi yebacacũre, “Meavũ mi memecaino yũre”, ũi ðaicōjeiye báquepe ðaiye boje. <sup>10</sup>Nopedeca mũa máre, caiye iye ðaicōjeiye báquepe mujare ðarĩ bũojaiũ, ajarã mũaje baju yópe: “Bojecũbevũbu maja. Quénora ðaiũbu maja yópe Jūmenijicui ðaicōjeiyepe majare”, náre arĩ buedejameða Jesús.

#### Jesús ũi meaðaino caiþũcapũũape paivũ pojeivũre

<sup>11</sup>Jesús nũũ Jerusaleń ãmicũriĩmaroi, vaidéjameða Samaria aru Galilea ãmicũrijoborõa tũrũvare. <sup>12</sup>Cūináro ãmajinoi ecōiyede, copũ nũrejaimaða ũre caiþũcapũũape paivũ ũmũva pojeivũ. Nũrejaimaða joai Jesúsre jocarĩ. <sup>13</sup>Aru coðoboborejaimaða na:

—Mũ, Jesús, bueiþōecu, cõmaje ãroje jájacũ ñujare, arejaimaða na.

<sup>14</sup>Nãre jári, arejameða Jesús:

—Nũri jáðovajara sacerdotevare, arejameða.

Nópe arejameða, judíoiva ne ðaiye boje Jūmenijicui ðaicōjeiyepe. Aru ne nuiyedeca mái, meatedejaimaða ne pojeiyede. <sup>15</sup>Que teni cūinácu nácacũ jári coreovari meateyũ ũi baju, copaini



nuri codoboborí torojurejameda Jūmenijicure. <sup>16</sup>Mori turejameda joborōi Jesús jipocai, jíyū mearore úre. Aru Samaria āmicurijoborōcacu barejaquémavu ñai ūmū. <sup>17</sup>Que teni Jesús arejameda:

—Caip̄sar̄m̄uare paivu meatevu muja. ¿Árima apevu, ina nueve paivu? <sup>18</sup>Apevu cūbema ina jínadajurorivu mearore Jūmenijicure. Quénora ñai dacube, apeno joborōcacūvacari, arejameda Jesús.

<sup>19</sup>Aru Jesús arejameda úre:

—Nacajari nujacu mu. “Ū yure meadaíye majibi”, arí dápiarebu mu yure. Que baru, mi que dápiáiye boje, meadaívu mure, arejameda úre Jesús.

#### Jūmenijicui jaboteino aipe edaquinore

(Mt 10.39, 16.25, 24.17-18, 23-28, 36-41; Mr 8.35, 13.15-16; Lc 9.24; Jn 12.25)

<sup>20</sup>Cūinájāravu apevu fariseovacavu jēniari járejaimada Jesúsre, yópe arí:

—¿Aipiye deadaquida yo Jūmenijicui jaboteino maquinó? arejaimada na.

Jesús arejameda náre:

—Jūmenijicui jaboteinore jári majibevu muja. <sup>21</sup>Que baru abenajarama yópe: “iJájacu, yui cūvu!” Aru abenajarama yópe: “iJájacu, noi cūvu!” Quédata jave Jūmenijicu jaboteyube muje jēneboi, arejameda Jesús.

<sup>22</sup>Dinūmure Jesús arejameda ūi buemarare:

—Jāravua cuquiyebu muje jáiyurijāravua yure, Jūmenijicui daroimū mácuŋ ūmure, cūinájāravua. Ūbenita jámenajarama muja. <sup>23</sup>Aru arājarama mujare yópe: “iJájara noi!” Aru arājarama yópe: “iJájara yui!” Ūbenita nūmejara muja. Nūmejara ne yóboi. <sup>24</sup>Jūmenijicui daroimū mácuŋ ūmure yaroinope nuquiyebu ji copaidaquijāravu baquinó. Yópe no yaroino pēoiyepe cavarōre cūinápūravu pū aepūrāvūita, caivu pōeva ne járajíyepe nore, nopedeca copaidacūyumu yu. Aru caivu pōeva járajarama ji copaidaiyede ijāravūi.

<sup>25</sup>Ūbenita mamarūmū urarō ñájiye jaūvu yure. Aru ijāravūcavu ju abenajarama yure.

<sup>26</sup>Dijāravua baquiyéi, Jūmenijicui daroimū mácuŋ ūmure, ji copaidaquijāravu jipocai, cuquiyebu nópe ānijāravua Noé mácuŋ curijāravua báquepe. <sup>27</sup>Dinūmū mácarōre caivu pōeva āivu barejaquémavu, aru ūcuiyu barejaquémavu. Ūmūva pūrubūoivu barejaquémavu. Aru jídejaquemavu némaromivare, ne pūrubūorājíyepe aivu, Noé mácuŋ jiadocū ūracūre ecoijāravūita. Muiváibo darejaquemavu. Aru caivu ina pōeva corí bíjarejaquemavu na mácavu. <sup>28</sup>Nopedeca cūrejaquemavu Lot bácuŋ curijāravua báquede máre. Caivu pōeva āivu barejaquémavu, aru ūcuiyu barejaquémavu. Bojeđavu barejaquémavu. Oteivu barejaquémavu. Aru cūramiare đavu barejaquémavu máre. <sup>29</sup>Ūbenita ānijāravu bácarō, Lot bácuŋ etaiyede Sodomare jocarí, Jūmenijicu maumena darorejaquemavu toabore aru cūraoba uruibovare máre. Ocainope turejaquemavu cavarōre jocarí. Aru caivu ina diimarocavu bácavu yaidējaquemavu na mácavu. <sup>30</sup>Nopedeca baquiyébu Jūmenijicui daroimū mácuŋ ūmure, ji copaidaquijāravu baquinóre. Maumena, pōeva yure ne corebede, copaidacūyumu yu ijāravūi cojedeca.

<sup>31</sup>Dijāravu baquinóí ñai cūrami pūenora cūcu bacūyū ēmeni dabejacurí, nūvacūyū ūi apejēne. Ecobejacurí ūi cūrami. Aru ñai jiore memēnū macūyū copainūmejacurí ūi cūrami. <sup>32</sup>Árjara muja iye Lot bácuŋ máreparo bácore vaiye báquede. Ō mácoi ju abe boje Jūmenijicui cōjeiye báquede, yuquirarū cainidū tedejaquemavu ō máco. <sup>33</sup>Ñai pōecu ūi baju ūrōpe đarí, meadaiyucu baru ūi bajure, coatecūyume ūi bajure Jūmenijicure jarūvarí, yópe yaiyū bácupe ūi ūmei. Ūbenita ñai pōecu, “Ye baju āmevu ji yaidú Cristore boje” ayū, ūi baju ūrōpe đabecūva quénora ji ūrōpe đarí, úrecabe ji meadaquimū, cūcūyū Jūmenijicūque cainūmua.

<sup>34</sup>Coūyūbu mujare, ji copaidaquijāravu baquinóí pūcarā

ñmva cārajarama ne cūrami jívui ñamine. Cūinácu ñvaimu macuyúme, yure ñi ju aiye boje. Aru apescu mautescuyume, yure ñi ju abe boje. <sup>35</sup>Aru pucarā nomiva jiorajarama ne cūrami jívui. Cūináco ñvaimo macodóme, yure ñi ju aiye boje. Aru apesco mautescodóme, yure ñi ju abe boje. <sup>36</sup>Aru pucarā ñmva memenajarama ne jioi. Cūinácu ñvaimu macuyúme, yure ñi ju aiye boje. Aru apescu mautescuyume, yure ñi ju abe boje, arejamedá Jesús, náre buey.

<sup>37</sup>Aru jēniari járejaimada úre:

—Mñ, ñuje jabocu, ¿ári yópe vaiquídi caiye iye? arejaimada Jesúsre.

Aru arejamedá náre majidivú ne aino mácaróque yópe:

—Ári yaiyú bácuí cūrōi, noi cójjinajarama cavava. Caiye iye ji coyuyede jáivu, majinajaramu mñja ji copaidaquino joabenore, ji ñájiovaquinore pōevare, ne ñameina teiye boje, arejamedá Jesús.

**“Ñameina teivure jēniari jáipōecure aru nomiópecore” jári dápiarí ne ñarājīyepē aino**

**18** <sup>1</sup>Jesús buedejamedá pōevare jári dápiarí ne ñarājīyepē ainoque ne jēniarajīyepē ayu Jūmenijicūque cainumua dajocabevva. <sup>2</sup>Aru arejamedá: —Cūināimaroí cūtequemavú cūinácu jabocu, ñameina teivure jēniari jáipōecu. Ñai jabocu puedabetequemavú Jūmenijicure. Aru puedabetequemavú pōevare máre. <sup>3</sup>Dīimariareca cūtequemavú cūináco nomiópeco máre. Ō nuri, yávere ñurejaquemavú úre: “Cadatejacu yure, ji maucu ñi ñájine ñabequiyepē yure”, aquemavú ñ. <sup>4-5</sup>Obedijārvuare ñai jabocu járiabetequemavú ñre. Ūbenita no yóboi arí dápiquemavú ñi baju: “Yú puedabecuvacari Jūmenijicure aru puedabecuvacari pōevare máre, ico nomió, ji yebai dado járvava coapa, ñi pare cārijovaiye boje yure, cadatequijivú ñre, ñi ñeture ñabecoquiyepē yure”, aquemavú ñ, arejamedá Jesús.

<sup>6</sup>Aru Jesús arejamedá:

—Jápijará ñai ñmu ñmecu ñi aiye báquede. <sup>7</sup>Aru jáve cadatecuyume Jūmenijicu ina ñi beoimare jēniavure úre, ñi cadatequiyepē aivu náre járvure aru ñamine máre. Corede ñabecube ñ joe baju, cadatecuyú náre. <sup>8</sup>Coyuyubu mñjare: Maumejiena cadatequijibi náre. Ūbenita yu, Jūmenijicui daroimú mácu ñmure, ji copaidaiyede ijārvui, jáve obebejina pōeva ju aivure Jūmenijicure paruríumeque eacuyumu, arejamedá Jesús.

**“Pucarā ñmva ne jēniario Jūmenijicūque” jári dápiarí ne ñarājīyepē aino**  
(Mt 23.12; Lc 14.11)

<sup>9</sup>Bedióva Jesús buedejamedá náre jári dápiarí ne ñarājīyepē ainoque. Coyurejamedá ina pōevare “¿Meara márica?” arí dápiavure ne baju apévú pñeno. Arejamedá:

<sup>10</sup>—Pucarā ñmva Jūmenijicūque jēniaranūquemavú Jūmenijicui cūrami. Cūinácu fariseovacacu batequémavú. Aru apescu jabovare táutura ícaipōecu batequémavú. <sup>11</sup>Ñai fariseo núri jēniari dápiquemavú ñi baju yópe: “Mñ, ji mearore jímú, torojuede jívú mure, ji ñmedabe boje. Yñ apévure ñabevú. Apévure jujovari ímevú yñ ne cūvaede. Ñmeno ñabevú yñ apévure. Nomicucu, apocoque cubevú yñ. Aru ñai jabovare táutura ícaipōecure ñabevú yñ. <sup>12</sup>Pucajārvava sumana coapa ñmecuva áiyede jēniavaiyú yñ mure. Aru caiye ji cūvaede caipucarūcape paivede cūvarí, cūináro jívavú yñ mure”, aquemavú ñai fariseo. <sup>13</sup>Ūbenita ñai jabovare táutura ícaipōecu joai núri, jáiyubecu cavarōre, totaquemavú ñi ñarebare, ñi chíoye boje. Aru aquemavú: “Mñ, ji mearore jímú, cōmaje ároje jájacu yure, ñameina teyure”, aquemavú ñai jabovare táutura ícaipōecu. <sup>14</sup>Coyuyubu mñjare: Jūmenijicu ñmuretequemavú ñai ñmú ñi ñameina teiye báquede. Ūbenita ñmuretebetequemavú ñai fariseo ñi ñameina teiye báquede. Que baru ñai

cuivucu me arevü püeno, parübesucüme püeno baju. Aru ñai parübede ðaiyucu ñi baju arevü cāchino, me cucusüme püeno baju, arejameða Jesús.

**Jesús ñi mearore jino juedovare  
Jümenijicüque**

(Mt 19.13-15; Mr 10.13-16)

<sup>15</sup>Pöeva nüvare cuivü barejáimada némarare Jesús yebai, ñi tuoquiyepa aivü náre ñi püruáque. Que teni Jesúsí bueimara náre jáivü, nüvaicöjemenejaimada némarare.

<sup>16</sup>Ûbenita Jesús órejarejameða náre ñi yebai. Aru arejameða:

—Ina juedova dajarári ji yebai. Jümenijicu jabotecüyüme pöevare náre paivü. Que baru, “Davabejará juedovare”, abejará náre. <sup>17</sup>Jäve coyuyübu müjare: Ácu pöecu copü etabecu baru Jümenijicüre jaboteyüre úre, yöpe juedocu ñi copü etaiyepa, ecobecüyüme ñi jaboteinore, arejameða Jesús.

**Cüinácu ümu cüve cüvacü Jesúmaque  
ne boroteino**

(Mt 19.16-30; Mr 10.17-31)

<sup>18</sup>Cüinácu jabocu jëniari járejameða Jesúre:

—Mü, bueipöecu meacu, ¿aipe ðaji yu, cüvacüyü járavü cüiméjárovü baquinóre? arejameða Jesúre.

<sup>19</sup>Jesús arejameða úre:

—¿Aipe teni “Meacübu mü”, ayurü yure? Jümenijicu cüinácürabe meacu baju. <sup>20</sup>Majivüra mü Jümenijicüi ðaicöjeiyede ñi coyüye báquede Moisés bácu: “Cüvabejacü apcore mimarepacore jarüvarí. Pöevare boarí jarüvabejacü. Ñavamejacü apacu ñi cüvaede. Borodabecü apacure. Ju ajacu mipacure aru mipacore máre”, arejameða Jesús.

<sup>21</sup>Que teni arejameða Jesúre:

—Ðacacu caiye iye mi coyüiyede juedocu cäreja yu, aru caride máre, arejameða.

<sup>22</sup>Ûi ju ayiede jápiayü bácu Jesús, arejameða úre:

—Cüináro javü müre cäreja. Jíni bojedajacu mi cüvede. Aru mi íquiyede jíjacü ina cömaje árojarivü. Que teni cüvacüyümu mü boje méne cavarö mearo Jümenijicüi cüröi. Aru dajacu yáque, arejameða Jesús.

<sup>23</sup>Ûbenita iyede jápiarí uraröreca chíorejameða, ðajocaiyübecü ñi ure cüvede. <sup>24</sup>Que teni Jesús úre jári, arejameða:

—Ina pöeva cüve cüvarivüre pare maiyójavü ne ju aye Jümenijicüre, ñi meadaquiyepa aivü náre aru ne ecorájipe aivü ñi jaboteinore cavarö mearo ñi cüröre. <sup>25</sup>Cüinácu äimacu uracu, camello ämicücu, ñi ecoru aviyo cobei, maiyójajebu úre. Aru püeno maiyójavü cüve cüvacure ñi ecoquino Jümenijicüi jaboteinore, arejameða Jesús.

<sup>26</sup>Ina úre jápiaivü bácvü arejaimada:

—¿Ñame buojarí ecorájidica Jümenijicüi jaboteinore, cüvarájivü járavü cüiméjárovü baquinóre? arejaimada na.

<sup>27</sup>Jesúcapüravü arejameða náre:

—Pöeva ne ðarí majibeno maiyójabevü Jümenijicüre. Û cüinácura buojarí meadayübe pöevare, arejameða Jesús.

<sup>28</sup>Aru Pedro arejameða:

—Dajocacará ñüja caiye ñüje cüvaede, ñüje daiye boje máque, arejameða Pedro.

<sup>29-30</sup>Aru Jesús arejameða náre:

—Jäve coyuyübu müjare: Ácu pöecu ðajocayü baru ñi cüramine, o jímarepacore, jíbüräre, ímarare, ñi bucüvare, o ñi máre máre, Jümenijicüi jaboteino boje, ñai pöecu eacüyüme püeno baju caride ijárovü. Aru ðaquijárovü baquinói cüvacüyüme járavü cüiméjárovü baquinóre, arejameða Jesús.

**Jesús ñi coyüino bedióva cojedeca ñi  
yaiquínore**

(Mt 20.17-19; Mr 10.32-34)

<sup>31</sup>Jesús nüvarejameða ina doce paivü. Aru yöpe arí, coyürejameða náre:

—Jerusaléi nüivübu. Nore ðarájivübu na yure, Jümenijicüi daroimu

mácure ñmupe, caiye iye Jñmenijicui yáviyede coyucaipõeva mácvu ne toivaiye báquepe. <sup>32</sup>Jínajivubu yure ina judíova ãmevure. <sup>33</sup>Que teni ina põeva yurinajivubu yure. Cuyoje ñarājivubu yure. Jēcututurajivubu yure. Jara popenajivubu yure. Aru boarí jaruvarājivubu yure. Ñbenita yóbecurijāravua yóboi jipacu, Jñmenijicui, nacovacuyume yure yainore jaruvarí, arejameða Jesús.

<sup>34</sup>Ñbenita caiye iyede jápiarí eabedejameða na, ñi bueimara. Coreóvabedejameða aipe aiyurõ iye Jesús ñi coyuiye báquede náre. Que baru majibedejameða ñi coyuiyede.

**Jesús ñi meadaino jári eabecure,**

**Jericócacure**

(Mt 20.29-34; Mr 10.46-52)

<sup>35</sup>Jericó ãmicuríimaroí joabenoí earejameða Jesús. No ma ēcarui cūinácu ñmu, jári eabecu, táuturare jēniañu dobarejameða. <sup>36</sup>Ñ jápiayu bācu obedivu põeva vaivure mái, jēniari járejameða:

—¿Aipe teidi? arejameða.

<sup>37</sup>Aru apevu arejameða ñre:

—Jesús Nazarecacu mái nuimi, arejameða.

<sup>38</sup>Ñai jári eabecu codoboborejameða:

—Mñ, Jesús, David bācui pāramecu, Jñmenijicui daroimñ mácu, ññje jabocu bacuyá, yure cōmaje ãroje jájacu, arejameða ñ.

<sup>39</sup>Aru ina ñi jipocai nuivñ, ñre jaraivñ, arídurejameða:

—¡Bi ajacu mñ! arídurejameða.

Ñbenita pñeno baju codoboborejameða ñ cojedeca:

—Mñ, David bācui pāramecu, Jñmenijicui daroimñ mácu, ññje jabocu bacuyá, yure cōmaje ãroje jájacu mñ, arejameða ñ.

<sup>40</sup>Que teni ñre codoboboyure jápiayu Jesús, dajocarejameða. Aru arejameða:

—Davajarā ñre ji yebai, arejameða.

Ñai jári eabecu ñi eaiyede, Jesús jēniari járejameða ñre:

<sup>41</sup>—¿Aipe ñacaji yñ mñre? arejameða Jesús.

Ñai jári eabecu arejameða:

—Mñ, ji jabocu, jári eabevñ yñ. Ñrarõ jáiyuvñ yñ, arejameða Jesúre.

<sup>42</sup>Jesús jñ arejameða ñre:

—Dinmñ meavñ. Jájacu mñ cari. “Yure meadacuyume Jesús”, arí dápiarebu mñ. Que baru mi jári eabede meadacaivñ yñ caride, arejameða ñre Jesús.

<sup>43</sup>Aru cūiná járejameða ñ, jári eabecu bācu. Que teni Jesúre yóvarí nurejameða ñ máre, mearore jíyñ Jñmenijicure. Que baru caivñ ina põeva máre, ñre jári, mearore jídejameða Jñmenijicure.

**Jesús ñi copñino Zaqueore**

(Mt 18.11)

**19** <sup>1</sup>Jericó ãmicuríimaroí Jesús ecorí vaiyú barejameða. <sup>2</sup>Noi cūinácu ñmu curejameða, ñi ãmiá Zaqueo. Ñ jabovare táutura ícaipõeva ne jabocu barejameða. Aru cñve cñvacu barejameða ñ. <sup>3</sup>Obedivu põeva Jesúre jáiyurí copñrejameða. Zaqueo máre jáiyurídurejameða ñre. Ñbenita ñai Zaqueo ñmñjubecu, aru obedivu põeva ne nuíye boje ñi jipocai, jámenejameða ñ Jesúre. <sup>4</sup>Que baru cýyarí apevu jipocai, jocucu sicómoro ãmicuricui mñri, Jesúre jácunurejameða ñ. <sup>5</sup>Que teni Jesús mái vaiyú jocucu yebai, jáññ Zaqueo jocucui tubacure, arejameða ñre:

—Mñ, Zaqueo, jōðajacu maumena. Mi cñrami mautescuyubu yñ caride, arejameða ñre Jesús.

<sup>6</sup>Que teni Zaqueo maumena jōðari, torojurí jacoyurejameða Jesúre. <sup>7</sup>Aru caivñ ina põeva jáivñ iyede, ãmeina yávarejameða.

—Ñai Jesús mautescññimi ãmeina teipõecui cñrami, arejameða na.

<sup>8</sup>Ñi cñrami ecoríburu yóboi, Zaqueo nñri, yávayñ arejameða Jesúre:

—Mñ, ji jabocu, coricai ji cñvaede jíquijivñ yñ cōmaje ãrojarivñre. Aru jacopaiyovaquijivñ yñ ina ji ñjovaimara mácvure yóvaicñvaiye pñeno baju ji ñno mácarõre náre jocarí, arejameða Zaqueo.

<sup>9</sup>Que ayure, Jesús arejamedá úre:  
—Mũ máre Abraham mácai  
pāramescũbu. Que baru caride inãami  
cũramicavũ meadaimaramu mũja.  
Jũmenijicũ meadarejaquemavũ Abraham  
mácure, ùi ju aiye báque boje úre.  
Nopedeca Jũmenijicũ meadaibi mũre  
aru mi cũramicavũre, mũje ju aiye  
boje úre. <sup>10</sup>Yũ, Jũmenijicũi daroimũ  
mácũ ùmũre, vocũdaivũ ina bĩjaivũre,  
meadacũyũ náre, arejamedá Jesús.

**“Tãutũrare” jãri dãpiarĩ ne ðarãjiyepe  
aino**

(Mt 13.12, 25.14-30; Mr 4.25; Lc 8.18)

<sup>11</sup>Diede pũeva ne jãpiarĩburu  
yóboi, Jesús bueni búrejamedá náre  
jãri dãpiarĩ ne ðarãjiyepe ainoque, ùi  
Jerusalén ãmicurĩĩmaro joabejinoi cœ  
boje, aru ne dãpaiye boje caivũ pũeva  
jãrajivũre Jũmenijicũi jaboteiyede  
pũevare maumejiena. <sup>12</sup>Que baru Jesús  
arejamedá:

—Cũinácu ùmũ, jabova jicũ,  
nũcũyũ batequémavũ areno  
joarõcajaborõi, ne epenajiyeye ayũ  
úre jabocũva. <sup>13</sup>Ñai jabocũ bacũyũ  
órejaquemavũ caipũcarũrũape paivũ  
úre memecaipõevare. Aru náre coapa  
tãutũrare jíyũ, caivũre cũinátũrũ,  
“Bojedajarã mũja iye tãutũraque ji  
copaidaiyeta”, aquemavũ náre ñai  
jabocũ. Que teni ñai jabocũ útequemavũ  
ne inajiyeye ayũ tãutũrare pũeno baju.  
<sup>14</sup>Coypũrĩ bũojarĩ, ñai jabocũ nũquemavũ  
areno joarõcajaborõi. Ùbenita ùi  
jaborõcavũ baju pare ùbetequemavũ  
úre. Que baru jaroquemavũ boro  
nũvacaipõevare ùi yóboi, ne  
jẽniarajiyeye aivũ ãnijaborõ jabocũre,  
ùi epebequiyeye aivũ ñai ùmũre ne  
jabocũva. “Ùbevũ ñũje jabocũva ñai  
ùmũre”, arĩduquemavũ na. <sup>15</sup>Ùbenita  
ñai ùmũ copaiyũ jabocũ batequémavũ ù.  
’Aru órejaicõjequemavũ ina úre  
memecaipõevare, ùi tãutũrare jímara  
mácavũre, majiyũcũ ne bojedarĩ íno  
mácarõ borore. <sup>16</sup>Que teni cũinácu ina  
memecaipõevacacũ ñai jabocũ yebai  
nũri, aquemavũ: “Mũ, ji jabocũ, mi

jíye báqueque bojedacacũ yũ. Que  
teni caride caipũcarũrũape paitũrava  
cũvavũ”, aquemavũ ñai jabocũre. <sup>17</sup>Aru  
ñai jabocũ aquemavũ úre: “Mearo  
ðarebu mũ. Memecaipõescũ meacũbu  
mũ. Mi mearo ðaiye boje quĩjinoque,  
jíquijivũ yũ mũre caipũcarũrũape  
paĩĩmaroare, mi jabotequiyeye  
diĩmaroacavũre”, aquemavũ ñai jabocũ  
úre. <sup>18</sup>Aru apescũ ina memecaipõevacacũ  
ñai jabocũ yebai nũri, aquemavũ: “Mũ, ji  
jabocũ, mi jíye báqueque bojedacacũ yũ.  
Que teni caride cũinápũrũape paitũrava  
cũvavũ”, aquemavũ ñai jabocũre. <sup>19</sup>Aru  
ñai jabocũ aquemavũ úre: “Mũre máre  
jíquijivũ yũ cũinápũrũape paĩĩmaroare,  
mi jabotequiyeye diĩmaroacavũre”,  
aquemavũ ñai jabocũ úre.

<sup>20</sup>Ùbenita apescũ ina  
memecaipõevacacũ ñai jabocũ yebai  
nũri, aquemavũ: “Mũ, ji jabocũ, yui  
cũvavũ mi tãutũrare, mi jíye báquede  
yũre. Epecacũ yũ diede cuitõtecajeque,  
meadayũ diede. <sup>21</sup>Jidojacubũ mũ. Mũ  
ĩnũmu apescũ ùi epeiye báquede. Aru mũ  
jẽñũmu apescũ ùi oteiye báquede. Que  
baru jidũtevũ yũ mũre”, aquemavũ ñai  
jabocũre. <sup>22-23</sup>Aru ñai jabocũ aquemavũ  
úre: “Mũ, memecaipõescũ ãmescũbu. Mi  
que aiye boje ãmecoroimũ macũyũmu  
mũ. Yũ jidojacũre majicũvacari, aru  
yũ inũre apescũ ùi epeiye aru jẽñũre  
apescũ ùi oteiye majicũvacari,  
epebetequemavũ mũ ji tãutũrare tãutũra  
epeĩnamĩ. Mi que ðaru, copaini dayũ  
jacorpũjebu yũ ji tãutũrare pũeno baju,  
diñamicavũ ne bojedaiye báque cojĩorĩ”,  
aquemavũ ñai jabocũ.

<sup>24</sup>’Que baru ñai jabocũ aquemavũ  
ina núrivũre nore: “Íjara úre jocarĩ  
yo cũinátũrava tãutũratũravare. Aru  
jĩjarã ñai caipũcarũrũape paitũrava  
cũvacũre”, aquemavũ. <sup>25</sup>Aru  
aquemavũ na: “Mũ, ñũje jabocũ, ù jave  
cũvabi caipũcarũrũape paitũrava  
tãutũratũravare”, aquemavũ. <sup>26</sup>Ùbenita  
ñai jabocũ aquemavũ: “Coypũyũbu  
mũjare: Caivũ cũvarivũ jacorpũrãjarama  
pũeno baju. Ùbenita caivũ dãpaiivũre  
cũvarivũre apescũ pũeno, caiyede náre

ĩcũyũtu yũ. <sup>27</sup> Aru ina ji mauvare, ji jaboteinore ðbevũre, davajarã náre yui. Aru boarí jarũvajarã náre ji jáinoi”, aquemavũ ñai jabocu, arejamedã Jesús.

### Jesús Jerusaléi ùi ecoino

(Mt 21.1-11; Mr 11.1-11; Jn 12.12-19)

<sup>28</sup> Jesús ùi coyũrĩburu yóboi, nuñũ cojedeca muri nurejamedã Jerusalén ãmicurĩĩmaroĩ nuĩmai. <sup>29</sup> Aru Jerusalén ãmicurĩĩmaro joabejĩnoĩ nuri, Betfajé aru Betania ãmicurĩĩmajinoã baji, no cũracũ Olivocũ ãmicurĩcũ ãmeino baji, earejamedã Jesús. Noi earĩ ùi bueimara pũcarãre, yópe arĩ, jarorejamedã Jesús:

<sup>30</sup>—No cõchino curĩĩmajinoĩ nujara muja. Ma ãmeinoĩ põevare ùmaiãimacũre, burrore, earãjaramu muja, nõcacui buoimũre. Põeva ne tubabemũtame cãreja. Ûbenita ùi buoimene jodeni, ùre davacajarã yũre. <sup>31</sup> Aru, “¿Aipe teni burrore ùi buoimene jodeni, ùre nuvaivurũ muja?” ne aruta, yópe ajarã muja: “Ñũjare ícõjoni darobi maje jabocu. Ûre ùmacayũ ãimacu jaubi ù”, arejamedã náre Jesús.

<sup>32</sup> Ina ùi daroimara nurejaimada. Aru vaidéjavũya náre nõpe Jesús ùi aipe báquepedeca. <sup>33</sup> Ne joddiyede burrore, ùre uparivũ arejaimada náre:

—¿Aipe teni jodeivurũ muja ùi buoimene? arejaimada na. <sup>34</sup> Aru arejaimada ina Jesúĩ bueimara:

—Maje jabocũre ùmacayũ ãimacu jaubi ù, arejaimada.

<sup>35</sup> Ne ju aiyede náre, nuvarejaimada burrore Jesúre. Ne doicajea pũnocacajeare burrorã tuorĩ, Jesúĩ tubaquinore ðarejaimada ùi bueimara. <sup>36</sup> Ûi nuĩyedeca ina obedivũ põeva ma ãcarũ nírvũ jũarejaimada ne pũnocacajeare mára Jesús jipocai, pũedarãjivũ ùre. <sup>37</sup> Aru Jerusalén ãmicurĩĩmaro joabejĩnoĩ, Jesús ùi ãmeiyede cũracũ Olivocũ ãmicurĩcũre jocarĩ, caivũ ina obedivũ põeva, Jesúĩ bueimara, torojurivũ Jũmenijicũre mearore jĩni búrejaimada, ne jáiye báque boje ùi ðaiye báquede caiye iye põeva ne ðarĩ majibede. <sup>38</sup> Aru parũrõeca arejaimada:

—Jũmenijicũre torojue bajadéni. Jũmenijicũ mearo ðacaimũme ñai jabocu Jũmenijicũ daroimũ mácu. Cãrijimena cũjarãri cavarõ mearocavũ. Jũmenijicũre mearo majaróri. Jũmenijicũre torojue bajadéni, arejaimada na.

<sup>39</sup> Apevu fariseovacavũ curivũ nore arĩdurejaimada Jesúre:

—Mũ, bueipõecu, bi aicõjejacu mi bueimarare, arĩdurejaimada na.

<sup>40</sup> Ûbenita Jesús arejamedã:

—Coyũyũbu mujare: Na bi aru, iboã cũraboavareca coðobobojebu, arejamedã náre Jesús.

<sup>41</sup> Jerusalén ãmicurĩĩmaro joabejĩnoĩ eayũ Jesús, diĩmarore jáñũ, orejamedã, ùi Jerusalén ãmicurĩĩmarocavũre cõmaje ãroje jáiye boje. <sup>42</sup> Aru arejamedã:

—Mujã, Jerusalécavũ, muje coreóvaru cãrijimene ðaiyede, meajebu mujare. Ûbenita coreóvarĩ majibevũ muja diede. Jũmenijicũ majide ðabebi mujare diede cãreja. <sup>43</sup> Apejaravua baquiyéi járajaramu muje mauva edaivũre muje ìmaro turũvai. Epenajarama jobore cũracũape. Etaĩno cubequiyebu mujare. Bienajaramu mujare ìmaro jívũi, muje dupibenajiyepe aivũ. <sup>44</sup> Jarũvarãjarama muje cũramiare. Aru ye mautebequiyebu cũináva cũrava apeva cũrava pũenora. Boarĩ jarũvarãjarama mujare aru mujemarare máre. Caiye diede ñãjinajaramu muja, muje coreóvabe boje cari jaravũre, Jũmenijicũ ùi daroiyede yũre, ji meadaquiyupe ayũ mujare, muje numenajiyupe arĩduyũ toabo cũiméboi, arejamedã Jesús.

### Jesús ùi meadaino Jũmenijicũ cũramine

(Mt 21.12-17; Mr 11.15-19;

Lc 21.37; Jn 2.13-22)

<sup>45</sup> No yóboi Jesús earejamedã Jerusalén ãmicurĩĩmaroĩ. Jũmenijicũ cũrami tãibui ecorejamedã. Aru jaetovarejamedã ina bojedãipõeva curivure nore jocarĩ. Arejamedã náre:

<sup>46</sup>—Yópe arĩ, toivaicõjeneaquemavũ Jũmenijicũ ùi yãvaiyede: “Jĩ



cārami caivũ pōeva ne yũre, Jūmenijicũre, coyũñamimu”, arĩ toivaicōjenejaquemavũ. Ūbenita diñamine tatorĩ ívũ ne dupiñamipe ðaquemavũ mũja, mũje pũeno urarō tātũra íye boje pōevare jocarĩ, ne bojedaiyede mũje cũvaede, arejameða náre Jesús.

<sup>47</sup> Caijāravũa Jesús bueyũ barejámeða Jūmenijicũ cārami jívũ. Ina sacerdotevare jaboteipōeva, aru Jūmenijicũ yávaiye báquede buaipōeva, aru ina judíova jabova máre boarĩ jaruvayurivũ barĩdurejaimaða Jesúsre. <sup>48</sup> Ūbenita caivũ ina obedivũ pōevacapũravũ torojurĩ jápaiyũrejaimaða Jesús ũi bueiyeede. Que baru ũre boarĩ jarũvarĩ buojabedejaimaða na, ũi mauva.

### Jesús ũi parué

(Mt 21.23-27; Mr 11.27-33)

**20** <sup>1-2</sup> Cũinájāravũ Jesús bueyũ barejámeða ina pōevare, Jūmenijicũ cārami curivũre. Coyũyũ barejámeða Jūmenijicũ yávaiye méne, ũi meadaquiyede pōevare. Sacerdotevare jaboteipōeva, aru Jūmenijicũ yávaiye báquede buaipōeva, aru judíova bucũva máre ũi yebai nuri, arejaimaða ũre: —Coyũjacũ ñũjare. ¿Ye paruéque ðayurũ mũ iye mi ðaiyede? ¿Ñame jídi mũre iye paruéde mi nópe ðaiyede? arejaimaða Jesúsre.

<sup>3</sup> Jesús arejameða náre:

—Yũ máre jēniari jáquijivũ mũjare cũináro jēniari jáinore. Coyũjarā yũre. Aru yũre coyuiyede, yũ máre coyũquijivũ mũjare ji paruéde ji ðaiyede.

<sup>4</sup> ¿Juan Bautista bācũ jáðovaquemari pōevare Jūmenijicũ ũi paruéque o pōeva ne paruéque? arejameða náre Jesús.

<sup>5</sup> Ūi que aiyede, ne bajumia boroteivũ arejaimaða yópe: “Maje aru ‘Jūmenijicũque’, ũ aqũijibi ‘¿Aipe teni ju abetecarāũ ũre?’” <sup>6</sup> Ūbenita maje aru ‘pōevaque’, caivũ ina pōeva cāрабоare ðũvarĩ boarĩ jarũvarājarama majare, ne majié boje Juan Bautista bācũre Jūmenijicũ yávaiyede coyũcaipōecũ

bācũre jāve”, arejaimaða ne bajumia.

<sup>7</sup> Que baru arejaimaða Jesúsre:

—Majibevũ ñũja, arejaimaða na.

<sup>8</sup> Dinũmũre Jesús arejameða náre:

—Yũ máre coyũbevũ mũjare ñamei paruéque ji ðaiyede, arejameða Jesús.

### “Āmena memecaipōevare” jári dápiarĩ ne ðarājiyepẽ aino

(Mt 21.33-44; Mr 12.1-11)

<sup>9</sup> No yóboi Jesús coyũrĩ búrejameða ina ũque curivũre jári dápiarĩ ne ðarājiyepẽ ainoque, yópe arĩ:

—Cũinācũ ũmũ doaicōjequemavũ jiore ũyaimuque. Aru epequemavũ apevũ ũre memecaipōevare noi. Ina memecaipōeva ñajivũ batequémavũ apeboa ũyaiboare, ne memeiye boje. Aru ñũquemavũ apeno joborōi. Joe cũcũyũ batequémavũ ũ. <sup>10</sup> Ūyai jēijāravũ yóboi, ñai jio upacũ jarorĩduquemavũ cũinācũ ũi yebacacũre memecaipōeva yebai, ũi íquiyepẽ ayũ apeboa ũyaiboare, ñai upacũ jiede. Ūbenita ñai yebacacũ ũi eaiyede nore, ina memecaipōeva ũre jēni, pare boarĩ copaide ðaquemavũ ũre quédata. <sup>11</sup> Cojedeca ñai jio upacũ jarorĩduquemavũ apesũ ũi yebacacũre memecaipōeva yebai. Ūbenita ũre máre boaquémavũ. Aru cũyojarō ðarĩ, copaide ðaquemavũ ũre máre quédata. <sup>12</sup> Cojedeca ñai jio upacũ jarorĩduquemavũ apesũ ũi yebacacũre nore memecaipōeva yebai. Ūbenita churiá ðarĩ, jaetovaquemavũ ũre nore jocarĩ.

<sup>13</sup> Dinũmũ ñai jio upacũ aquemavũ yópe: “¿Aipe ðaji yũ? Jave majivũ yũ ji ðaquiyēde. Jaroquijivũ jímacũ, ji mũmũre. ‘Ūre jáivũ pũedarājichũma na’ ayũ”. Que aquemavũ ũ. <sup>14</sup> Ūbenita ina memecaipōeva jáivũ ñai jio upacũ mácũre, aquemavũ ne bajumia: “Ñai ñũje jabocũ bacũyũme. Jĩpacũ ũi yaĩnĩburu yóboi, cũvacũyũme caiye ũi cũvaede. Járica, boarĩ jarũvarājarevũ ũre, maja cũvaburĩ caiye ũi cũvaede”, aquemavũ na. <sup>15</sup> Que arĩ, ũre jēni jaetovaquemavũ jiore jocarĩ. Aru boarĩ jarũvaquemavũ ũre, arejameða Jesús.

Coyurĩburu yóboi, Jesús yópe arĩ, jēniari járejamedá ina jápiaivure úre:

—¿Aipe ðaquidi ñai jio upacu náre?

<sup>16</sup>Ë boarĩ jaruvacunucuyume ina memecaipõevare. Aru epecuyume apevu memecaipõevare ùi jioi, arejamedá Jesús.

Diede jápiaivu arejaimada:

—¡Que ãnevu no! arejaimada.

<sup>17</sup>Ëbenita Jesús, jáñu náre, arejamedá: —¿Aipe aiyuri iye Jūmenijicui toivaicõjeiye báquede ùi yávaiye?

Iva cūravare cūramine ðaipõeva ùbeni jaruvaquemavu. Caride iva cūrava caiva apeva pūeno parurivabu, arĩ toivaicõjenejaquemavu.

<sup>18</sup>Ácu põecu tuyu baru divarã, turĩ yavacuyume ùi bajure. Aru diva tuiva baru põecu pūenora, chitoquiye ùre, arejamedá náre Jesús.

Yópe aiyurõtamu no: Põeva “Ámecube ù”, arĩdurãjarama Jesúi borore. Ëbenita meacu bajube ù, Jesús, caivu apevu pūeno.

<sup>19</sup>Ina Jūmenijicui yávaiye báquede bueipõeva aru ina sacerdotevare jaboteipõeva máre jēni nūvaiyurĩdurejaimada Jesúre dīnumūmia, ùi coyuiye boje no jári ðápiarĩ ne ðarãjiyepe ainore, cūravare coyūino mácarõre, nára. Ëbenita jidurejaimada ina obedivu põevare.

**Jesús ùi coyūino jabovare bojedainore**

(Mt 22.15-22; Mr 12.13-17)

<sup>20</sup>Ina judíovai jabova cocorejaimada Jesúre, meajārvanĩ coreivũ ne jēni jínajinore úre ñai jabocu Pilatore. Que baru ārojama jarorejaimada jujovavure, ðavure mearape, ne earĩdurãjiyepe aivu ùi ãmeina tedu aru ùi borocuru apevure. <sup>21</sup>Que baru jēniari járejaimada Jesúre:

—Mũ, bueipõecu, mure coreóvaivũbu ñña. Nurié yávaivu mũ. Caivure cūinácamuara yávaivu mũ. Coyubevu mũ põevare yópe ne ðaiyepe. Quéñora jidubecava coyūivu mũ náre yópe

ne ðapiaiyepe. Jāveneca bueivũ mũ põevare, ne ðarãjiyepe ayu mearore yópe Jūmenijicui ðaicõjeiyepe. <sup>22</sup>¿Maje jabocu César ùi ícõjejuoede, ùi jaboteiye boje, maje bojedaru, mearica die? arejaimada Jesúre.

<sup>23</sup>Ëbenita ne jujovajuroede majicu, nácacure arejamedá Jesús:

<sup>24</sup>—Jáðovajacu yure tãuturatavare.

¿Ñamema ñai, dituravare jēñu? ¿Aru ñamei ãmiá curituravaba diturava? arejamedá náre Jesús.

—Césai decocu aru ùi ãmiá máre curituravatamu, arejaimada Jesúre.

<sup>25</sup>—César jiede úre jacopaiyovajarã mija. Jíjarã úre tãutura yópe ùi bojedaicõjeiyepe mujare. Aru Jūmenijicui jiede úre jacopaiyovajarã mija. Ðajarã yópe ùi urõpe, arejamedá náre, jēniari járadaivure, Jesús.

<sup>26</sup>Ina jujovaiyurĩdivũ bācavu Jesúre ùi que aiyede urarõ ðápiarejaimada ùi coyuiyede. Aru bi arejaimada na.

**Saduceova ne jēniari jáino Jesúre yainore jaruvarĩ nacajainore**

(Mt 22.23-33; Mr 12.18-27; Hch 23.8)

<sup>27</sup>Apevu saduceova nurejaimada Jesús yebai. Saduceo ãmicuriyajubobu judíovacavu ne yajubo cūináyajubo. Caivu saduceova “Yainore jaruvarĩ nacajaiye cubevũ”, adama na. <sup>28</sup>Jesúre jēniari járejaimada ina saduceova yópe:

—Mũ, bueipõecu, Jūmenijicui ðaicõjeiyede Moisés bácu toivarejaquemavu yópe: Cūinácu ùmũ yaidú, jímarepacore jocarĩ jueðocuvabecova, yaiyú bácuĩ yócuere pũũbuoiye jayvu óque, jueðocuvacuyũ. Aru ina jueðova bárãjivũ yaiyú bácuĩ ãmiáre cūvarãjarama na. <sup>29</sup>Javede cútequemavu siete paivu ùmũva. Cūinácu ùmũ mára matequemavu na. Némamicũ pũũbuoquemavu. No yóboi yaiquemavu ù mácu, jueðocuvabecava.

<sup>30</sup>Que baru apecũ, ù mácurã cutuyũ, pũũbuoquemavu jĩbucũ bácuĩ márepacoque. Aru jĩbucũ bácupedeca yaiquemavu, jueðocuvabecava.

<sup>31</sup>Aru apecũ, ù mácurã cutuyũ, máre

nopedeca, aru caivn ina siete paivn bácvn óque purubvorí, yaiquémavn, juedocuvabevvna. <sup>32</sup>Caivn ne yóboi, ico nomió máco máre yaiquémavn. <sup>33</sup>¿Yainore jaruvarí nacajajárvn baquinóre, ñamei márepaco bacoódba ico? Ijáravnre caivn ina siete paivn cvvatequemavn óre, arejaimada na Jesúsre.

<sup>34</sup>Aru Jesús arejaimada ina saduceovare:

—Ijáravnrcavn purubvodama aru némaromivare jíyama, ne purubvorájiyepere aivn. <sup>35</sup>Ūbenita añijárvnrcavn yaibénama na. Que baru Jūmenijicui yainore jaruvarí nacajaicōjeimara márárvn, purubvobenajarama. <sup>36</sup>Ñijárvnrcavn ángelevape árojarajarama na. Que baru Jūmenijicui máratamu na, ne yainore jaruvarí nacajaiye boje. <sup>37</sup>¿Iye yainore jaruvarí nacajaiyede, jápiarí eabenarv mva Jūmenijicui coviye báquede, Moisés bácv ũi toivaiye báquede, jocvjicv uruijicvne covarí? “Yútamu Jūmenijicv. Abraham, Isaac, aru Jacob ne mearore jímvu yv”, arejaquemavn Jūmenijicv Moisés bácvre. <sup>38</sup>Yáivn bácvn ne mearore jímv amemi Jūmenijicv. Quévora arvrivn ne mearore jímvutame ũ. Que baru ina majeñecvva arvrivvbu. Caivn Jūmenijicui beoimara arvrivvbu na, arejaimada náre Jesús.

<sup>39</sup>Aru apevn, Jūmenijicui yáviye báquede buaipōevacavn, ju arejaimada ũre:

—Mv, buaipōcv, me yáviavn mv, arejaimada na.

<sup>40</sup>Que baru jidvrivn jēniari jáiyvbedejaimada ũre bediόva cojedeca, ũi me ju aive boje ina ũre jujovaiyurídivn bácvvre.

**Cristo ñai jabocv David bácv  
pāramecv**

(Mt 22.41-46; Mr 12.35-37)

<sup>41</sup>Ūbenita Jesús jēniari járejaimada náre:

—¿Aipe teni “Cristobe David bácv pāramecv” aivvba? <sup>42</sup>David bácvvacari

Espíritu Santoi parvéque coviicōjeimv toivarejaquemavn Salmos ámicvriyoca cāriáiyocarā yópe arí:

Jūmenijicv aquemavn ji jabocvre, “Dobajacv ji mearpūrvn, mi cvvae boje parvéde yvpedeca.

<sup>43</sup>Aru yv epecvymv mi mavvare mi cvboba cāchivni. Que teni mvre vainí jarvvere đacvymv yv náre, mi jabotequiyepere ayv náre”, arí toivarejaquemavn David bácv Cristorā.

<sup>44</sup>David bácvvacari Cristoi borore “Ūrecabe ji jabocv”, arejaquemavn. Que baru, ¿aive teni David bácv pāramecvba ũ? arejaimada náre Jesús.

**Jesús ũi boro covarí adaino  
Jūmenijicui yáviye báquede  
bueipōevare**

(Mt 23.1-36; Mr 12.38-40; Lc 11.37-54)

<sup>45</sup>Caivn ina pōeva ne jápvaiyede, Jesús arejaimada ũi bueimarare:

<sup>46</sup>—Me đajarā ina Jūmenijicui yáviye báquede buaipōevare. Námv cuiyvrvn cvitótecajea ũmvjuricajeaque. Aru ama na pōeva pvedarí ne jacovvinnore náre táivni. Judíovai cōjijñamiare ne dobave méne vma na. Aru torovve teinore cuiyvma na ñai torovve teino upacv yebai. Caiye iyede vma na, pōeva ne mearo járvaiyepere aivn náre. <sup>47</sup>Ūbenita jujovarí ñavada na ina nomiōpeware ne apejēne. Aru jēniadama joe vvarō Jūmenijicvque, pōeva ne đápvaijēyepere aivn Jūmenijicui yáviye báquede buaipōeva me Jūmenijicv ju aivvpe. Caiye diede ne đáive boje, pveno vvarō ñájinajarama na, ne amaina teiye boje, arejaimada Jesús.

**Nomiōpeco cvve cvvabeco ōi távtvra  
jíno Jūmenijicv**

(Mr 12.41-44)

**21** <sup>1</sup>Jesús jáñv marejaimada ina pōeva cvve cvvavrvre ne vre távtvrvre Jūmenijicui cvrami távtvra jíve epeitōcvi jíni tvoivvve. <sup>2</sup>Járejaimada cvvínaco nomiōpecore cvve cvvabecore, pvcatvrvra távtvratvrvare,

me bojecubetavare tuodore. <sup>3</sup>Aru arejameða:

—Jåve coyuyubu mujare: Ico nomiõpeco cuve cunabeco Jümenijicure jíbico arevü ne jíye püeno baju, õi jíye boje õi cunarõ cainore. Ubenita nácarüravu quénora quíjino ne cunvarõcarõre jíyama. <sup>4</sup>Caivu ina põeva ne urarõ cunvacarõre jíyama Jümenijicure náre jaubede. Ubenita ico nomiõ õi quíjino cunvarijino mácarõre jíbico cainore Jümenijicure. Caiye õi ijáravüi cunvajroede jíbico õ Jümenijicure, arejameða Jesús.

**Jesús üi coyüino “Jümenijicui cürami tuquiyebu” arí**  
(Mt 24.1-2; Mr 13.1-2)

<sup>5</sup>Arevü, Jümenijicui cüramine jári, arejaimaða:

—iPare meavabu iva cürava! iAru pare meadamiamu inãmia cüramia! iAru pare mearomu põeva ne jino mácarõre, coyayarájivu diñamiare! arejaimaða na.

<sup>6</sup>Ne que aiyede, Jesús arejameða:  
—Apejáravu cuquiyebu cüiné ðaijáravu baquinó caiye iye muje jáiyede. Cüináva cürava mautebequiyebu apeva püenora. Caiye iva cüravare tavarájarama. Que teni cüiquiyebu die, arejameða Jesús.

**Jáðovaiye járavu cüiquíye jipocai**  
(Mt 24.3-28; Mr 13.3-23; Lc 12.11-12)

<sup>7</sup>Jesúi bueimara jëniari járejaimaða úre:

—Mü, bueipõecu, ðaiyiyede tuquidi caiye iye cüramia uraðãmia? ¿Aipe ðarí coreóvarájidica ñuja caiye iye buojaquiyede? arejaimaða na.

<sup>8</sup>Aru Jesús arejameða náre:  
—Me jájara apecu jujovaiyücure mujare. Darájarama obedivu ümüva. Aru arájarama “Cristobu yu” aru “Cristoi ðaquijáravu baquinó joabejñotamu”. Náre ju abejarã. Aru náque numejara. <sup>9</sup>Muje jápaiyede boaino borore aru boaquino borore máre, jidubejarã. Caiye iye vaiquiyebu járavu cüiquíye jipocai. Ubenita cüimébu cáreja, arejameða náre Jesús.

<sup>10</sup>Dinümü arejameða náre:

—Cünáyajubo põeyajubocavu áðamatenajarama apeyajubo põeyajubocavüque. Aru cüináro jaboteinocavu áðamatenajarama apeno jaboteinocavüque. <sup>11</sup>Urarõ joborõ cújiquiyebu obedicüðare. Nájinajarama ávüéna aru duica ijíede máre, yainájivu. Aru járajarama urarõ jáðovaino jidojarõre cavarõi.

<sup>12</sup>Ubenita iye vaiquíye jipocai põeva jënajarama mujare. Ámeno ðarájarama mujare. Jëni jínajarama mujare ina judíovai cójjiñamine coreipõevare aru ina ámeina teivüre jëni jacoñamine coreipõevare máre. Nüvarajarama mujare, muje núrajíyepé aivü cõjeipõeva ne jáinoi aru jabova ne jáinoi máre, yure muje ju aye boje. <sup>13</sup>Dinümüta muja coyurájaramu ji borore. <sup>14</sup>Que baru muje baju majijarã, dápiabenajivu aipe muje arájinore. <sup>15</sup>Que teni yévacari majide ðacuyümu mujare, muje coyurájíyepé ayu méne. Que baru caivu ina muje mauva mujare copü yávarí aru mujare majibeüpe jáðovari buojabenajarama. <sup>16</sup>Mujebücüva máre, mujemamina, mujevü, aru muje yóvaimara máre jëni jínajarama mujare, jabovare ne boarí jarüvarájíyepé aivü mujacavüre. <sup>17</sup>Aru caivu mujare, muje ju aye boje yure, jorojini járajarama. <sup>18</sup>Ubenita cünájíyo muje poðaðo bíjabequiyebu. Que baru ye ámeno ðabenajarama mujare. <sup>19</sup>Muja ju aivü baru yure, muje yainümüita, earájaramu muja járavu cüiméjáravu baquinóre.

<sup>20</sup>Ubenita muje jáiyede ina muje mauva churarava jacotürádivüre Jerusaléne, majinajaramu joabenore diimaro bíjaquinore. <sup>21</sup>Dinümüta ina Judeacavu dupini nüjarari cüracüai. Aru ina ímarocavu cúyarí etajarári ímarore jocarí. Aru ina jioi cürivu ecobejarári ímarore. <sup>22</sup>Dijáravua Jümenijicui ñájiovaquijáravua baquiyébu, eaquiyepé ayu caiye iye toivaiye báquede áñijáravua baquiyéde. <sup>23</sup>iCómaje árojarajarama ina nomiva micava bárájivu! iAru ina nomiva némajina nuri

dajocabevure cūvarājivū märe, pare ñájinajarama na! Dijāravua baquiyéde urredō āmeno edaquiyebu ijborōre. Aru ijāravucavū ñájinajarama urredō baju. <sup>24</sup>Ne mauva boarí jarūvarājarama nācavure. Aru buorí arevure, nūvarajarama náre cainoa joborōai. Aru bījarorājarama Jerusaléne ina judfova āmevū ne jaboteinūmu buojaiyeta, arí buedejameđa náre Jesús.

**Jūmenijicūi daroimū mácu ūmure ūi copaidaquino**

(Mt 24.29-35, 42-44; Mr 13.24-37; Lc 19.47; Ap 1.7, 6.12-13)

<sup>25</sup>Jesús buede nurejameđa, yópe arí: —Jūmenijicū jādovacūyūme ūi paruéde aviáque, aru aviá ñamicacūque, aru abiacovaque märe. Ijāravucavū, cainoa joborōacavū, jidūrivū cārijinajarama jia urada pācaiyē pare bujijé boje.

<sup>26</sup>Aru pōeva cuecumarajarama, ne jidué boje, dápiaivū caino no āmeno vaiquínore ijāravucavure. Que baru caivū ina paruéque cūrivūvacarí cavarōi cūjinajarama. <sup>27</sup>Dinūmu jārājarama yūre, Jūmenijicūi daroimū mácuere ūmure. Dacūyūmu ocopeniboi, urredō paruéque, jādovacūyū meacu bajure. <sup>28</sup>Que baru caiye iye buiyede yópe ji coyūiyēpe, jidūbejarā. Dinūmu maquinóre maumena Jūmenijicū meadaquijibi mūjare, arejameđa náre Jesús.

<sup>29</sup>Aru Jesús coyūrejameđa náre jārí dāpiarí ne đarājiyēpe ayū:

—Jājara icū jocusū higueraeure aru arecua jocusuare märe. <sup>30</sup>Yoca yuiyede majivū mūja ūjūrūmu joabenore.

<sup>31</sup>Nopedeca jāivū caiye iye teiyede, majinajaramu mūja Jūmenijicūi jabotequinūmu joabenore.

<sup>32</sup>Jāve coyūyūbu mūjare: Arevū ijāravūi cūrivū yaibédeca cāreja, vaiquiyebu caiye iye yópe ji coyūiyēpe.

<sup>33</sup>Caino cavarō aru caino joborō märe cūiquiyebu. Yópe ji yāvaiyepedeca jāve vaiquiyebu.

<sup>34</sup>Cārijovamejara mūje torojūve teiyēque, aru āiyēque, aru ūcūiyēque mūje pacoteiyede, aru caiye ijāravū

đaiyēque märe. Me jājara mūja, ānijāravū, ji copaidaquijāravū baquinó, edabequiyēpe mūjare mūje corebede, yópe doriñū jēiyēpe moacūre.

<sup>35</sup>Ānijāravū baquinó edaquiyebu caivū ijāravucavure maumejiena. <sup>36</sup>Ūbenita ārūjara cainūmu. Mūje vaiyede caiye iye ñājiyede, jēniajara Jūmenijicūre, ūi jīquiyēpe aivū mūjare ūi paruéde, nūrājivū jidūbevūva aru cūyēbevūva märe Jūmenijicūi daroimū mácu ūmure, ji jāinoi, arejameđa náre Jesús.

<sup>37</sup>Cāijāravua Jesús bueyū barejameđa Jūmenijicūi cūrami. Ūbenita nainfburu yóboi, ĩmarore jocarí nūri, Jesújā cāranūvarejaimađa cūracū Olivocū āmicuricūi. <sup>38</sup>Aru javejina coapa ĩmaroi copaini, Jūmenijicūi cūrami ecovarejameđa cojedeca Jesús. Aru obedivū pōeva ūre jāpiarānurejaimađa ūi yebai nore.

**Jesús ūi coyūino ne jēnainore ūre yóboimia**

(Mt 26.1-5, 14-16; Mr 14.1-2, 10-11; Jn 11.45-53)

**22** <sup>1</sup>Pascua āmicurijāravū, páure bucūre đaiye cube āiye torojūve teinūmu joabeno marejāvūya.

<sup>2</sup>Ina sacerdotevare jaboteipōeva aru Jūmenijicūi yāvaiye báquede buaipōeva jūjovarí jēni, boarí jarūvaiyūrejaimađa Jesúre. Ūbenita jidūrejaimađa ina obedivū pōevare.

<sup>3</sup>Dinūmure ñai abujuvai jabocū, Satanás, đaicōjēnejaquemavū Judas Iscariotede, ñai cūinācu ina doce paivū Jesúi bueimaracacūre. <sup>4</sup>Que teni ñai Judas coyūcūnurejameđa ina sacerdotevare jaboteipōevare aru ina Jūmenijicūi cūramine coreipōevare märe. Náre jēni jīyūrejameđa Jesúre.

<sup>5</sup>Ūi đaiyūede jāpiarí, torojūrejaimađa na. Que baru arejaimađa ūre: “Ñūja jīnājivūbu mūre tātūurare, ñūjare mi jēni jīye boje ūre yavenina”, arejaimađa Judare. <sup>6</sup>Judas ju arejameđa náre. Que baru jāri coreni búrejameđa, jēni jīcūyū Jesúre yavenina, ina obedivū pōeva ne jāmeno.

**Jesús ñi ãino ñi bueimaraque**  
(Mt 26.17-29; Mr 14.12-25; Jn  
13.21-30; 1 Co 11.23-26)

<sup>7</sup>Páure bucure ðaiye cube ãiye torojúve tejjáravu barejávüya. Pascua jãravucacure, ovejãjicure, boarí, toaque juarí, ávarejaimada dijãravure. <sup>8</sup>Que baru Jesús, Pedroke aru Jũare máre jarorí, arejamedã náre:

—Meadarãñujara maje Pascua jãravuque ãiyede maje árajiyede, arejamedã náre Jesús.

<sup>9</sup>Aru jëniari járejaimada Jesúre:  
—¿Ári nuri meadacarãjidica ñuja diede? arejaimada na.

<sup>10</sup>Ë arejamedã náre:  
—Muja ecoivu bácvu ímarore, ëmeni, nõcacure oco tuyure copurãjaramu muja. Éque nuri, cüramine ñi ecoiyede cüináturu muja máre ecojarã. <sup>11</sup>Diñami upacure yópe ajarã muja: “¿Átucububa ji bueimaraque ji Pascua jãravure ji áquitucubu?” aibi bueipõecu”, ajarã muja. <sup>12</sup>Diñami upacurãpüravũ puenocatucubu uratucubu jave majare javéde meadaitucubu bácarõre mujare jáðovacuyume ñ. Noi ditucubui majare maje árajiyede meadajarã muja, arejamedã náre Jesús.

<sup>13</sup>Ëre ju arí, nuri, ímaroi earejaimada na. Earí, nore Jesús ñi ãiye báquepedeca ñi aitucubure earejaimada. Noi Pascua jãravuque ãiyede meadarejaimada na pncarã.

<sup>14</sup>Que teni ne Pascua ãiora barejávüya. Jesús earí, dobarejamedã tuoiva yebai ñi yávaiye méne beorí coyucõjeimaraque. <sup>15</sup>Aru arejamedã náre:

—Pare ãiyuvu yu iye Pascua ãiyede mujaque ji ñãjiquiye jipocai. <sup>16</sup>Que baru coyuvu muja: Ámecubu yu Pascua jãravuque ãiyede cojedeca, pu Jũmenijicui jaboteino eaiyeta, arejamedã Jesús.

<sup>17</sup>Ûcuidore ñni, Jũmenijicure torojúvede jíniburu yóboi, arejamedã:

—Ëju, coapavajarã dicorore muje baju. <sup>18</sup>Que baru coyuvu muja: Quénora vino úyaicorore úcuñmu yu ijãravure.

Ûcumeçubu dicorore cojedeca, pu Jũmenijicui jaboteinũmu, arejamedã ñi bueimaraque Jesús.

<sup>19</sup>Ne ãiyedeca, páure ñni, Jũmenijicure torojúvede jídejamedã Jesús. Torojúvede jíni buojari, páure cotuvarejamedã. Cotavari buojari, náre coapa jíni, arejamedã:

—Dápijarã iye páure yópe muje dápiayepi ji bajure. Jíquijivu yu ji bajure, ne boarí jaruvãrãjiiyepi yure, mujare ji meadaquiye boje. Que baru muje ãiyede iye páure, árujara yure, arejamedã náre Jesús.

<sup>20</sup>Aru nopedeca Ûcuidore ñni, ne ãri bubaríburu yóboi, Jesús arejamedã:

—Dápijarã iye Ûcuiyede yópe muje dápiayepi ji jivede. Jíquijivu yu ji jivede, ne boarí jaruvãrãjiiyepi yure, mujare ji meadaquiye boje. Que baru yure mequiyebu ji jive obedivure boje. Jũmenijicu “Yópe ðajarã muja, boropatebenajivu ji jáinoi”, ñi yóbocarõ coyuno mácarõre pöevare árujararamu muja, muje Ûcuiyede diede. <sup>21</sup>Ëbenita jájara. Ñai ñmu jëni jícuyu yure ji mavare cubi yui tuoiva yebai yáque.

<sup>22</sup>Yu, Jũmenijicui daroimu mácu ñmure ijãravui, ji yãjãravui nucuyumu yu, yópe Jũmenijicui toivaicõjeiye báquepedeca ñi yávaiyede. Ëbenita ãmeno vaicuyume ñ, ñai yure jëni jíyu bacuyú, arejamedã Jesús.

<sup>23</sup>Que baru jëniari jári búrejaimada ne bajumia:

—¿Ñame maquidí jëni jíyu Jesúre ñi mavare? arejaimada na.

**¿Ñamema parucu maje jënebore?**

(Mt 18.1, 19.28, 20.25-28, 23.11; Mr  
9.34-35, 10.42-45; Lc 9.46; Jn 13.12-15)

<sup>24</sup>Jesú bueimara yópe yávarejaimada ne bajumia:

—¿Ñamema majacacu parucu aprevũ pueno? arejaimada.

<sup>25</sup>Jesús arejamedã náre:

—Ina judíova ãnevũ ne jabova parucéque cõjeivubu ne jaborõcavure, ne ðacarãjiiyepi aivũ náre ne urõpe. Aru ina jaborõcavũ, “Ñujare cadateipöevatamu”,



aivubu ne jabovare. <sup>26</sup>Ūbenita nápe ďabejarā mŭja. Ńnai mŭjacacu parucu baiyucu baru, mŭjeoyocupe memecajacurī mŭjare. <sup>27</sup>Apevu dobarivubu tuoiva yebai. Aru apevu, ne yebacavu, jŭyama ina dobarivure ne āiyede. ĆŃamema parucu apevu pŭeno? ĆŃai dobacu tuoiva yebai o Ńnai yebacacu pŭeno parucuba? Jāve Ńnai dobacu tuoiva yebai pŭeno parucube. Ūbenita yu cŭvu mŭje jēneboi yebacacupe.

<sup>28</sup>Mŭja dajocabevu yure ji Ńājijede, quénora Ńājivu mŭja cūnáturu yúque. <sup>29-30</sup>Yópe jŭpacu ũi jŭyepa yure ji jabotequinore, nopedeca yu máre jŭvu mŭjare mŭje jabotenajinore, mŭje dobarājiyepa ayu ji tuoiva yebai ji jabotequiyede, ārajivu aru ũcurajivu yúque, aru mŭje dobarājiyepa ayu jabovai dobarōa mearoara, coyŭrajivu mearare o āmenare ina doce paiyajuboa Israecavure, arejamedā Jesús ũi bueimarare.

**Jesús ũi coyũino Pedrore ũi “Jesúre yu coreóvabevu” aquinore**

(Mt 26.31-35; Mr 14.27-31; Jn 13.36-38)

<sup>31</sup>Jesús arejamedā Simón Pedrore: —Mu, Simón, Ńnai abujuvai jabocu Satanáre Jŭmenijicu jujovaicójeimi mŭjare, yópe pŭeva ne jajuóiyepa matore. <sup>32</sup>Ūbenita yu jēniavui Jŭmenijicucque, mi dajocabequiyepa ayu mi ju aiyede ũre. Ńnai abujuvai jabocu mure jujovarĩburu yóboi, mi me cuquiyede Jŭmenijicucque cojedeca, caďatejacu apevu ũre ju aivure, mi yóvaimarare, arejamedā Jesús.

<sup>33</sup>Aru Simón Pedro arĩdurejamedā Jesúre:

—Mu, ji jabocu, āmeina teivure jēni jacoĩnami múque nuñu buojavui yu. Aru múque yaiyú máre buojavui yu, arĩdurejamedā Jesúre.

<sup>34</sup>Ūbenita Jesús arejamedā ũre:

—Mu, Pedro, coyũyubu mure: “Jesúre yu coreóvabevu”, acũyũtu mu cari Ńnami, cáyu ũi órejaquiyepa jipocai. Aru yóbcue nópe acũyũtu mu, arejamedā Pedrore Jesús.

**Jesúre ne jēnajino joabeno**

(Mt 10.9-10; Mr 6.8-9; Lc 9.3, 10.4)

<sup>35</sup>Jesús arejamedā náre, ũi bueimarare:

—Javede ji jaroiyede mŭjare nŭvameteavũ mŭja tauturare, aru curubuare, aru curaidoare máre. ĆYe jaũtearĩ mŭjare? arejamedā náre Jesús.

Aru ju arejaimada ũre:

—Jaubeteavũ Ńmŭjare, arejaimada na.

<sup>36</sup>Ū arejamedā náre cojedeca:

—Ūbenita caride Ńai tauturare cŭvacu baru, nŭvajacurĩ diede. Aru Ńnai curubure máre cŭvacu baru, nŭvajacurĩ dicurubure. Aru Ńnai boaicarovede cŭvabecu baru, ũi pŭenocacaje doicajede jŭjacurĩ, bojedacuyu boaicarovede.

<sup>37</sup>Coyũyubu mŭjare: Javede Jŭmenijicui yáva iyede coyũcaipóecu bācu, yópe arĩ, toivarejaquemavu yŭrā: “Pŭeva ũre ďarājarama yópe ne ďaiyepa āmeina teivure”, arĩ toivarejaquemavu. Aru ji mauva ďarājarama yure nópe iye toivaiye báque coyũiyepa, arejamedā Jesús.

<sup>38</sup>Arejaimada na:

—Mu, Ńmŭje jabocu, jájacu. Yuibu pŭcavea boaicarovea, maje boarājivea, arejaimada.

Aru Jesús ju arejamedā náre:

—Quénora meaquiyebe, arejamedā Jesús.

**Jesús Getsemaní ũi jēniavui Jŭmenijicucque**

(Mt 26.36-46; Mr 14.32-42)

<sup>39</sup>No yóboi Jesús etarejamedā ne Pascua aĩtucubure jocarĩ. Aru ũi ďarĩ cŭmajiyepa nurejamedā cŭracũ Olivocũ āmicŭricũ. Ūi bueimara máre yóvarejaimada ũre. <sup>40</sup>Ne eaiyede ũi nŭiyŭrŭ mácarŭi, Jesús arĩdurejamedā náre:

—Jŭmenijicucque borotejarā mŭja, abujuvai jabocui mŭjare jujovarĩ, āmeina tede ďabequiyepa aivũ, arĩdurejamedā náre Jesús.

<sup>41</sup>Que ayu bācu, náre jocarĩ nurejamedā, yópe pŭecu cŭraboro

đuvarī jaroinope paino baji. Aru ñuatutarī joborōi borotedejameđa Jūmenijicuque.

<sup>42</sup>—Mũ, jipacu, yure cari vaiquíye vaibéjađeni. Caiyede đaiye majicıtamu mũ. Ûbenita ji urōpe đabejacu. Quénora mi urōpe đajacu mũ, arejameđa jípacure Jesús.

<sup>43</sup>Dinũmure cūinácu ángele, cavarō mearo Jūmenijicui curōcacu, járorejameđa ũi yebai, cadatecudayu earejameđa. <sup>44</sup>Jesús ũi urarō ñájiye eare, pueno parurō borotedejameđa Jūmenijicuque. Que teni ijove darī, jivepe turejavāya joborōi.

<sup>45</sup>Aru boroteni b̄ojarī, nacajari copainurejameđa, ũi bueimara yebai. Earejameđa náre cāivure, uetivure, ne chíoiye boje. <sup>46</sup>Dinũmũ Jesús arejameđa náre:

—¿Aipe teni cāivurũ muja? Nacajajara. Jūmenijicuque borotejarā muja, abujuvai jabocui mujare jujovarī, āmeina tede đabequiyepe aivũ, arejameđa náre Jesús.

#### Jesúre jēni ne nuvaino

(Mt 26.47-56; Mr 14.43-50; Lc 19.47, 21.37; Jn 18.2-11)

<sup>47</sup>Jesús ũi boroteiyedecata earejaimađa obedivu pōeva. Judas, ina doce paivucacu, jipocatedejameđa náre. Jesús yebai nuri, ũre jiva nuri jacyurejameđa. <sup>48</sup>Ûbenita Jesús arejameđa ũre:

—Mũ, Judas, ¿jiva nuri jacyuyurũ mũ yure, Jūmenijicui daroimu mácure ũmure, jēni jícyu yure ji mauvare? arejameđa Jesús ũre.

<sup>49</sup>Ina Jesúi yóvaimara, jáivũ iyede vaiyede, jēniari járidurejaimađa Jesúre:

—Mũ, ñuje jabocu, ¿boarājidi ñuja náre iveá boaicaroveaque? aridurejaimađa na.

<sup>50</sup>Dinũmũma cūinácu Jesúi yóvaimaracacu ũi boaicarovede tatorī, duarī, ĩni, sacerdotevare jaboteipōecui yebacacure juijorī najuárejameđa ũ, ũi meapūravucacumucare. <sup>51</sup>Ûbenita Jesús arejameđa:

—Dajocjarā diede quénora, arejameđa.

Que ayava, ũi cāmucare tuorī, ũre meadarejameđa Jesús. <sup>52</sup>Dinũmure Jesús arejameđa ina sacerdotevare jaboteipōevare, aru ina Jūmenijicui cūramine coreipōevare, aru ina judíova bucuvare máre:

—¿Tatorī ñavaipōecure jēivure yure boaicaroveaque aru boaiduaque jēni jacorādaivurũ muja? <sup>53</sup>Jārvava coapa mujaque Jūmenijicui cūrami cítecacu yũ. Arurī mujaque cūcure, yure jēni jacobeteavũ muja. Ûbenita caride Jūmenijicu mujare đaicōjeñme muje urōpe yúque. Aru caride abujuvai jabocu āmeno đare đabi yure, yópe muje urōpe, arejameđa Jesús.

#### “Jesúre yũ coreóvabevũ” arī, Pedro ũi coyũino

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup>Que arurata Jesúre jēni, sacerdotevare jaboteipōecui cūrami nuvarejaimađa ũre. Aru Pedro joajienata ũi yóboi nure nuñũ mácu, sacerdotevare jaboteipōecui tãibui ecorejameđa ũ. <sup>55</sup>Apevu Jesúre nuvaivũ bācavucavu toabore dacuvarĩburu yóboi, dobarejaimađa toabo écarui nore tãibu coricai. Aru Pedro máre dobarejameđa ne jēneboi. <sup>56</sup>Ûi noi dobaedeca, yebacarómivacaco cūináco járejacođa Pedroro, toabo pēoiyede ũi jivare. ũre me cocorī, arejacođa:

—Ñai ũmũ máre cítebi Jesúque, arejacođa ō.

<sup>57</sup>Ûbenita Pedro ju abedejameđa ōi yáva iyede:

—Jesúre yũ coreóvabevũ, arejameđa.

<sup>58</sup>Que arĩburu yóji boi, apescu, Pedroro jáñũ, arejameđa:

—Mũ máre nácacubu, arejameđa.

Ûbenita Pedrocavũ arejameđa cojedeca:

—iNácacu āmevũ! Jesúre yũ coreóvabevũ, arejameđa.

<sup>59</sup>Cūinóra yóboi, apescu máre arejameđa parurōreca:

—Jāve ñai ũmũ cítebi Jesúque. Û máre Galileacacutame ũ, arejameđa.

<sup>60</sup> Ñbenita Pedrocapuravu jāve ayupe, pare baju arejameđa cojedeca:

—iJāveneca Jūmenijicui jáinoi yu mure coyuyutamu! iJāve ji coyūbedu, Jūmenijicu āmedajacurī yure! Mi aimure ye majibecutamu yu. Ñai Jesúre yu coreóvabevu, arejameđa.

Dinumuma, ũi que aye bajure, órejurejameđa cáyu. <sup>61</sup> Que teiyedata, Jesús copedini járejameđa Pedrorre. Aru ũi ānurejameđa Jesús ũi coyuiye báquede: “Cari ñami, cáyu ũi órejaquie jipocai, yóbecue baju ‘Jesúre yu coreóvabevu’, acuyumu mu”, arí coyuiye báquede ānurejameđa Pedro. <sup>62</sup> Aru ārucu, cūiná etarī, pare chíori orejameđa ũi.

#### Jesúre ne yávarī yurino

(Mt 26.67-68; Mr 14.65)

<sup>63</sup> Ina Jesúre coreipōeva yuridejaimađa ũre. Aru totatarejaimađa ũre. <sup>64</sup> ũi yacorure moari, ũre pēvavari, arejaimađa:

—Coyujacu mu. ¿Ñame matedí mure pēvañu? arejaimađa na.

<sup>65</sup> Aru urarō yávarī, āmeina yávorejaimađa ũre.

#### Jesúre ne nūvaino judíovai jabova cójijivū yebai

(Mt 26.59-66; Mr 14.55-64; Jn 18.19-24)

<sup>66</sup> Avia ũi tucumuiyede, ina judíova bucuvu, aru ina sacerdotevare jaboteipōeva, aru ina Jūmenijicui yáviye báquede buaipōeva máre cójijidejaimađa na. Nūvarejaimađa Jesúre ne cójijinoi. Aru arejaimađa ũre:

<sup>67</sup> —Mu Cristo baru, coyujacu ñujare, arejaimađa na.

Aru Jesús arejameđa náre:

—Ji coyuru, muja ju abenajaramu yure.

<sup>68</sup> Aru ji jēniari járu, ju abenajaramu muja yure. <sup>69</sup> Ñbenita yure, Jūmenijicui daroimu mácure ũmure, járajaramu muja caride pu cainumua Jūmenijicu parucui meapūravui dobacure, arejameđa.

<sup>70</sup> Dinumu caivu ina jēniari járejaimađa:

—¿Jūmenijicui mácurū mu? arejaimađa.

Jesús ju ayu náre arejameđa:

—Quédeca, muje aimurecabu yu, arejameđa ũi.

<sup>71</sup> Nacapūravu arejaimađa:

—Apevu ne coyuiye jaubevu. Javeta jápiadavū maja ũi coyuiyede ũi baju āmeina teyure, jorojīni arejaimađa na.

#### Jesúre ne nūvaino Pilato yebai

(Mt 27.1-2, 11-14; Mr 15.1-5; Jn 18.28-38)

**23** <sup>1</sup> No yóboi caivu ina judíovai cójijinocavu nacajari, Jesúre nūvari, jabocu ũi āmiá Pilato yebai jacorānurejaimađa na. <sup>2</sup> Aru āmecororī búrejaimađa Jesúre.

—Ñuja eavu ñai ũmure jaruvarīduyure maje jaborōre, aru bojeđaicōjemecure ñujare tāuturare maje jabocu Césare, aru ayure ũi baju “Cristobu yu” aru jabocu máre, arejaimađa na Pilatore.

<sup>3</sup> Ne que aiyede, Pilato jēniari járejameđa Jesúre:

—¿Máru judíovai jabocu? arejameđa.

Jesús ju arejameđa:

—Quédeca, mi aimurecabu yu, arejameđa.

<sup>4</sup> Pilato arejameđa ina sacerdotevare jaboteipōevare aru caivu ina obedivu pōevare:

—Āmeina tebecutame ũi ji járu, arejameđa.

<sup>5</sup> Ñbenita parurōreca arejaimađa bediōva cojedeca:

—Ñai cārijovaimi caivu Judeacavure ũi buieyeque. Bueni búquemavu Galileai. Aru edaibi yuita, jorojīvu arejaimađa na.

#### Jesúre ne nūvaino Herodes yebai

<sup>6</sup> Ne nópe āmecoroiyede jápiarī Pilato, jēniari járejameđa:

—¿Galileacacuba ũ? arejameđa.

<sup>7</sup> Ina Jesúre āmecoroivu ne ju aiyede, Pilato majicu Jesúre Galileacacure, jarorejameđa ũre Galileacavu ne jabocu Herodes yebai. Dinumu ñai Herodes Jerusalén āmicurīmaroi curejameđa.

<sup>8</sup> Jesúre jári, torojurejameđa Herodes, ũi jápaiye báque boje Jesúi dáieye báque borore. Que baru ũre pare jáiyucu barejámeđa. Jesús pōeva ne đarī majibede

dayure pare jáiyurejameda Herodes.  
 9 Jesúre caijiene jēniari járidurejameda Herodes. Ëbenita Jesúcapūravu bi arejameda úre. 10 Herodes ũi jēniari jáiyede Jesúre, pare āmecoroivu barejáimada ina sacerdotevare jaboteipōeva aru Jūmenijicui yáviaye báquede buaipōeva máre. 11 Dinumuma Jesúre yurini, āmeno baju úre ðarejaimada na, Herodes ũi churavaque. Doicaje meacajede Jesúre doarí, úre yurini, Pilato yebai jacopaiyovari jarorejameda Herodes. 12 Jipocare ina jabova pucarā maucvarejaimada ne baju. Ëbenita ne que teijāravui, dijāravu baji, boroteni, meaðarejaimada ne baju, Herodes Pilatomaque.

**Pōeva ne boarí jaruvaicōjeino Jesúre**  
 (Mt 27.15-26; Mr 15.6-15; Jn 18.39-19.16)

13 No yóboi Pilato cójjiovarejameda ina sacerdotevare jaboteipōevare aru apevu judíova cójjinocavure máre. 14 Ne cójjiyede ũi yebai, arejameda náre:

—Nai ũmure davaivubu muja ji yebai. Úre boro coyurí adarí, “Ë jaruvaríduibi maje jaboróre”, aivubu yure. Ëbenita muje jáinoi yávacari jēniari jáivu úre ũi ðaiye báquede. Aru ũi coyuyede jápiaríburu, coyuyubu mujare: Ámeina tebecutame ũ ji járu. 15 Herodes máre Jesús ũi ámeina teiyede eabetecube. Que baru jacopaiyovacube úre ñuje yebai cojedeca. Jápijarā. Coreóvaivubu muja. Ëi ámeno ðaru, úre boarí jaruvaicōjejebu yu. 16 Que baru jara popeicōjeniburu yóboi, jaetovaquijivū úre, arejameda náre Pilato.

17 Nópe ðayu Pilato, ũi ðarí cōmajiyē boje ujuá coapa no torojūve teinūmure, cūinácu jacoimū mácure, pōeva ne etavaicōjeimure, jaetovavarejameda ũ. 18 Ëbenita caivu ina pōeva coðoboborejaimada cūnáturu, boarí jaruvaicōjeivū Jesúre.

—Iñaine boarí jaruvaicōjejacu mu! Barrabáre jaetovajacu mu, arí coðoboborejaimada na.

19 Nai Barrabás āmicucure jacorejaimada ámeina teivure jēni

jacoiñami ũi boarí jaruvaivue boje Romacavure, ne jaboteiye boje Jerusalén āmicuríimarore, aru pōevare ũi boarí jaruvaivue báque boje máre. 20 Ëbenita Pilatocapūravu jaetovaiyurejameda Jesúre. Que baru bediόva cojedeca coyurídurejameda ina pōevare. 21 Ëbenita cojedeca coðoboborejaimada ina pōevacapūravu, boarí jaruvaicōjeivū Jesúre.

—ÍËre jocucujaravena pēvari boarí jaruvaicōjejacu mu! arí coðoboborejaimada Pilatore.

22 Bediόva cojedeca Pilatocapūravu arídurejameda náre:

—¿Yéde ámeina tearí ñai? Coreóvaivubu muja. Ëi ámeno ðaru, úre boarí jaruvaicōjejebu yu. Que baru jara popeicōjeniburu yóboi, jaetovaquijivū úre, arídurejameda Pilato náre.

23 Ëbenita ina pōevacapūravu parurōreca coðoborí bujiéque boarí jaruvaicōjenejaimada Jesúre. Que baru Pilato ju arejameda náre. 24 Boarí jaruvaicōjenejameda úre ina pōeva ne urōpe. 25 Pilato jaetovarejameda ñai boarí jaruvayū bácure, ámeina teivure jēni jacoiñamicacure, ne jēniāmure. Ëbenita jídejameda Jesúre náre, ne ðarājipepe ayu úre yópe ne urōpe.

**Jesúre ne pēvari yuyaino jocucujaravena**

(Mt 27.32-44; Mr 15.21-32; Jn 19.17-27; Ap 6.16)

26 Jesúre ñvarejaimada. Jocucujaravede ture nuñu marídurejameda ũ. Aru cuyu bácu ímaroi earejameda Simón, Cirene āmicuríimarocacu. Nore vaiyúre, úre Jesús ũi jocucujaravede tuino mácarōre tuicōjenejaimada na, churava, Jesús yóboi.

27 Obedivū pōeva nurejaimada ũi yóboi. Aru nácavu nomiva orejaimada pare, ne chíoiye boje. 28 Ëbenita Jesús copedini, náre jári, arejameda:

—Muja, Jerusalécavu, obejarā yure. Quénora ojarā muje bajure, mujemarare máre. 29 Apejarāvua baquiyéde pōeva

arājarama yópe: “Torojurājarama ina jue docuvavevu, aru ina jue doe abevu máre”.<sup>30</sup> Arājarama cūracūa uracūare: “Tujacūari ñujare”. Aru arājarama cūracūare: “Yavejacūari ñujare”.

<sup>31</sup> Muja jáivu ne daiyede yure, meacure, jocucupe páyure. Que baru jáve pñeno ámeno ðarājarama mujare, ámenare, yópe pecacupe paivure, arejamedá náre Jesús.

<sup>32</sup> Aru pucarā ámeina teivure máre ñvarejaimada ina churarava, Jesúque ne boarí jaravarājimarare.

<sup>33</sup> Põe jipobucū ámicuricū cūracūi eaivu, Jesúre jocucujaravena pēvari jēorejaimada na. Aru ina pucarāre máre ne jocucujaravea coapa pēvari jēorejaimada na, cūinácure meapūravui, apécure cācopūravui, aru Jesúre ne coricai. <sup>34</sup> Ūbenita Jesús arejamedá:

—Mu, jipacu, ne ámeina teiyede árumetejacu mu. Coreóvabema ne ðainore, arejamedá Jesús jípacure.

Churarava ne yajuiyede ðuvarí, cainijidua eta iyede jári, Jesús ũi daiyede náre coapa ñejaimada na, úre pēvaivu bācavu. <sup>35</sup> Pōeva nore cocoivu barejáimada. Aru nācavu judíovai jabova, Jesúre yurivu, yópe arejaimada na:

—Apevure meadavacacu. Caride jáve Jūmenijicui beoimu maru, Cristo baju baru, ũi bajure meadajacurí ũ, arejaimada na.

<sup>36</sup> Ina churarava máre úre yurivu barejáimada na. Ūi yebai nuri, ũcuiye upiáteiye báquede úre jñidurejaimada na, úre ijibequiyepe aivu. Aru arejaimada úre:

<sup>37</sup> —Mu judíovai jabocu baru, mi baju mi yaiquínore meadajacu, arejaimada Jesúre ina churarava.

<sup>38</sup> Jocucujaravena, ũi pñeno, toivaino jēnevavūya. “Judíovai jabocube”, aiyurejavūya no toivaino. Griegova ne yávaicamuaque, Romacavu ne yávaicamuaque, aru judíova ne yávaicamuaque máre toivarejaimada nore.

<sup>39</sup> Aru cūinácū ina ámeina teivucacu, jocucujaravena ne pēvaimu mácu, Jesúre ámeina yávrejamedá ũ máre.

—Mu, ¿Cristo ámecurū mu? Cristo baju baru, mi baju mi yaiquínore meadarí, ñujare máre ñuje yainájiyede meadacajacu mu, arejamedá Jesúre.

<sup>40</sup> Ūbenita apēcucapūravu Jesúre ámeina ayure jári, jararejamedá:

—¿Jūmenijicure jidubecurū mu? Maja yaivutamu, maje ámeina teiye báque boje. <sup>41</sup> Que baru ámeno vaivu majare. Ūbenita ñai ámeina tebecutame ũ. Majacapūravu maje ámeina teiye báquede bojedavutamu maja, arejamedá.

<sup>42</sup> Que ayuva, arejamedá Jesúre:

—Mu, Jesús, jabocu bacuyá, árujacu yure, arejamedá.

<sup>43</sup> Aru Jesús ju arejamedá úre:

—Jáve coyuyubu mure: Cari jaravumica Paraíso ámicurōi yúque cucuyumu mu, arejamedá Jesús ñai chíõñure ũi ámeina teiye báquede.

#### Jesús ũi yaino

(Mt 27.45-56; Mr 15.33-41; Lc 8.2-3;

Jn 19.28-30; Hch 7.59; He 10.20)

<sup>44</sup> Jāravu corica baji ñemié turí darejavūya caino joborōi. Pu yóbecuriora yóboita vaidéjavūya. <sup>45</sup> Que baru yóbecuriora baju ye aviá pēomenejamedá. Aru Jūmenijicui cūramicacaje uracaje coricópavacaje bācarō quēda corica baji jadeni ñurejavūya. <sup>46</sup> Dinumure pare bujije coðoborí, yávarí darorejamedá Jesús:

—Mu, jipacu, ji ũmene mure jíyubu yu, arejamedá Jūmenijicure.

Que ayuva, yaidéjamedá ũ.

<sup>47</sup> Nore Jesús bácuere cocorí núcu barejamedá churaravai jabocu. Jesús yaiyúre jári, mearore jídejamedá Jūmenijicure.

—¡Jāveneca ñai ũmu ámeina tebecu batecúbe! arejamedá churaravai jabocu.

<sup>48</sup> Aru caivu ina obedivu pōeva cójjiyivu bācavu nore, Jesús yaiyú bácuere jáivu, copainurejaimada ne cūramia coapa, totaivu ne ñarebare, ne chíoiye boje. <sup>49</sup> Caivu Jesús bácu coreóvaimara, aru ina nomiva, Galilea ámicurōre jocarí ðaivu bācavu úque, na máre cocorí núrejaimada joajñemia.

**Jesús b́acu jaruvaimu ne pōe jaruvainoi**

(Mt 27.57-61; Mr 15.42-47; Jn 19.38-42)

<sup>50</sup> Cūińacu ũmu cūrejameđa, ũi āmía Jośe, Arimatea āmicurīimarocacu. Sacerdotevai cójjinore coyūpōevacacu barej́ameđa ũ. Nái Jośe meacu aru āmeina tebecu barej́ameđa ũ. <sup>51</sup> Que baru ju abedejameđa ina judíovai cójjinocavu ne đaiye báquede Jesúre. Ũ máre Jūmenijicui jabotequinumu maquinóre napini coreyu barej́ameđa ũ. <sup>52</sup> Pilato yebai nuri, Jesús b́acui baju b́acarōre jēniacunrejameđa ũ. <sup>53</sup> Pilato ũi jēniayede ju aríburu yóboi, Jesús b́acure jocucujaravede jōđavari, ĩni, meacaje boricaje lino āmicuricajeque cūmari nūvarejaimađa ũ mácure cūracobei. Pōeva ne yaivu b́acavu ne ĩmamecobe barej́avūya dicobe. Aru dicobei Jośejá jaruvarejaimađa Jesús b́acure. <sup>54</sup> Dij́aravu, nainú, torojūve teij́aravu baquinóre meadaj́aravu barej́avūya. Sábado baquinó jipocaj́aravu barej́avūya.

<sup>55</sup> Ina nomiva Jesúque eaivu b́acavu Galilea āmicurōre jocarí, Jośejá yóboi nuri, járejaimađa dicobede aru ne jaruvaiyede Jesús b́acui baju b́acarōre nore. <sup>56</sup> Jári buojarí, copainurejaimađa na, meadarájivu mumijūede aru jįjovaiyede máre, ne nuvarajiyede sábado j́aravu yóboi, meadarájivu Jesús b́acui baju b́acarōre dieque. Aru judíovai jabuóvaj́aravu sábadoi, jabuóvarejaimađa na yópe Jūmenijicui đaicójeiye báquepe.

**Jesús ũi nacajaino yainore jaruvari**

(Mt 16.21, 17.22-23, 20.18-19, 28.1-10; Mr 8.31, 9.31, 10.33-34, 16.1-8; Lc 9.22, 18.31-33; Jn 20.1-10)

**24** <sup>1</sup> No sumana buij́aravu domingo javej́nara, aviá ũi tucumuiyede, ina nomiva nurejaimađa Jesús b́acure ne jaruvainoi, nūvaivu mumijūede, ne meadaiye báquede, yuarájivu diede Jesús b́acui baju b́acarōre. <sup>2</sup> Dicobe cūracobede carejavūya beiturava

cūraturava uraturava. Dinomiva ne eaiyede ũ mácure ne jaruvainore, earejaimađa dicobe biebecobede.

<sup>3</sup> Ũbenita ne ecoiyede dicobei, Jesús b́acui baju b́acarōre eabedejaimađa.

<sup>4</sup> Cārijini d́apiaivu, “¿Āri curi Jesús b́acui baju b́acarō?” arejaimađa ne bajumia. Ne nópe d́apiaiyedeca, járorejaimađa pucarā ũmuva, núrivu ne yebai. Aru ne doicajea boricajea pare pōorejavūya.

<sup>5</sup> Que baru ina nomiva, cucumaivu, doco járejaimađa na, ne jidué boje. Aru ina ũmuva arejaimađa náre:

—¿Aipe teni voivurū muja apucure

yaivu b́acavure ne jaruvainoi? <sup>6</sup> Jesús

jave nacajami yainore jaruvari. Que baru cubebi yore. ¿Ārumetenaru muja ũi coyuiye báquede mujare nore Galilei?

<sup>7</sup> Coyuquemavu mujare yópe: “Jauvu yure, Jūmenijicui daroimu mácure ũmupe, ji urarō nájiquino. Jēni jįnajarama yure ina āmeina teivure, ne pēvari boarí jaruvarájipe yure. Aru yóbecurij́aravua yóboi yainore jaruvari nacajacuyumu yu”, aquemavu mujare Jesús, arejaimađa na nomivare.

<sup>8</sup> Ne que aiyede, ina nomiva ārurejaimađa Jesús ũi coyuiye báquede náre. <sup>9</sup> Copainuriburur yóboi Jesús b́acure ne jaruvaino mácarōre jocarí, caiye ne jáiye báquede coyurejaimađa ina once paivure aru apavu Jesú yóvaimarare máre. <sup>10</sup> Iye boreore coyūvu b́acavu barej́aimađa María Magdalacaco, aru Juana, aru apoco María, Santiagoi paco máre, aru apavu nomiva náque curivu. Ina coyuridurejaimađa ne jáino mácarōre Jesús ũi yavaiye méne beorí coyucójeimarare. <sup>11</sup> Ũbenita nácapúravu ju abedejaimađa ina nomiva ne coyuiyede. “¿Ũbeni márica?” arí d́apiarejaimađa.

<sup>12</sup> Ũbenita Pedro nacajari, cúyarí, earejameđa Jesús b́acure ne jaruvaino mácarō yebai. Dicobei nacachini, járejameđa Jesú cūmaicajea báquede, lino āmicuricajea paraicajeare cūinároma. Que teni Pedro, pare d́apiayu, cūrami copainurejameđa.

**Jesús ũi cūeteino Emaús ma nūimai**

(Mr 16.12-13)

<sup>13</sup> Dij́aravumica Jesú bueimaracavu pucarā Emaús āmicurīimaro



nũivũ barejáimada na, Jerusalén  
 ãmicurĩĩmaroi curivũ b́acavu. Jerusalén  
 joabejĩnoi, once paikilometros baju  
 barejávũya diĩmaro. <sup>14</sup>Nũre nũivũvacari  
 boroteivũ barejáimada na, yo Jesús  
 b́acui baju b́acarõ b́jaino ḿacarõre.  
<sup>15</sup>Diede boroteivũ ne yávare nũiyedeca  
 mái, Jesús ùi baju nára earejameđa  
 ù. Náque vaivári nũrejameđa Jesús.  
<sup>16</sup>Vaivári nũñũreca náque, úre  
 coreóvabedejaimada na.

<sup>17</sup>Aru náre arejameđa Jesús:

—¿Aipe arĩ boroteivũrũ mũja, mái  
 nũivũ? ¿Aipe teni chĩoivũrũ mũja?  
 arejameđa.

Ëi que aiyede, dajocarĩ,  
 nũranũrejaimada na, chĩoivũ. <sup>18</sup>Aru  
 nácacu cũinácũ, Cleofas ãmicucũ,  
 arejameđa Jesúre:

—¿Mu máre Jerusaléi cũcũvacari,  
 caiye vaiye báquede majibecurũ mu?  
 arejameđa ù.

<sup>19</sup>—¿Yéde? jēniari járejameđa náre  
 Jesús.

Aru arejaimada:

—¿Jesús Nazarecacũ b́acũre vaiye  
 báquede jápiabetecurũ? Jũmenijicui  
 yávaiyede coyũcaipõecũ b́acũ baju  
 bateáme ù. Jũmenijicui jáinoi aru  
 põeva ne jáiyede máre caiye ùi ãaiye  
 báque aru caiye ùi coyũiyē báque máre  
 me mateávũ. Coyurĩ parucũ bateáme  
 ù mácu. <sup>20</sup>Aru úre boarĩ jarũvaicõjeni,  
 úre jocucũjaravena pēvaicõjeima na  
 sacerdotevare jaboteipõeva ina maje  
 jabovaque. <sup>21</sup>Ëbenita, “Ë majubĩ  
 Israecavũre meããipõecũ bacũyũ”,  
 aivũ bateávũ ñũja. Cari járavũque  
 yõbecurĩjãravũa nũivũ ùi yainĩburu  
 yõboi. <sup>22</sup>Ñũjacavũ nomiva ñũjare  
 cuavama caride. Cari járavũ javejĩnara  
 ù mácũre ne jarũvainoi numada na,  
 ñũje nomiva. <sup>23</sup>Ëbenita ù mácuĩ baju  
 b́acarõ cubetevũya. Eabetemada na.  
 Aru yópe arĩ, ñũjare coyũrãedama na  
 nomiva: “Ángelevare jávũ ñũja. ‘Arũbi  
 ù Jesús’, ama na”, ama ñũjare dinomiva.  
<sup>24</sup>Dinumuma ñũjacavũ apevũ, “¿Jãve  
 ḿarica no?” arĩ, járanũma na nomicata.  
 Nomiva ne aiyē báquepedeca jámada na

máre. Ëbenita úre, Jesúre, jámetemada  
 na, arĩ coyũrejaimada ina pũcarã mái  
 nũipõeva.

<sup>25</sup>Náre arejameđa Jesús:

—Dápiabevũtamũ mũja. Coreóvabeni  
 curivũtamũ mũja. Jũmenijicui yávaiyede  
 coyũcaipõeva mácavũ ne toivaiye  
 báque caiyede jápiarĩ coreóvabevũbu  
 mũja. <sup>26</sup>Nópe ãmeno vaijēbu Cristo. Aru  
 no yõboi, ãmeno vaiyũ b́acũ, caiyede  
 jaũbeda jebeyũ b́acũ, meacũ baju ñũjebu  
 cavarõ mearo Jũmenijicui curõi, arĩ  
 coyũrejameđa náre Jesús.

<sup>27</sup>Aru coyurĩ b́arĩ Jũmenijicui  
 ãaicõjeiyede ùi toivaicõjeiyē báquede  
 Moisés b́acũre, aru ina Jũmenijicui  
 yávaiyede coyũcaipõeva mácavũ ne  
 toivaiye báquede coyurĩ jebedejameđa  
 náre Jesús caiye ùi borore.

<sup>28</sup>ĩmaro ne earãjino joabejĩnoi eaiyede,  
 nũñũpe tedejameđa Jesúcapũravũ.

<sup>29</sup>Ëbenita ne yebai mauteicõjenejaimada  
 na:

—Yui ñũjaque cũjacũ mu. Jájacũ, jave  
 nainũtamũ. Jave ñemié tũinotamũ,  
 arejaimada Jesúre.

Que teni ne yebai nũrejameđa Jesús.

<sup>30</sup>Náque curĩ, dobarejameđa Jesús,  
 ãcũyũ náque. Páure ñni, Jũmenijicũre  
 torojuede jĩni, páure cotũvarĩ, náre  
 jídejameđa Jesús. <sup>31</sup>Ëi páure cotũvarĩ  
 jíyē bajure, úre coreóvarejaimada  
 na. Ne coreóvaiye bajure cũiná náre  
 b́jarejameđa Jesús. <sup>32</sup>Que teiyede,  
 arejaimada na, ne bajumia boroteivũ:

—Jãvemũ. Ëi boroteiyede majare mái  
 Jũmenijicui yávaiyede coyũyũ, maja  
 meãũme cãtevũ, arejaimada na, Jesús ùi  
 b́jarĩburu yõboi.

<sup>33</sup>Que teninata, cũiná Jerusalén  
 ãmicurĩĩmaroi copainũrejaimada na.  
 Nore eaiyũ, ina Jesúi bueimara mácavũ  
 once paivũ baju, aru apevũ náque  
 curivũ, cũinároĩ cõjijivũre earejaimada  
 na. <sup>34</sup>Aru ina Jesúi bueimara mácavũ  
 once paivũcapũravũ arejaimada ina  
 pũcarã copavũ b́acavũre yópe:

—Jãve bajubũ. Maje jabocũ yayĩ b́acũ  
 bediõva cojedeca arũbiya ù. Simón  
 Pedro úre jámiya, arejaimada na.

<sup>35</sup> Dinumuma ina copaivu bácvu náre vaiye báque caiyede coyurejaimada ina once paivure. Ëi coyuiye báquede náre mái coyurejaimada na.

—Páure ñi cotuvaiye bajure ùre coreóvavu ñija, arí coyurejaimada na.

**Jesús ñi cueteino ñi bueimarare**

(Mt 28.16-20; Mr 16.14-18;

Jn 20.19-23; Hch 1.4)

<sup>36</sup> Ne nópe coyuiyedeca, Jesúvacari cuetedejaimada ne jéneboi. Aru yópe arí, jacoyurejaimada náre:

—¿Ména curáru muja? arejaimada Jesús.

<sup>37</sup> Ëbenita na cuecumari jidurivu, yópe arí dápiarejaimada: “¿Põe decocu bácu bária?” arejaimada na. <sup>38</sup> Ëbenita Jesús arejaimada náre:

—¿Aipe teni jidurivurū muja? ¿Aipe teni pucáūmea curivurū muja? ¿Aipe teni “¿Ñamema ñai?” aivurū muja?

<sup>39</sup> Jájara ji puruáre, ji cubobare máre. Jáve yurecabu. Jēni jájara yure. Aru jájara yure máre. Que baru jiaru aru cūado máre cuvū. Põe decocu yópe cubebi, arejaimada Jesús.

<sup>40</sup> Que ayuva, jádovarejaimada náre ñi puruáre aru ñi cubobare máre.

<sup>41</sup> Ëbenita ju abedejaimada cāreja, ne urarō torojue boje, aru ne pare dápiayie boje máre. Jesús jēniari járejaimada náre:

—¿Āiyede cuvabenaru muja yore? arejaimada náre.

<sup>42</sup> Ju arí, jídejaimada ùre cūinátuibu moacu joaimure, aru mumicorore máre.

<sup>43</sup> Aru dituibure ñni, aru mumicorore máre ñni, ārejaimada ne jáinore.

<sup>44</sup> Dinumu arejaimada náre:

—Jave yu coyucacu mujare caiye iyede ji cuede mujaque. Coyucacu mujare ñaiye javvu caiye iye Jūmenijicui ñaicōjeiyede ñi toivaicōjeiye báquepe Moisés bácvure, aru Jūmenijicui yávaiyede coyucaipōeva mácvu ne toivaiye báquepe, aru iye Salmos āmicue toivaiye báquepe máre, arejaimada náre Jesús.

<sup>45</sup> Que ayuva, Jūmenijicui yávaiyede coyurí majicarejaimada náre, ne me majinajiyere ayu iye Jūmenijicui yávaiyede. <sup>46</sup> Aru coyurí buojarí, arejaimada náre:

—Yópe toivainotamu: “Cristore ñi urarō ñájiye javvu ùre. Aru yóbecurijárvava ñi yainiburu yóboi nacajacuyume yainore jaruvarí”. <sup>47</sup> Aru, “Coyuiye javvu pōevare ne āmeina teiyede chíori, ne oatvarājiyere aivu, Jūmenijicui ārumetequiyepe aivu náre ne āmeina teiyede. Cristoi āmiái, ñi paruéque, coyuiye javvu náre caivu ijárvavcavure, mamarumure Jerusalécavure aru yóboi caivu arevure máre”, arejaimada Jesús, Jūmenijicui yávaiyede majicayu ñi bueimarare.

<sup>48</sup> Bedióva cojedeca Jesús coyurejaimada náre:

—Mujavacari jáivu bácvavbu caiye iyede. Que baru coyuiye javvu mujare arevure, ne majinajiyere aivu. <sup>49</sup> Yu daroquijivu mujare ñaine, jipacui daroquimure, Espiritu Santore. Que baru mautejarā muja cāreja yui ímaroi, pu muje jacopuiyeta Jūmenijicui paruéde, cavarō mearoquede, arí ñaicōjenejaimada Jesús ñi bueimarare.

**Jesús ñi muino cavarō mearo**

**Jūmenijicui curōi**

(Mr 16.19-20; Hch 1.9-11)

<sup>50</sup> Ëi que aríburu yóboi, Jesús jipocatedejaimada ñi bueimarare pu Betania āmicuríimajinoita. Nore ñi puruáre jaruvurí, “Jūmenijicui jáinoi me tejarā muja”, arejaimada náre. <sup>51</sup> Nópe ayuvacari, muri nurejaquemavu náre jocarí pu cavarō mearo Jūmenijicui curōita. <sup>52</sup> No yóboi, ñuatutarí mearore jídejaimada ùre. Aru torojurivu copainurejaimada Jerusalén āmicuríimaroí. <sup>53</sup> Nore Jūmenijicui cūrami jívuí mauteni cainumua, mearore jídejaimada Jūmenijicure. Quénoramu.